

S T E N O G R A M

**11. Hitne sjednice Skupštine Kantona Sarajevo, održane u ponedjeljak,
05.10.2020. godine sa početkom rada u 9,00 sati ONLINE**

Predsjedavajući:

Dobro jutro evo samo TVSA proba, najavili su za tri minute da ćemo krenuti. I molim zastupnike da prijave prisustvo u Viber grupi, kako bi smo mogli krenuti sa radom. Zahvaljujem.

Otvaram 11. Hitnu sjednicu Skupštine Kantona Sarajevo.

Pozdravljam uvažene kolegice i kolege zastupnike, članove Vlade, sve one koji prate rad današnje sjednice.

Svima nama želim uspješan rad i ugodnu radnu atmosferu.

Povodom svjetskog dana učitelja, 05. oktobra, upućujem čestitke svim prosvjetnim radnicima na području Kantona Sarajevo. Ovaj dan je prilika da se istakne da su zalaganje i rad učitelja, nastavnika i profesora prepoznati kao jedan od najvažnijih faktora za ukupan razvoj društva te se kao takvi i cijene.

ONLINE sjednici prisustvuje 32 zastupnika, što je dovoljan broj za punovažan rad i odlučivanje.

Izostanak sa ove sjednice opravdao je Milavica Sead.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

1.

2.Kolegij Skupštine Kantona Sarajevo je na sjednici održanoj dana 30.09.2020.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja 05.10.2020.godine u 09,00 sati.

Shodno naprijed navedenom, Prijedlog Dnevnog reda 11. Hitne sjednice Skupštine Kantona Sarajevo sa dopunom za tačku 2. glasi:

1. Prijedlog zakona o izmjenama i dopunama Zakona o visokom obrazovanju – skraćeni postupak i
2. Informacija u vezi Zaključka Skupštine Kantona Sarajevo broj:01-04-35283-3/20 od 38.09.2020.godine.

Molim zastupnike da se izjasne o Predloženom dnevnom redu. Sekretara Skupštine molim da napravi anketu i da glasamo. Zahvaljujem. Otvaram glasanje, molim zastupnike da glasaju za predloženi dnevni red. Još 30 sekundi za glasanje. Molim zastupnike da glasaju. Zaključujem glasanje.

ZA JE GLASALO 25 ZASTUPNIKA, PROTIV NIJE BIO NIKO I SUZDRŽANIH 2.

KONSTATUJEM DA JE SKUPŠTINA ZA 11. HITNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN.

Prelazimo na realizaciju tačke 1.

AD – 1.

PRIJEDLOG ZAKONA O IZMJENAMA I DOPUNAMA ZAKONA O VISOKOM OBRAZOVANJU – SKRAĆENI POSTUPAK

U skladu sa članom 158. stav 2) Poslovnika Skupštine Kantona Sarajevo molim predstavnika Predlagača da nam ukratko navede razloge za donošenje Prijedloga zakona po skraćenom

postupku. Ministar Krivić. Izvolite imate riječ kolega Kriviću.

Ministar Anis Krivić:

Pozdravljam sve prisutne. Veliki pozdrav za građane Kantona Sarajevo. Razlozi za donošenje Zakona po skraćenom postupku. Članom 158. Poslovnika Skupštine Kantona Sarajevo propisano je da kada je to programom rada Skupštine predviđeno ili kada nije u pitanju složen i obiman Zakon, podnosilac prijedloga Zakona može umjesto nacрта da podnese prijedlog Zakona i da predloži da se prijedlog Zakona pretresa po skraćenom postupku podnese bez nacрта Zakona. Ako Skupština ne prihvati da pretresa prijedlog Zakona po skraćenom postupku sa prijedlogom Zakona se postupiti kao sa nacrtom i u nacrtu se odmah vrši rasprava. S obzirom na neophodnost neodloživog rješavanja pitanja u vezi sa realizacijom nastavnog procesa uslovima pandemije, kao i početak studijske 20/21 godine Ministarstvo za obrazovanje, nauku i mlade cijeni da je kratak period za provođenje postupka u redovnoj proceduri te da postoje razlozi i neodložna potreba donošenja Zakona po skraćenom postupku, što je i stav Vlade Kantona Sarajevo. Hvala.

Predsjedavajući:

Zahvaljujem uvaženi ministre, imamo li pitanja? Imamo kolegica Jasna Duraković pitanje. Kolegice Duraković da li ste spremni? Ja se izvinjavam, nisam pročitao po redu kako su se prijavili, uvaženi zastupnik Okerić, Handžić, kolegica Duraković, Marjanović. Kolega Okeriću. Kolegice Duraković ako možete da skačemo, ovako dva su se zastupnika prijavili.

Poslanik/zastupnik Elvedin Okerić:

Predsjedavajući da li se čujemo? Uvaženi predsjedavajući, sve srdačno pozdravljam kolegice i kolege kao i građane pored malih ekrana. Obzirom da ste krenuli ovu Skupštinu onako kako nije Kolegij utvrdio, tražim pauzu ispred Kluba NiP-a. Od 30 minuta.

Predsjedavajući:

Pauza 30 minuta na zahtjev Kluba NiP-a. Ali moram vas napomenuti da se utvrđuje dnevni red na samoj sjednici Skupštine Kantona Sarajevo, kada se radi o sjednici hitnog karaktera. Dajem pauzu od pola sata.

Poslanik/zastupnik Elvedin Okerić:

Uvaženi predsjedavajući ne radi se sjednici sa skraćenim postupkom već o hitnoj sjednici.

Predsjedavajući:

Ne postoje sjednice skraćenog nego postoje samo hitnog, redovnog i tematske sjednice. Ali evo u svakom slučaju 10,10 nastavljamo. Pauza na zahtjev Kluba NiP-a pola sata.

NASTAVAK NAKON PAUZE

Predsjedavajući:

Evo nastavljamo samo da TVSA da saglasnost da možemo se uključiti direktno u prijenos. Zahvaljujem. Nastavljamo sa radom.

Tačka 1:

Prijedlog Zakona o izmjenama i dopuna Zakona o visokom obrazovanju, skraćeni postupak. Došli smo do pitanja, uvodne napomene je dao ministar. Kolega Okeriću imate riječ, pitanja. Obrazloženje nema potrebe zbog pauze od 30 minuta.

Poslanik/zastupnik Elvedin Okerić:

Zahvaljujem predsjedavajući. Ne mogu da vjerujem da ste sposobno ovo da ovako pred očima javnosti ovakve stvari. Evo imam ovdje poslovnička intervencija, jel ja ili neko drugi. Ko govori sada predsjedavajući?

Predsjedavajući:

Kolega Okeriću ja vodim sjednicu ako vi smatrate da trebate sjesti ovdje evo ja vas pozivam da to i učinite. Ali dok ja vodim sjednicu ne morate se obazirati kome ću dati riječ.

Poslanik/zastupnik Elmedin Konaković:

Vi ste dužni dati riječ kada je poslovnička intervencija predsjedavajući, onome ko se prijavi. Vidjeli ste moju prijavu i Okerićevu.

Predsjedavajući:

kolega Konakoviću ja vas molim da vi ne vodite sjednicu. Konakoviću, oduzimam vam riječ.

Poslanik/zastupnik Elmedin Konaković.

Poslovnička intervencija Čelik.

Predsjedavajući:

Prijavite, vi ste to učinili, imate poslovničku intervenciju.

Poslanik/zastupnik Elmedin Konaković:

Ja sam to predsjedavajući učinio na vrijeme, Okerić vam je to govorio, a vi ste rekli ja ću dati riječ kome ja hoću. Ova Skupština, tako ne funkcioniše. Dobro jutro predsjedavajući Čelik. Dobro jutro sekretarko, dobro jutro cijenjeno rukovodstvo i gledaoci TVSA, i cijenjene kolegice i kolege. Ovo jutros što vi radite zove se šibicarenje i prekrižili ste Poslovnik u nekoliko njegovih odredba koje su propisale hronologiju održavanja jedne ozbiljne sjednice. Prvo, sekretarka nije utvrdila prisustvo na sjednici onako kako je dogovoreno i kako radi svaki put. Rekla je da je na moju šalu u viber grupi nije znala ko se šali, a ko ne, evidentirala ljude koji su stavljali smajlice, tražili pauze.

Predsjedavajući:

Kolega Konakoviću ja bih vas lijepo molio da se vratite na tačku dnevnog reda.

/Poslanik/zastupnik Elmedin Konaković govori istovremeno kada i predsjedavajući pa je nerazumljivo/

Predsjedavajući:

U skladu sa članom 85. oduzimam vam riječ.

Poslanik/zastupnik Elmedin Konaković:

Ma možete vi oduzimati šta hoćete. Vi ste pročitali skraćeni postupak i hitni postupak. Dezavuisali ste zastupnike, ugrožavate rad ove sjednice, vi hoćete da je prekinete, izgubit ćete kvorum, nemojte maltretirati ove ljude.

Predsjedavajući:

Ko god nije za Zakon o visokom obrazovanju odmah nek se isključi. Kako ste prijavljeni kolega Konakoviću, nemam vas ja ovdje? Kako vi pričate a nemamo vas evidentirano? Kako ste prijavljeni?

Poslanik/zastupnik Elmedin Konaković.

Poslovnička intervencija poslije Okerića. Evo vam predsjedavajući, u mojoj kameri piše kada

sam se prijavio kada je Okerić rekao pauza. Evo vidite li na kameri.

Predsjedavajući:

Vidim ja, nema vas ovamo, ne mogu da vas isključim zato što niste prijavljeni kao Konaković. Ne znam kako ste se..

Poslanik/zastupnik Elmedin Konaković:

Ne možete da me isključite zato što ne da dragi bog zato što ljudi hoće da čuju ovo što vi radite, ovaj cirkus. Ja od kada znam.

Predsjedavajući:

Kolega Okeriću imate riječ, izvolite.

Poslanik/zastupnik Elmedin Konaković:

Kako ste zaslužili jer ste napravili cirkus u samom startu. Nađite me, pod inkognito se krijem.

Predsjedavajući:

Gospodine Konakoviću oduzimam vam riječ u skladu sa članom 85. udaljili ste se od teme. Kolega Okeriću izvolite imate riječ.

Poslanik/zastupnik Elvedin Okerić:

Predsjedavajući da li se čujemo?

Predsjedavajući:

Mi vas odlično čujemo. Kolega Okeriću izvolite.

Poslanik/zastupnik Elvedin Okerić:

sramota je ovo što radite pred očima javnosti. A evo poredat ću par nekih hronoloških stvari. Na Kolegiju.

Predsjedavajući:

Kolega Okeriću moram vas prekinuti. Na tačci smo jedan. Otvorili smo Zakon o izmjenama i dopunama Zakona o visokom obrazovanju skraćeni postupak. Ministar je uvodne napomene dao za skraćeni postupak. Imate i pitanja. Imate li pitanja?

Poslanik/zastupnik Elvedin Okerić:

Imam predsjedavajući, molim vas dozvolite mi da pričam.

Predsjedavajući:

Ukoliko se budete odaljili od teme oduzet ću i vama riječ. Izvolite kolege Okerić. Ne samo vama nego i svim zastupnicima koji ne govore.

Poslanik/zastupnik Elvedin Okerić:

Želim da odgovorite javnosti zbog čega ste prekršili zaključak Kolegija Skupštine Kantona Sarajevo od 30.09.2020.godine koji kaže zadužuje se Ministarstvo za obrazovanje nauku i mlade Kantona Sarajevo da u saradnji sa potpisnicama inicijative za donošenje Zakona o izmjenama i dopunama Zakona o visokom obrazovanju pripremi prijedlog Zakona o izmjenama i dopunama Zakona o visokom obrazovanju – hitni postupak i dostavi u skupštinsku proceduru najkasnije do ponedjeljka 05.10.2020.godine. Odnosno do početka hitne sjednice Skupštine Kantona Sarajevo zakazane za ponedjeljak 05.10.2020 sa početkom u 09,00 sati. Ovo je bio zaključak predsjedavajući. Vi ste. Dozvolite mi da završim, nemojte me prekidati. Molim vas nemojte me

prekidati. Pustite me da završim.

Predsjedavajući.

Znači e možete postavljati pitanja meni.

Poslanik/zastupnik Elvedin Okerić:

Postavljam i vama i ministru obrazovanja.

Predsjedavajući:

Postavljate pitanja ministru obrazovanja koji je uvodne napomene dao za Prijedlog zaklona o izmjenama i dopunama Zakona o visokom obrazovanju.

Poslanik/zastupnik Elvedin Okerić:

Zaključak je slijedio i govorio o sljedećem da je bilo neophodno usuglasiti inicijativu za izmjene i dopune Zakona od predlagača amandmana i između ostalog jutros pred samu sjednicu par minuta dobili smo prijedlog za izmjene i dopune Zakona koji nije usaglašen sa predstavnicima, odnosno predlagačima inicijative sa zastupnicima, u ovom slučaju bio je zadužen profesor Marjanović da dogovori sa ministrom. Sve što su dogovorili jutros nije istina, nije ono što je dogovoreno. Izbacili ste moj prijedlog amandmana.

Predsjedavajući:

Kolega vi ste otišli u diskusiju. Razgovaramo o skraćenom postupku.

Poslanik/zastupnik Elvedin Okerić:

Evo postavljam pitanje. Dva pitanja. Kako ste mogli zakazati sjednicu sa skraćenim postupkom iako je Kolegij utvrdio da se zakaže hitna sjednica? Jedno pitanje. Drugo pitanje, kako je moguće da je prijedlog za izmjene i dopune ovog Zakona došao bez usaglašenosti potpisnika inicijative. Evo dva pitanja i za vas i za ministra.

Predsjedavajući:

Ne možete meni postaviti pitanje kolega Okeriću.

Poslanik/zastupnik Elvedin Okerić:

Pa koga da pitam, vi ste zakazali skraćeni postupak?

Predsjedavajući:

Kolega dopredsjedavajući Handžić imate riječ. Izvolite.

Dopredsjedavajući Vibor Handžić:

Zahvaljujem predsjedavajući. S obzirom da se javljam prvi put, dobar dan svima. Dakle pitam ministra Krivića zašto je dogovor da Zakon, odnosno izmjene Zakona o visokom obrazovanju po hitnom postupku pretvorio u svom prijedlogu u skraćeni postupak? Zašto nas je slagao kada smo mu na Kolegiju dali povjerenje i imali smo dogovor da on prijedlog nekolicine zastupnika pretvori u prijedlog Ministarstva? Zašto je slagao i zašto je predložio Zakon po skraćenom postupku, molim obrazloženje a kasnije ću u diskusiji dodatno svoj stav iznijeti.

Predsjedavajući:

Molim sve zastupnike da se suzdrže od riječi koje ste vi upravo koristili kolega Handžiću i da se držimo.

Dopredsjedavajući Vibor Handžić:

To je istina, možete se vi ljutiti ili ne.

Predsjedavajući:

Da, to možda govori o zastupnicima pojedinačno. Kolegica Duraković izvolite, imate riječ.

Poslanik/zastupnik Jasna Duraković:

Dobro jutro predsjedavajući, jel se čujemo?

Predsjedavajući:

Dobro jutro. Mi vas odlično čujemo. Izvolite kolegice imate riječ.

Poslanik/zastupnik Jasna Duraković:

Pošto se javljam prvi put pozdravljam naravno sve prisutne kolegice i kolege kao i rukovodstvo i sve one koji prate rad današnje sjednice. Ja bih imala par zamjerki u samom početku i pitanja koja ću postaviti ministru. Također se slažem s kolegom Okerićem ovaj tekst koji smo dobili u 9,15 jutros, dakle 15 minuta nakon kada je trebala početi sjednica, nije taj tekst koji je usaglašen 30.09. kada je obavljen razgovor sa Ministarstvom. I evo želim da ministar ponudi neko obrazloženje. Također, meni je usmeno rečeno da će se povući ovaj član ili amandman koji sam predložila, da će se pronaći neko rješenje i u međuvremenu da će se ponuditi pismeno obrazloženje zašto je to izbačeno. To pismeno obrazloženje nije u ovom tekstu, pa bih molila ministara da obrazloži, zbog potreba javnosti naravno, o čemu se tačno radi. I također je rečeno da će se eventualno tretirati ovaj moj amandman u nacrtu Zakona o visokom obrazovanju u nekom narednom periodu. Pa voljela bih neko obrazloženje da čujem molim vas.

Predsjedavajući:

Kolegice Duraković, ja bih vas lijepo molio, to ćemo ostaviti kada otvorimo tačku. Sada razgovaramo samo o skraćenom postupku, načinu na koji je predložila Vlada. Ja bih vas lijepo molio da se držite.

Poslanik/zastupnik Jasna Duraković

Pa evo dakle isto ovo što je predložio kolega Okerić, slažem se u potpunosti, mislim da ovo je kršenje svih pravila i Poslovnika i niste trebali ovako raditi. Dakle ovo je hitni postupak, ne skraćeni postupak.

Predsjedavajući:

Tako je usvojen u dnevnom redu kao skraćeni postupak i o tome ste i glasali. Kolega Marjanović imate riječ.

Poslanik/zastupnik Damir Marjanović:

Neko je upaljen, molim da ugasi mikrofona.

Predsjedavajući:

Kolega Okeriću imamo dosta toga u planu, jedan od planova je da usvojimo ovaj Zakon o visokom obrazovanju. Isključite mikrofona. Kolega Marjanoviću imate riječ.

Poslanik/zastupnik Damir Marjanović:

Kolega Čelik hvala velika. Diskutovat ćemo i o ovome jako, tako da pripazite šta pričate svi, posebno kada budemo pričali o usvajanju Zakona i kome je bilo u planu da usvoji a kome da ne usvoji. Ja inače ovako ne reagujem ali ovako ću sada reagovati. Postavljam pitanje, nemojte se sikirati, znam za šta postavljam pitanje, jako direktno, zašto je Vlada Kantona Sarajevo i Ministarstvo odlučilo da ne ispoštuje odluku, zaključka i da pripremi Zakon po skraćenom postupku, kada je rečeno da je hitni. A nemojte se brinuti, kada budemo diskutovali pojedine

članove i kada budem diskutovali određene druge stvari, detaljno ćemo analizirati šta je ubačeno i šta je izbačeno i zašto je ubačeno i zašto izbačeno. Hvala velika.

Predsjedavajući:

Zahvaljujem. Uvažena dopredsjedavajuća Kristić imate riječ.

Dopredsjedavajuća Danijela Kristić:

Zahvaljujem predsjedavajući. Obzirom da se prvi put javljam, pozdravljam sve prisutne i gledaoce kraj malih ekrana. Moje pitanje također prema ministru Kriviću, zašto nije ispoštovao zaključak Kolegija da tekst se ne će mijenjati i da će se uskladiti sa inicijatorima samoga prijedloga Zakona, odnosno izmjena. Ja mogu reći da sam u petak razgovarala sa ministrom Krivićem oko ovog člana koji je izbacio i da sam striktno rekla da NiP stoji iza tog člana, i on je rekao da će taj član ići u izmjene prijedloga Zakona o visokom obrazovanju. Toliko za sada od mene.

Predsjedavajući:

Kolega Konakoviću i mate riječ.

Poslanik/zastupnik Elmedin Konaković:

Hvala predsjedavajući. Nadam se da se vidimo i čujemo. Ministre Kriviću zašto ste pristali da se spustite u ovu prljavu baru prijedlogom Zakona o skraćenom postupku, neću reći nikakvu riječ, ne radeći onako kako su se Kolegij i Skupština dogovorila i zašto ste baš ovaj član, volio bih ljudski da mi kažete, izbacili ovaj koji stimulise da se bolji studenti favorizuju u odnosu na one koji su malo slabije. Zanima me ljudski jer sam vas ja u nekoliko navrata hvalio i šokiran sam da ste vi pristali na ovu vrstu finte (gubi se snimak) sekretarke kao najodgovornije osobe i Čelika od kog smo to već navikli. Da li je on to se zbunio ili zbunio ili inje jasno, nama to nije važno. Ali je danas sve prekršeno. Zašto vi uvaženi Kriviću? Hvala.

Predsjedavajući:

Za dalju diskusiju kolega Konakoviću ja ću vas moliti da popravite vaš mikrofon jer se čujete u prekidima. Kolegica Kerla Bibija je tražila riječ, ali govorimo samo o Zakonu po skraćenoj proceduri odnosno skraćenom postupku. Kolegica Kerla izvolite. Kolegica Kerla ima vjerovatno problema sa tehnikom. Kolega Elvis Vreto. Kolegica Kristić je već postavila pitanje, tako da nemate poslovnički mogućnost, ali evo provjerit ćemo da li u skladu s Poslovníkom možemo dostaviti dodatno pitanje. Kolega Vreto izvolite.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne i građane koji nas prate. Imam dva pitanja vezano za skraćeni postupak. Bio sam prisutan na sjednici Kolegija u srijedu

Predsjedavajući:

Kolega Vreto ja se izvinjavam, imamo poslovničku intervenciju uvažena dopredsjedavajuća Kristić. Izvolite, imate riječ.

Dopredsjedavajuća Danijela Kristić:

zahvaljujem predsjedavajući. Pa evo ja sam sada još malo više zbunjena. Trenutno imam pred sobom podsjetnik koji sam kao rukovodstvo Skupštine dobila i ovdje u podsjetniku je naznačeno da ide hitni postupak. Sada ukoliko ste vi odlučili da nije hitni nego da je skraćeni postupak, ja postavljám pitanje zašto meni kao rukovodstvu Skupštine nije došao izmijenjeni podsjetnik pa da znam o čemu se radi. Toliko hvala.

Predsjedavajući:

Zahvaljujem. Imate znači materijal od strane Vlade ko ji je dostavljen i tamo možete naći odgovor. Kolega Vreto, izvolite, imate riječ.

Poslanik/zastupnik Elvis Vreto:

Hvala predsjedavajući. Znači postavljam prvo pitanje. Obaveza je bila Ministarstva na čelu s gospodinom Krivićem da u petak materijal koji je Kolegij odredio da se održi današnja sjednica kao hitna, da se u petak dostavi materijal za sjednicu usaglašen sa predlagačima amandmanima koji su trebali dan ranije usaglasiti tekst. Mi danas imamo potpuno jednu drugu situaciju da je potpuno izmijenjen postupak iz hitnog u skraćeni, materijal nam je dostavljen, pa ne znam, pola minute prije početka sjednice, koja je kasnila otprilike 20 minuta. Ja zaista imam pitanje zašto se to desilo i koji su razlozi zbog čega je gospodin ministar Krivić ovako postupio. Ponavljam bio sam prisutan na sjednici Kolegija koji je jasno utvrdio koji je način i postupak održavanja ove sjednice i definisano ove rokove koji se apsolutno nisu poštovali.

Predsjedavajući:

Zahvaljujem kolega Nikšić Damir ima riječ. Kolega izvolite.

Poslanik/zastupnik Damir Nikšić:

Dobro jutro svima. Mene ovo stvarno počinje da brine. Ja imam pitanje ali moram reći da je ovo jedna praska koja je od početka ustaljena. Valjda je to ono na šta je premijer mislio kada je govorio da će rješavati stvari u hodu ako se sjećate, na početku. Stalno imamo ove stvari a to je da u zadnji momenat dolaze materijali ili nakon početka sjednice, i to je već zabrinjavajuće, pogotovo sada kada treba da donosimo zakone. Ovo liči na samovlašće i pravu autokratiju i to na mala vrata. Jer na prevaru i zadnji momenat ste promijenili u tekstu je bilo

Predsjedavajući.

Kolega ja bih vas lijepo molio da to ostavite za raspravu. Kolega Nikšiću da ostavite to raspravu. Dozvolite, mi smo na pitanjima.

Poslanik/zastupnik Damir Nikšić:

Mi smo do sada uvijek glasali prije kada je tačka dnevnog reda a li prihvatamo po hitnom postupku ili ne. Ja samo pitam možemo li i ovoga puta glasati za to na prvoj tački dnevnog reda da usvojimo da li hoćemo po hitnom postupku ili ne.

Predsjedavajući.

Vi kolega Nikšiću vjerovatno niste pratili ali sam dao da se razmatra prijedlog Zakona o skraćenom postupku., otvorili smo pitanja vi ste već iskoristili.

Poslanik/zastupnik Damir Nikšić:

Pa nekonzistentnost s materijalom koji ste poslali. Ne možete nam podvaliti druge riječi umjesto one za koje smo se dogovorili a to je po hitnom postupku.

Predsjedavajući:

kolega to možete ostaviti za diskusiju.

Poslanik/zastupnik Damir Nikšić:

Ovo je podvala. Ovo je podvala.

Predsjedavajući:

Dobro kolega, vi to tako smatrate. Nemamo više prijavljenih. Kolega Jakupović imate riječ, izvolite. Kolega Jakupović da li se čujemo. Uvaženi zastupnik Jakupović.

Poslanik/zastupnik Vedran Jakupović:

Jel me čujete? Pozdravljam sve. Ja bih samo pitao ako smijem predsjedavajućeg je li moguće psihološki ili sociološki da 18 ljudi ne prati, ne zna, ne gleda, ne shvata ili je možda neka druga finta u pitanju. Dakle 18 ozbiljnih ljudi vas nije shvatilo. Eto samo ako možete to da mi odgovorite, hvala.

Predsjedavajući:

Nisam razumio pitanje. Nemamo više postavljenih pitanja. Ministre izvolite da odgovorite na postavljena pitanja. Kolega Krivić obrazlažemo samo skraćeni postupak a bit će pitanja o samom Zakonu. Izvolite kolega Kriviću.

Ministar Anis Krivić:

Hvala vam predsjedavajući. Ja sam zapisao sva pitanja. Evo potrudit ću se da izvučem ova koja se tiču skraćenog postupka. Naime, stav Vlade Kantona Sarajevo jeste da ovaj Zakon ide po skraćenom postupku iz razloga što je iz prostog razloga koji je vrlo jednostavan, mogućnost ulaganja amandmana. Sama inicijativa i bilo koji amandman koji se ulaže u Zakon o visokom obrazovanju povlači sasvim jasno posljedice za UNSA. I za studente, a samim tim i za građane Kantona Sarajevo. Inicijativa generalno koja je podnesena, amandmani koji su predloženi, odnosno eventualni amandmani koji mogu biti predloženi, povlače jako puno konsekvenci. Danas je 05.10. još uvijek se pregledavaju neki ispiti. Studenti se upisuju na UNSA. Akademsko osoblje je spremno za realizaciju nove akademske godine. Sve izmjene koje bi ulazile u domen zapošljavanja, angažmana, ispunjavanja uvjeta, bi povukle zaista jako ozbiljne i odgovorne posljedice. Ja bih želio odgovoriti na pitanje uvaženom zastupniku Handžiću. Uvaženi zastupniče, ja vas nisam slagao. Ja nisam nikoga nikada slagao. I u sve što kažem iza toga stojim i govorim istinu uvijek. Zašto nije hitni već skraćeni. Skraćeni je zbog amandmana. To je stav Vlade. Kada govorimo o samom tekstu. Tekst jeste usaglašen. Ja sam razgovarao sa zastupnikom koji je određen da se usaglašava tekst. Mi smo razgovarali o svakoj pojedinoj izmjeni u inicijativi. Vlada je prošla kroz sve jednu izmjenu inicijative. Sa uvaženom zastupnicom Duraković jesam razgovarao, usmeno sa svima. Osim sa prof Marjanovićem. Sa njim sa fizički sjedio i razgovarali smo i prošli smo kroz amandmane i čuli smo se konstantno. Uvažena zastupnica Duraković je povukla svoj prijedlog. Imali smo načelno dogovor i još ga imamo da ćemo usmeno razgovarati o problemu koji je ta inicijativa trebala da riješi. Volio bih odgovoriti na pitanje uvažene zastupnice Kristić, nije bilo dogovoreno a tekst inicijative u potpunosti ide u Zakon. Bilo je dogovoreno da će se uskladiti, što jesmo učinili.

Predsjedavajući:

Kolega Kriviću ja bih vas lijepo molio govorimo samo o prijedlogu Zakona po skraćenom postupku. Molio bih vas da ne ulazite u meritum Zakona, govorimo samo o postupku za donošenje Zakona. Izvolite nastavite.

Ministar Anis Krivić:

Ako je tako onda bih odgovorio da to je svakako stav Vlade. Mi smo prošli kroz sve te inicijative nešto smo dodali ispred Ministarstva što smo smatrali da je važno. To je to. Nemam ni jedan drugi odgovor, osim da je ključna i najvažnija stvar sama mogućnost ulaganja amandmana a zbog osjetljivosti pitanja iz visokog obrazovanja. Za sva pitanja iz visokog obrazovanja svakako da stojim na raspolaganju. Jako mi je žao što se ovo odvija na ovaj način ali nema veze, tu smo.

Hvala.

Predsjedavajući:

Hvala uvaženi ministre. Ne postoji način da damo zastupnicima riječ kada su nezadovoljni odgovorom. To možemo samo na tački 1 kada su poslanička pitanja i inicijative i odgovore. Možemo dati poslovničku intervenciju. Uvaženi zastupniče Marjanoviću samo da se prijavite. Imamo prijavljenog dopredsjedavajućeg Handžića, prvog za diskusiju. Kolega Handžiću izvolite imate riječ.

Dopredsjedavajući:

Zahvaljujem predsjedavajući. Dakle jako kratko. Ukoliko s nekim imate neki dogovor pružite ruku i obećate nešto, a uradite drugačije, to se zove laž ili neistina. To nije nikakva uvreda nego je to rječnik bosanskog jezika u kojem stoji ta riječ. Ministar govori da nije iznio neistinu. Evo ako će mu biti lakše, a svaki papir koji je prethodno ovoj današnjoj sjednici potpuno argumentovano govori suprotno od onoga što on govori. Od zaključka kolegija na kojem je on lično nazočio, od podsjetnika koji smo kao rukovodstvo Skupštine dobili za ovu sjednicu, gdje lijepo piše hitni postupak. Od činjenice da su nekolicina zastupnika izvorni predlagači ovih izvornih izmjena Zakona koji su prepustili u dogovoru ministru da u koordinaciji s njima on predloži kao Ministarstvo izmjene Zakona po hitnom postupku, da mi danas pola sata nakon zvaničnog početka sjednice dobijemo Zakon po skraćenom postupku, da bi ministar samovoljno procjenjujući da je nešto osjetljivo, oduzeo izvornim predlagačima pravo da oni kao zastupnicima izabranim od građana predlažu amandmane. Stvarno cirkus i sramota. Zahvaljujem.

Predsjedavajući:

Zahvaljujem uvaženi zastupniče Handžiću. Kolega Konaković ima riječ.

Poslanik/zastupnik Elmedin Konaković:

Hvala predsjedavajući. Nadam se da je malo bolji ton. Pokušavam teško je nakon ovog Handžića diskutovati, kako njemu mozak brzo radi. Rekao je neke dijelove koje sam ja zaista mislio. Bolje bi bilo da Krivić nije ništa odgovarao, zbog njega lično. Izađe čovjek i kaže Vlada je odlučila da vam oduzme pravo da učestvujete u donošenju Zakona, a koji su kao što kaže moj kolega Handžić, a koji su originalno izvorno predložili doktor nauka zastupnik Damir Marjanović bivši ministar, timovi ljudi koji na tome rade u saradnji sa studentima akademskom zajednicom, Senat UNSA, Rektorom, saradnicima. Te da vi ne bi po tome šta brljali, nas je 13, premijer i njih 12 odlučilo da vi na to nemate pravo, pa smo onda suprotno dogovoru, suprotno pozivu Skupštine u kojem piše hitni postupak, predložili skraćeni postupak, a njemu na teret i njemu na dušu jer se ne može kriti ovdje iza Vlade ministar Krivić iza Nenadića, izbacili član Zakona koji govori o prosjeku ocjena i djeci koja treba da ne budu više samofinansirajuća jer su (nerazumljivo) interes društva, imate na stolu, uzmite i ostavite. Jer dalje procedure ako nećemo skraćeni postupak, onako kako ste vi danas fintirali ovu sjednicu, znači da ovog dokumenta nema. To ste vi ministre Kriviću uradili, i svi su vas prozreli. Ja vas pitao zašto ste se u to blato spustili, vi se sakrili iza Vlade, odmah ste rekli nisam to ja to je Vlada. To je vaš resor. Skraćeni postupak oduzima pravo predlagačima materijala i drugima, nisam dugo imao toliko sugestija od ljudi koje Zakon zanima. Sa svim strana. Sad me zvao jedan od dekana. Pita da li to znači retroaktivna primjena. Ne znači. Znači da Senat može donijeti novu odluku u kojoj će ponovo reći da ima novi rok koji djeca čekaju. Jer ljudi ako ne znate, bila je pandemija, bila je korona, ponašate se kao da ne znate. Tako izgledate ali morate znati. u tom skraćenom postupku ne dajete prostor. I šta mislite šta ste vi sada dobili ovim? Znači šta ste dobili da vam ja kažem hodogram. Ovaj skraćeni postupak koji ste nam danas predložili je prouzrokovao sigurno vrlo brzo novu hitnu sjednicu a u novoj ćemo se pozabaviti nastavnim bazama na Medicini. U ovom istom materijalu, sada nismo htjeli. Vi ne shvatate da vi silom koju provodite, provocirate reakcije s druge strane. Ujedinjujete zastupnike da vam ubrzaju ono što vam slijedi. Ministre Kriviću sramota je da ste donijeli skraćeni postupak Zakona i da ste izašli

pred kamere i javno to rekli, braneći Vladu. Oduzimate pravo zastupnicima koji su vas izabrali i koje je narod birao. Hvala kolega Čelik.

Predsjedavajući:

Zahvaljujem kolega Konakoviću taman kada sam htio da vas upozorim da se ponovo slabo čujete vi ste završili vašu diskusiju. Kolega Okerić imate riječ.

Poslanik/zastupnik Elvedin Okerić:

Zahvaljujem predsjedavajući. Jesmo li sada u fazi diskusije.

Predsjedavajući:

Jesmo sada za skraćeni postupak. Samo, otvorili smo raspravu za skraćeni postupak. Kada usvojimo da li je Zakon u skraćenom postupku od strane zastupnika ukoliko dobije potrebnu većinu onda ćemo preći na sam Zakon i dat ćemo ministru riječ za uvodne napomene o Zakonu, nakon toga ćemo otvoriti pitanja raspravu i svakako glasati.

Poslanik/zastupnik Elvedin Okerić:

Predsjedavajući ja se izvinjavam. Ja sam već diskutovao i kazao da je izvršena zloupotreba kada je u pitanju zakazivanje sjednice po skraćenom postupku. Obzirom daje Kolegij Skupštine Kantona Sarajevo zadužio ministra i predsjedavajućeg da (predsjedavajući paralelno govori) ja ću diskutovati kada bude tačka o konkretnim amandmanima i o Zakonu, tada ću uzeti učešće u diskusiji. Zahvaljujem.

Predsjedavajući:

Zahvaljujem. Ali evo ja bih vas lijepo molio da ne koristite termin skraćena sjednica Skupštine Kantona Sarajevo, jer to ne postoji u Poslovniku. Ja sam kazao koje sjednice postoje. Poturak Dževad je sljedeći. Odustao. Kolega Marjanović Damir izvolite imate riječ.

Poslanik/zastupnik Damir Marjanović:

Zahvaljujem predsjedavajući. Referirat ću se na jednu rečenicu i odgovorno tvrditi da ovaj tekst ovakav kakav sada imate nije usaglašen sa predlagačima. Ali ću se vratiti, o tome ću pričati u diskusiji jer ja jako poštujem pravila i jako poštujem Poslovnik. I ako ga nekada prekršim ja ga prekršim slučajno, ali ne namjerno. A ovdje mi se čini da su neke stvari, povjerenje, suradnja i sve ono što smo dogovarali, i sve ono čime smo se hvalili da jedan prijedlog Zakona pravi ne samo opozicija, ne samo pozicija, nego zajedno sve je izigrano u ovoj cijeloj priči. Vezano za skraćeni postupak – hitni, pošto je diskusija u tom pravcu, samim tim što se odjednom pojavila priča oko skraćenog postupka izvarano je i iznevjeren je dogovor s jedne strane koji je bio između zastupnika i s druge strane koji je bio Vlade. Jer kada imate skraćeni postupak onda to u krajnjem slučaju dolazite do te pozicije da ide uzmi ili ostavi. Ovo je sada princip uzmi ili ostavi. I to onako perfidan princip uzmi ili ostavi zbog jako bitnih članova koji su tu unutra, koje nije predložila Vlada, nego koje su predložili ti isti zastupnici, i koji se moraju usvojiti da bi sljedeća akademska godina bila legalna, da bi se studentima izašlo u susret i da bi se olakšalo profesorima na UNSA. Oni su ostavljeni a izbačen je jako bitan član koji je doslovno išao kontra ljudi, kontra onih studenata koji su ostvarili jako visoke prosjeke i kojima se ne omogućava da studiraju redovno i da ih se nagradi. Posebno u ovom periodu kada se trebamo zapitati šta će ti dječaci i djevojčice ako ne budu mogli plaćati svoje školarine. No nastranu da se vratimo nazad. Samim tim što je ova priča prebačena iz hitne u skraćeni, da pojasnimo ljudima koji prate ovo, onemogućeno je izvornim predlagačima da po proceduri, amandmanima djeluju i vrate ono što je dobro i da poprave ovo što je pokvareno u zadnjih pola sata, u periodu vremenskom u kojem je dostavljen ovaj materijal. Tako da, vi znate, sada ste nas doveli pred svršen čin jer ako ne glasamo za skraćeni, da pojasnim opet drugima, svima koji gledaju, onda onda bi se ovo trebalo

vratiti u nacrt, trebalo bi da idu mjeseci mjeseci da sve ove hitne izmjene provedu. Znači jedna fina, fina perfidna igra. Svaka čast. Nadmudrili ste nas. A ja moram priznati, sada ću se sjetiti jedne rečenice jednoga svoga uvaženog prijatelja, pa mogu reći mentora: nema tih diploma, nema tog znanja, kako te neka šibicarska logika može preračunati i kako te neko može prevariti. To se ne uči u školama. Ja kažem ja to nisam naučio u školi. Ali nema veze. Ide sada ova priča. I mi ćemo usvojiti ovo. I vidjet ćete ja vjerujem da ćemo morati opet hitne sjednice jer ako idemo da pomažemo u korona periodu mnogima koji imaju svoje poslove zašto ne bi pomogli onim studentima u koje se toliko kunemo i o kojima govorimo da je budućnost pred njima i da su oni budućnost ove države nema problema, sve je jasno i jasno je ljudima koji gledaju ovo sada. A neće mi biti problem da tokom diskusije, jedne, druge, treće ili u narednim danima do detalja iseciramo šta se eto dešavalo sve od jula pa na ovamo. Ja klonim se populizma, ne pričam na ovoj Skupštini no što ne znam, ne zalažem se za ono što ne znam, ali ovo što je sada urađeno je ispod svake časti. Zahvaljujem. Idemo dalje.

Predsjedavajući:

Zahvaljujem. Kolegica Vildana Bešlija. Izvolite imate riječ kolegice.

Poslanik/zastupnik Vildana Bešlija:

Hvala predsjedavajući. Ja zaista moram iskazati nezadovoljstvo ovim i samo ću napomenuti još jednom da budemo konkretni, da i javnosti i studenti koji nas sigurno gledaju i prate jer se radi o njihovoj budućnosti, da im bude jasno ko ih je izigrao i zbog čega. 28. jula su moje kolege i kolegice predložile određene amandmane na ovaj Zakon. Znači od 28. jula ministar Krivić koji je evo još jednom u nizu upisao jedan od svojih neuspjeha. Znači o načinu svoga rada kojim je doveo studente do oktobra mjeseca a imao je jasne amandmane koji su predvidjeli i određene olakšice kada je u pitanju i korona. Za studente koji se suočavaju sa raznim problemima. Čisto je ignorisao bez ikakvog obrazloženja i u ovim sitnim minutama pred samu sjednicu još jednom izvarao ne samo nas, kao zastupnike, da se ne stekne dojam da se mi na neki način osjećamo ugroženi i izigrani ovdje, nego ono što je najvažnije, studente. I to još jednom pokazuje na šta je ova trenutna vlast spremna. Ne samo nas, nego bukvalno šta nam radite u ovih posljednjih par minuta koje vam odbrojavaju, ovo je stvarno sramota. Hvala vam.

Predsjedavajući:

Zahvaljujem uvažena zastupnice Bešlija, ja bih vas lijepo molio da se držimo dnevnog reda. Znači govorimo o skraćenom postupku donošenja Zakona. Da se držimo dnevnog reda. Kolega Nikšić, izvolite.

Poslanik/zastupnik Damir Nikšić:

ja bih volio da se vratimo da ne bude ovaj nacrt nego da bude hitni. Ali ja bih volio da ako smijem da kažem svoje mišljenje na šta me ovo sve podsjeća. Vi ste sada iskoristili priliku i napisali Zakon koji je populistički Zakon, koji favorizira po mom mišljenju loše studente, loše đake koji imaju prednost pri zapošljavanju, tj uhljebljavanju od strane ovog partijskog režima. Po mom mišljenju na ovaj način vi gradite biračko tijelo i razvijate kroz partijsku berzu rada. Ovim zakonima i postupcima vi srozavate društvo znanja, favorizujući loše studente u odnosu na odlične studente jer sam zato što znate ili pretpostavljate da loši studenti obično čine ili prosječni čine većinu u odnosu na odlične studente koji su manjima u svakom društvu. Zbog tog ovaj tempo i vladavina većina se na ovaj način direktno kroz ovakve zakone o visokom obrazovanju pretvara u vladavinu, ne samo prosječnih, već vladavinu ispod prosječnih što je bitna karakteristika ovog trodecenijskog režima. To sam htio reći. Hvala.

Predsjedavajući:

Zahvaljujem. Kolega Jakupović Vedran imate riječ. Izvolite.

Poslanik/zastupnik Vedran Jakupović:

Zahvaljujem predsjedavajući. Niste shvatili pitanje. Pitanje upućeno vama je bilo da li smatrate da 18 ili 20 ili 15 ljudi koji su ovoj Skupštini ne shvataju, ne znaju, ne razumiju, ili razumiju na pogrešan način istu stvar. Hajd da jedan ili dva pogriješe, ali da pola Skupštine pogriješi. Neću govoriti o stepenu obrazovanja i životnim iskustvu svih tih ljudi. Možete sami pročitati naše biografije pa vidite šta smo sve prošli u životu i kako smo prošli. Ono što nismo prolazili u životu je rekao bih jednu riječ, ali evo neću da me ne upozorite da govorim neodgovarajuće riječi. Samo zbog javnosti pošto smo ovdje četiri ili pet nas univerzitetskih profesora, konstanto smo u kontaktu sa studentima. Radimo ovo isključivo i jedino samo zbog studenata, zbog njihovog prava da neki završe godinu, neki čak diplomiraju. Neki od ovih studenata su u situaciji da imaju još jedan ispit ako ne dobiju ovaj rok, neće moći izaći za ispit, neće moći diplomirati ove godine već tek iduće godine. Tako da ćemo prešutjeti i progutati ovo što ste uradili. Sjednica je bila zakazana u 9 jutros, počeli smo u 9,25. u 9,00 materijal nije bio gotovo, trebalo je biti prije 9,00.

Predsjedavajući:

Kolega možete li se vratiti da se držimo dnevnog reda, molim vas.

Poslanik/zastupnik Vedran Jakupović:

Govorim o postupku vi ste konkretno, evo vratit ćete se u stenogram, rekli, ako nećete glasati, nemojte glasati, znat će studenti ko nije glasao. Mi ćemo glasati samo zbog studenata. Hoću samo javnost da informišem još jednom jer treba deset puta, deset nas da se javi da čujete kako je došlo do ovog skraćenog u odnosu na hitni postupak koji je dogovoren. Dakle u petak mi smo dobili materijal. Cijeli vikend se konsultujemo jesu li došli, nisu li došli, kada će doći, neće li doći. Hajde evo doći će u ponedjeljak prije sjednice. Sjednica u 9 zakazana, niste nas obavijestili ni na kakav način. Nemate apsolutno nikakvog dokaza da smo obaviješteni o kašnjenju sjednice, o razlogu kašnjenja sjednice. U 9, 19

Predsjedavajući:

Ja bih vas lijepo molio da se vratite. Sada stvarno ću vam oduzeti riječ.

Poslanik/zastupnik Vedran Jakupović:

Nigdje ja ne idem od skraćenog postupka od načina na koji smo došli do skraćenog postupka.

Predsjedavajući:

Idete kolega udaljavate se od tačke dnevnog reda u skladu sa članom 85 mogu vam oduzeti riječ.

Poslanik/zastupnik Vedran Jakupović:

Pa govorim o skraćenom postupku. Jesam li pomenuo meritum Zakona ili sam neke druge stvari pomenuo? Dakle koliko god vi koristite taj mikrofon da kažete da ste vi za studente, mi evo isto tako koristimo mikrofon da kažemo da smo za studente puno više i šire nego što ste vi, ali smo dužni objasniti šta se izdešavalo. Zbog nekih drugih studenata koji su ovim prijedlogom oštećeni. A o tome ćemo tokom priča o meritumu razgovarati. Dakle, prije 9, 00 sati nismo dobili nikakav materijal, u 9,05, 9,10, 9,15 nemamo informaciju zašto sjednica još uvijek nije počela. U 9,20 dolazi i materijal i dolazi odmah glasanje. Ovo je samo zbog javnosti i zbog stenograma i zbog zapisnika samo da ljudi u ovom Kantonu znaju, mada znaju, ali još uvijek moramo i dalje ponavljati na koji način radite. Hvala puno.

Predsjedavajući:

Zahvaljujem. Zahvaljujem. Kolegica dopredsjedavajuća Kristić, izvolite imate riječ.

Dopredsjedavajuća Danijela Krišćić:

Zahvaljujem predsjedavajući. Pa evo ja sam vam postavila pitanje kako smo uspjeli dobiti sve materijale kao Skupština da se radi o hitnom postupku a na kraju da bude skraćeni postupak. Vi ste mi rekli da sam to mogla vidjeti u materijalima Vlade. Pa evo ja bih samo da vas napomenem da materijale koje smo dobili gdje je samim tim i prvi put navedeno da će razmatrati u skraćenom postupku, dobili smo u 9,20. sjednica je tada i počela. Zar vi stvarno mislite da mi možemo pročitati materijal Vlade a u isto vrijeme pratiti početak same sjednice. Ali sa svim ovim ste nam stvarno dokazali da vama ne trebamo vjerovati, da ste spremni na sve, ne date nam mogućnost da idemo sa amandmanima kroz hitni postupak, nego moramo skraćenim postupkom. Nemamo mogućnost amandmana. Stavili ste nas u situaciju da moramo glasati za skraćeni postupak da bi uopšte prijedlog izmjene Zakona prošao u proceduru da ne bi išao u nacrt. Ali samo ću reći da ste nas prevarili, ali jeftino. Hvala.

Predsjedavajući:

Zahvaljujem uvažena kolegice Krišćić. Kolegica Bišćević Tokić Jasmina imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Evo pozdravljam sve svoje kolege zastupnike i ministre u Vladi kao i naravno studente koji prate današnji rad Skupštine Kantona Sarajevo. Što se tiče karaktera sjednice, SDA će podržati da ide ovaj skraćeni postupak. Mislim da je svima nama u prioritetu da tamo podršku zahtjevima Studentskog parlamenta. Vidimo da školska godina već treba da starta a neke stvari nisu se do kraja izvele na čistac. Tako da što se Kluba SDA tiče mi ćemo prihvatiti skraćeni postupak koji je Vlada predložila i naravno dati punu podršku radu Studentskog parlamenta. Zahvaljujem.

Predsjedavajući:

Zahvaljujem kolegice. Obzirom da se više niko ne javlja za riječ. Zaključujem raspravu. Sekretara molim da napravi anketu za postupak po skraćenom postupku.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENAMA I DOPUNAMA ZAKONA O VISOKOM OBRAZOVANJU PROVESTI PO SKRAĆENOM POSTUPKU.

Uvaženi zastupnik Jakupović, poslovnička intervencija. Ne morate vi Konakoviću ali evo ako insistirate, omogućit ćemo i vama da napravite anketu. Kolega Jakupović.

Poslanik/zastupnik Vedran Jakupović:
jel me vidite, čujte?

Predsjedavajući:

I vidimo i čujemo, izvolite.

Poslanik/zastupnik Vedran Jakupović:

Ja ću ispred Kluba NiP II tražiti pauzu od 20 minuta.

Predsjedavajući:

Pauza od 20 minuta na zahtjev Kluba NiP, nastavljamo u 11,20.

NASTAVAK NAKON PAUZE

Predsjedavajući:

TVSA molim vas kada budete spremni za nastavak Hitne sjednice da nas obavijestite kako bi mogli nastaviti s radom.

Nastavljamo s radom. 11 Hitna sjednica Skupštine Kantona Sarajevo. Zaključili smo raspravu. Molim sekretara Skupštine da napravi anketu.

MOLIM ZASTUPNIKE DA SE IZJASNE DA LI ĆEMO PRETRES PRIJEDLOGA ZAKONA O IZMJENAMA I DOPUNAMA ZAKONA O VISOKOM OBRAZOVANJU PROVESTI PO SKRAĆENOM POSTUPKU.

Otvaram glasanje. Molim zastupnike da glasaju. Zaključujem glasanje.

ZA JE GLASALO 20 ZASTUPNIKA, 22 ZASTUPNIKA, JA SE IZVINJAVAM, NAKNADNO SU GLASALA 2 ZASTUPNIKA, I SUZDRŽANO 1.

KONSTATUJEM DA JE SKUPŠTINA PRIHVATILA PRIJEDLOG DA SE PRETRES PRIJEDLOGA ZAKONA PROVEDE PO SKRAĆENOM POSTUPKU.

Molim predstavnika Predlagača da podnese uvodne napomene. Ministre Kriviću izvolite.

Ministar Anes Krivić: **UVODNO IZLAGANJE**

Predsjedavajući:

Vi ste dali nama uvodne napomene, sada ćemo otvoriti pitanja pa ćete odgovoriti.

Zahvaljujem ministre Kriviću. Kolega Marjanović se prvi javio, a kolega Okerić neka se pripremi.

Poslanik/zastupnik Damir Marjanović:

Zahvaljujem predsjedavajući. Četiri kratka pitanja. Ako sam dobro ministra shvatio iz ovog uvodnog dijela, tako je rečeno, čini mi se da sam dobro čuo, vi ste sa izmjenama ovog Zakona reagovali ustvari na zahtjev UNSA, i na zahtjev studenata, a nigdje niste spomenuli predložene izmjene Zakona koje su došle od zastupnika. Pa samo bih htio da potvrdim da li sam dobro čuo. Druga stvar, da li se materijal koji ste danas ponudili, razlikuje od materijala koji ste meni kao osobi s kojom nas je Skupština zadužila da nešto koordinirano i radimo zajedno, koji ste mi poslali prije dva dana, 08.05.2020. i zamolit ću vas da mi kažete kada su te izmjene nastale, jer koliko se sjećam jutros smo komunicirali oko nekih stvari što je izostalo, ali ove izmjene nisu bile najavljene. Treća stvar koji dokument ste koristili kao polazni dokument za kreiranje izmjena koje ste sada prezentirali? I četvrta stvar, to sam brzinski zapisao, nadam se da ćete shvatiti to pitanje, da li je istina da ste upravo vi insistirali u mijenjanju člana 3. u odnosu na polazni dokument, to govorim o onome gdje je bilo predloženo pet, deset poena ili maksimalno tri predmeta da se mogu prenijeti, da bi se studentima kako vi kažete uradila medvjeda usluga. Znači to ste vi rekli. Ako ste vi izmijenili taj član u odnosu na polazni dokument da bi napravili studentima medvjedu uslugu, zašto ste to uradili? A dalje ćemo u diskusiji. Hvala velika.

Predsjedavajući:

Zahvaljujem. Kolega Okerić Elvedin. Izvolite imate riječ.

Poslanik/zastupnik Elvedin Okerić:

Zahvaljujem predsjedavajući. Imam nekoliko pitanja za ministra Krivića. Zašto prijedlog izmjena i dopuna Zakona o visokom obrazovanju, nije pripremljen u saradnji sa potpisnicima inicijative, iako ste zaključkom Kolegija bili zaduženi da to uradite? Drugo pitanje, zašto je iz inicijative navedenog prijedloga, inicijalnog prijedloga, kako želite, zašto je izbačen amandman na Zakon o visokom obrazovanju koji se odnosi na član 164 stav 5) koji omogućuje

samofinansirajućim studentima koji ostvare prosjek 8,0 da pređu na redovno studiranje. Zbog čega je izbačen taj amandman koji se odnosi na član 164? da li su svi dekani fakulteta podržali izmjene ovog člana 184 osim dekana Stomatološkog fakulteta koji je izvršio na vas određeni pritisak i stavio u prioritet finansiranje fakulteta a ne interes svih drugih studenata? Hvala.

Predsjedavajući:

Zahvaljujem. Kolegica Kerla Bibija ima pitanje. Izvolite kolegice.

Poslanik/zastupnik Bibija Kerla:

Dobar dan svima. Pozdravlja sve prisutne na online sjednici i gledaoce pored malih ekrana. Mene interesuje ovaj član 3. odnosno dopuna člana 66 gdje se kaže „Izuzetno od primjene stava 1) ovog člana student u postupku upisuje studentsku 2020/21 ima prava upisati narednu godinu studiju i bez ispunjavanja svih ili pojedinih uslova propisanih ovih zakonom i aktima visokoškolske ustanove za upis naredne godine studije, o čemu odluku donosi Senat visokoškolske ustanove. Nešto je moj kolega Marjanović već se dotakao ovog člana pa me interesuje da li je stvarno trebalo ostaviti Senatu da odlučuje koliko će predmeta prenijeti ili i se ipak mi kao Skupština trebali donijeti odluku da se tri ili eventualno pet predmeta prenese u novu školsku godinu. Hvala lijepo.

Predsjedavajući:

Zahvaljujem. Obzirom da nemamo više prijavljenih zastupnika za pitanja, ministre izvolite imate riječ. Pitanje mora nas se prijaviti, kolega Nikšić pretpostavljam, ali se morate prijaviti. Kolega Nikšić radi stenograma raži riječ, pitanje. Izvolite.

Poslanik/zastupnik Damir Nikšić:

Upisao sam ovdje, ja sam htio da samo pitam, član 1 ovdje u ovom materijalu koji smo dobili koji je dopuna člana 48 on daje mogućnost Senatu da protuzakonit mijenja rokove. Ne mislite li da ovaj član praktično retroaktivno potvrđuje odluku senata od 30-.07. o ispitnom terminu koji je u suprotnosti sa postojećim zakonom o visokom obrazovanju. To je moje pitanje. Hvala.

Predsjedavajući:

zahvaljujem uvaženi zastupniče Nikšiću. Ministre da li ste vi spremni da odgovorite na postavljena pitanja. Ukoliko jeste ja vam odmah dajem riječ. Izvolite.

Ministar Anis Krivić:

Spreman, spreman sam ja, samo jedna sekunda molim vas. Tu sam, hvala zastupnicima na pitanjima. Pitanje uvaženog zastupnika Marjanovića. Ja jesam spomenuo inicijativu. Naravno da inicijativa grupe zastupnika i kluba, svakako jeste jedan od razloga zašto se uopšte ide u izmjenu Zakona. Ako sam je ispustio, a mislim da nisam, sigurno nije bilo namjerno. Koje su razlike od teksta koji je usaglašen. Postoji samo jedna razlika koja u ovom tekstu Zakona izmjena i dopuna Zakona samo je jedna razlika između ovog nacrtu i onoga o čemu smo mi razgovarali. Svaka pojedina stvar i svaka pojedina rečenica koju smo se dogovarali se nalazi u ovoj izmjeni i dopunama Zakona. Samo jedna se ne nalazi to ću odgovoriti poslije kada budem odgovarao uvaženom zastupniku Okeriću. Koji dokument smo koristili kao inicijalni? Pretpostavljam da se ovo veže na pitanje zašto ili niste čuli da je spomenuta inicijativa, ja naravno od toga ne bježim, savršeno je jasno, inicijativa za izmjenu Zakona jeste služila kao inicijalni dokument, svakako i zahtjevi studenata i zaključak Senata. Ono što je važno da kažem jeste da jedan od zaključaka Senata je da se odobrava drugi ispitni termin u drugom ispitnom roku septembarskog ispitnog roka. I zahtjeva se saglasnost Ministarstva. Ministar ne može dati saglasnost na nešto što je nezakonito. Dakle Senat UNSA je zaključio zaključkom da se tako nešto od ministra traži saglasnost i onda su studenti, akademska zajednica očekivali saglasnost koju ja nikada ne mogu

dati, budući da je nezakonita, između ostalog zbog toga i jesam predložio član 1, odnosno dopunu člana 48 kako bi to bilo moguće. Pitali ste pitanje vezano za medvjedu uslugu. To jeste tako, i ono što sam ja rekao to je činjenica i dokaz tome će nam biti kraj naredne godine. Dakle, mi smo imali studente koji su zbog pandemije bili, ili su pohađali ili nisu pohađali. Ja sam tražio precizne informacije sa UNSA ja sam za neke organizacione jedinice dobio precizne informacije na nekim organizacionim jedincima su bila održavanja online predavanja, negdje su išli grupama itd. Studenti su zbog pandemije sasvim sigurno ispaštali i neophodno im je izaći u susret kako ne bi obnavljali godinu iz bilo kojeg razloga iz bilo kojeg uslova koji je propisan zakonom. Isključivo i samo zbog pandemije. Dakle ukoliko niste dobili jedan potpis jer niste mogli prisustvovati predavanju, vi ćete obnoviti godinu. Medvjeda usluga je što ukoliko ne budete radili učili, polagali ispite u studijskoj 20/21 naći ćete se u istoj situaciji u kojoj ste sada. Zbog toga kažem medvjedu uslugu jer studentima se nešto daje što će im za godinu dana eventualno biti problem ukoliko nisu zagrijali stolicu. Smatram da studentima treba izaći u susret i da im treba omogućiti upis u narednu godinu. Imali smo pandemiju i to su stotine životnih priča, da li je neko mogao biti tu ili nije. Imali smo studente koji su napustili studentske domove, možda nisu mogli prisustvovati nastavi. Ja dobijam poruke studenata. Nadalje, zašto prijedlog nije pripremljen, ovo je odgovor na pitanje uvaženog zastupnika Okerića. Zašto prijedlog nije pripremljen sa predlagračem. Prijedlog jeste pripremljen sa predlagračem, samo jedna izmjena nedostaje. Ta jedna izmjena se odnosi na član 164, stav 5) odnosno iz inicijative grupe zastupnika gdje je bio zahtjev da se Zakon izmijeni u dijelu da se propisuje da svi studenti koji su ostvarili prosjek 8,0 imaju pravo na budžetski finansirano mjesto. Takva izmjena, takva inicijativa, takva izmjena tog člana je stajala u inicijalnoj izmjeni tog Zakona, ali na zahtjev Ministarstvu finansija za mišljenje, ja nisam mogao dobiti pozitivno mišljenje zato što fiskalnom procjenom nije bilo moguće napraviti fiskalnu procjenu. Dakle ne znamo koji je to broj studenata, ne znamo koliko to može da košta budžet, odnosno ukoliko želite mogu vam to fino i pročitati: „Predloženo rješenje ne sadrži procjenu umanjena prihoda u budžetu Kantona Sarajevo nema pouzdanih podataka o broju studenata koji su u protekloj akademskoj godini ostvarili prosjek ocjena 8,0. dakle potrebo je utvrditi broj studenata koji su položili sve predmeta i ostvarili prosjek ocjena 8,0 po grupacijama nauka i umjetnosti, napraviti finansijsku kalkulaciju o iznosu sredstava koja će predstavljati umanjene prihoda u budžetu Kantona Sarajevo jer školarine ne predstavljaju prihod visoko školske ustanove nego prihod budžeta. Dakle ja bih ovdje dodao samo nešto što i prakse, nešto što je vrlo vezano za ovu inicijativu za izmjenu tog Zakona. dakle, kada govorimo o tome, dobro je nati šta se dešavalo sa tom odredbom ranijih godina. Znači od 2016 pa sve do sada, dakle prije nego što je UNSA prešao na trezorsko poslovanje o takvim pravima su odlučivali dekani fakulteta. Oni su to imali pravo. Nakon toga, UNSA prelazi na trezorsko poslovanje sada je to na Vladi. I za vrijeme kada su dekani odlučivali nije odlučivali su različito, ne kažem da su svi dekani jednoobrazno odlučivali. A da je prilika i vrijeme da se takvo nešto učiniti. Ali bez kvalitetne fiskalne procjene, bez odgovorne kalkulacije sasvim sigurno ne mogu stati iza toga niti bi ovakav Zakon o izmjenama i dopuna Zakona i visokom obrazovanju mogao proći sa vade ovo Skupštini ne mobu mogao biti ponuđen budući da ne bih imao mišljenje. Koji je bitan, nakon čega smo izašli sa ovim tekstom Zakona smatram da ta izmjene nije nešto što toliko hitno da se ne može rječiti. Sasvim je sigurno da u Nacrtu Zakona o viskom obrazovanju je to jedno od pitanja koje treba riješiti. Ono što znam da u prošlom periodu oni dekanu koji su željeli. Mi imamo i druge odredbe koje omogućavaju prelazak samofinansirajući u redovne studente i po tim članovima zakonima Zakona i prelazi u samofinansirajuće studente. Tako da svake godine za onaj broj studenata koji izgube status redovnog studenta broj samofinansirajućih studenata pređe u status redovnog studenta. Ovaj član također je jako važan za studente i sasvim je sigurno da ga treba propisati. Sasvim je sigurno treba propisati kriterije na koji način. Ja kao ministar obrazovanja, možete biti ubijeđeni bih bio sretan s ovakvim rješenjem i naravno da bih bio sretan sa ovakvim rješenjem i naravno da želim studentima koji su ostvarili 8,0 da dobiju budžetski finansirano mjesto. Kada

se vrši odobrenje upisnih kvota za fakultete i tranši koje se prebacuju fakultetima, finansijama, potrebno je voditi računa i o ovakvoj odredbi. Dakle u periodu nakon što smo raspisali javni poziv, pa do početka nove školske godine se ne može napraviti analiza koliko to može da košta budući da kada neki student stekne takav status, onda je propisano na koji način taj status i gubi. Imate studenta koji je na prvoj godini pa je stekao taj status za drugu, treću, četvrtu. Na nekim organizacionim jedinicama petu, šestu itd. Ali isto tako ima pravo da obnovi godinu. Koliko to košta mi kao društvo siguran sam želimo izaći u susret studentima i to će sigurno biti moj prijedlog. Ali na ovakav način ne, i o ovom trenutku ne. Ja iza toga ne mogu da stanem. Dakle to može da bude odgovor na pitanje, nisam ga zaboravio, naravno da ga nisam zaboravio, nego nisam imao pravo da odgovaram. Zašto sam izbacio član koji studentima omogućava prelazak na budžetski finansiranje. To je bilo ljudsko pitanje, stiže naravno i stiže ljudski odgovor. Ja također dobijam mnogo sugestija ljudi. I to je pitanje nastavnih baza iznimno važno. Krucijalno važno. Sve se to mora regulisati. Zakon o visokom obrazovanju ima jako puno nedostataka. I sve te rupe treba pokriti. Ja sam napravio 753 inspeksijska nadzora na okolnosti Zakona o visokom obrazovanju. I ja dobro znam kako taj Zakon utiče na studente, na organizacione jedinice i koji su problemi. Počevši od osnovnih elementarnih stvari pa do, ne znam, prekršajnih odredbi. Na tom Zakonu treba jako puno raditi, ali odgovorno. Ja sigurno nisam protiv studenata. Ja sam sa studentima, čujemo se, imamo odličnu saradnju. Sa dekanima fakulteta, za akademskim osobljem. Ja znam njihove probleme. Ministarstvo vrši nadzor. Ja znam koji su problemi koji proizilaze iz Zakona o visokom obrazovanju. Pitanje uvaženog zastupnika Nikšića. Da li će ova izmjena retroaktivno potvrditi ono što je Senat donio? Neće. Budući da se ovdje govori o tome da imaju pravo dobiti dodatni ispitni termin koji se realizuje do početka studijske 20/21. sada se Senatu daje mogućnost da u skladu sa svojim potrebama i mogućnostima donese odluku koja će biti u interesu studenata. Aha, imali smo pitanje uvažene zastupnice Kerle da li je trebalo ostaviti Senatu ili, u članu 3. da li je bilo neophodno ostaviti Senatu ili možda organizacionim jedinicama. Pa vidite, odgovor na ovo pitanje, ovo je dobro pitanje, rješenje da se ovo ostavi i organizacionim jedinicama ne bi bilo loše rješenje ali sam se plašio da bi u takvom slučaju imali različita, nejednaka postupanja. Smatram da je mnogo bolje kada imamo sveobuhvatnije rješenje. Dakle Senat nije tijelo koje ne komunicira s organizacionim jedinicama. Senat je tijelo koje kao najviše akademsko tijelo i treba da odlučuje o najvišim pitanjima kao akademsko tijelo također sastavljeno od ljudi koji sjede na čelu naučno- nastavnih vijeća. Iskreno vjerujem da će Senat donijeti najbolju odluku budući da su oni i donosili zaključke koji se odnose na ovo pitanje. Ministarstvo za obrazovanje, nauku i mlade smatra da je ovaj Zakon iznimno važan za studente. Također smatram da sve ostale prijedloge i sugestije kojih ja imam najmanje 30 iz glave sada, a kamo li da uzmem sve ono što dobijam. Mislim da se Zakon o visokom obrazovanju treba mijenjati, treba biti kvalitetan, treba biti po mjeri našeg Univerziteta i našeg društva. I evo, to je to. Hvala vam najljepša.

Predsjedavajući:

Zahvaljujem ministre Kriviću. Otvaram raspravu. Kolega Marjanoviću izvolite.

Poslanik/zastupnik Damir Marjanović:

Zahvaljujem gospodinu ministru na ponuđenim odgovorima. Dozvolite mi da napravim jednu malu retrospektivu svega onoga što se dešavalo u zadnjih par mjeseci. Nadam se da me čujete. Ugasio sam kameru da bi bilo što bolje. Ovako, tamo negdje krajem jula Ministarstvo za obrazovanje, nauku i mlade Kantona Sarajevo je podnijelo zahtjev za izmjenu Zakona o visokom obrazovanju vezano za momke i djevojke koje studiraju po starom planu i programu i mijenja se samo jedan član, i već tada u julu, mada kasnije, u augustu je donešena u nekom nastavku te sjednice, u nekom nastavku sjednice je donešena ta odluka, više ljudi, uključujući i mene, ukazalo je da ako se već otvara Zakon o visokom obrazovanju da će biti bitno izmijeniti još članova da bi naredna akademska godina bila legalna, ali i da bi se na neki način djelovalo

da se izade u susret i profesorima i studentima koji rade na univerzitetima u Kantonu Sarajevo s obzirom na specifične uvjete kojim smo svi svjesni zadnjih par mjeseci. Ono što moram spomenuti, prilikom donošenja tih izmjena Zakona u julu, zanimljivo je bilo da je ta izmjena Zakona na sjednicu Skupštine Kantona Sarajevo došla u nekoj dopuni dnevnog reda i da nije bila razmatrana na komisiji. Za one koji ne znaju, znate kada dobijete dnevni red onda to ide na određena tijela. Ima komisija za nauku i obrazovanje i mlade Kantona Sarajevo, i onda se razmatra i onda se daju sugestije. E ta izmjena Zakona nije bila na komisiji i nisu se mogla dati tada sugestije na te predložene izmjene. Samim tim, kada je već Zakon došao na dnevni red nije bilo moguće amandmanima djelovati na bilo koji drugi član osim tog jedinog člana koji se odnosio na studente koji su započeli u predbolonjskom sistemu. Međutim, već tada krajem jula i krajem augusta posebno, najavljeno je da će se djelovati sa pripremom hitnih izmjena Zakona o visokom obrazovanju i to se desilo. U prvoj sedmici septembra, sjele su kolegice, evo sada ću nabrojati imenom: Amra Hasagić, Jasna Duraković, kolegica Danijela Kristić ispred Kluba NiP-a i moja malenkost, uz konsultacije sa predsjednikom Skupštine, koji nam je tada izašao u potpunosti u susret i hitno smo radili na izmjenama, koje nisu dolazile iz naše glave, nego su dolazile na osnovu sugestija. Neke su došle na osnovu naših iskustava koje smo imali kao ministri, kao profesori, kao članovi akademske zajednice, ali sugestija studenata, članova akademske zajednice i mnogih drugih. Pripremili smo te izmjene. Poslali smo te izmjene, čini mi se da je bio 07 septembar i mi smo planirali da te izmjene budu već na redovnoj sjednici Skupštine koja se dešavala krajem septembra jer smo sugerirali da se sve ovo treba izmijeniti prije donošenja početka akademske godine. Da smo to uradili krajem devetog mjeseca više ne bi zbunjivali fakultete, univerzitete i oni bi već znali prije početka akademske godine da je sve to realizirano pripremljeno i da mogu dalje, imali bi jasne preporuke. Na žalost to se nije desilo iz administrativnih razloga, da ne ulazimo sada u te birokratske zavrzlake. No ne leži vraže, istog momenta prošloga tjedna smo podnijeli kolegica Danijela i ja zahtjev za hitnu sjednicu Skupštine. Ja znam da su se pojedini plašili tih hitnih izmjena, znate kada imate hitnu sjednicu Skupštine, onda vam se u dnevnom redu može svašta provući, pa recimo neko može glasati i da obori Vladu ne daj bože. Ne lezi vraže ipak se nekako pristalo da se ide sa ovim izmjenama Zakona i dobili smo zadatak u srijedu da zajedno sa ministrom napravimo izmjene hitnoga Zakona kojeg smo mi predložili kao zastupnici i pripremimo evo upravo za ovu sjednicu. To je bilo u srijedu popodne. Ministar će potvrditi u četvrtak ujutro smo već sjedili i radili na tim izmjenama, s tim to sam prilikom svake izmjene koja se dešavala sugerirao, konsultovao sve kolege koji su sudjelovali u kreiranju onoga inicijalnog prijedloga. U četvrtak smo završili poslije podne. U petak me je ministar zvao za određene sugestije vezano za ovaj treći član i za ovu medvjedu uslugu o kojoj ćemo pričati. U subotu sam dobio materijal koji sam prosljedio svojim kolegicama i koji je bio u takvom obliku da su svi članovi koje smo predložili tamo bili, osim člana koji je kolegica Jasna Duraković u konsultaciji sa ministrom povukla ali uz obećanje da će se problem koji je tretirao taj član riješiti u ovoj sedmici, ako se ne riješi da će se gledati u nacrtu Zakona koji treba da do kraja godine da ide, da se taj problem na neki način riješi i da se implementira rješenje za njega. Znači evo pred svjedocima je to izjavio, tako da ta obaveza i te kako stoji od strane Ministarstva da uradi u tom nacrtu ako se ne bude našlo rješenje. Jutros kada smo dobili ovaj materijal i jutros sam dobio materijal i jutros sam imao priliku da komuniciram s kolegom ministrom i kada smo vezano za neke tehničke izmjene ali kada smo dobili materijal vrlo jasno se vidjelo da jednoga člana nema. Jednoga bitnoj člana. Sada mi dozvolite, pošto diskusiju imam, ja ću diskutovati u ime Kluba, nadam se da se moje kolege slažu. Mogu malo duže. Kada smo pripremali ove izmjene kao zastupnici, jasno smo se referirali na problem da sljedeću akademsku godinu ozakonimo, pod navodnicima. Za one koje ne znaju, svaki vid online nastave za redovne studente, a polaganje online ispita nije regulirano u Zakonu. Imate krizni štab koji vam sugerira malte ne, samo radite online nastavu. Bez obzira kakva je ta sugestija, slagali se ili ne, ali oni to sugeriraju. I mi ćemo vjerovatno doći u situaciju u kojoj će ići online nastava i morat će ovaj isti, vi to nemate regulirano u Zakonu. Znači osnovni model,

osnovna ideja je bila, intencija, da reguliramo to u Zakonu da ne bi došle za deset godina pod upitnik diplome koje podijelimo studentima koji su polagali nešto na online nastavi. Kako za redovne, tako i one vanredne tako i za one distanc learning studente. Tako je urađeno. U tim našim prijedlozima smo napravili jednu kraću verziju gdje smo na sjednici komisije, na sugestiju kolega iz Ministarstva, posebno pomoćnika ministra izmijenili tehnički to doradili da bi ta odluka bila sveobuhvatna. Odlično ste uradili. Druga stvar je bila na prijedlog SPUS-a jako je logično, ja kao profesor, svi se profesori slažu jeste da je prošla akademska godina bila jedan veliki izazov i za profesore i za studente, i da im se treba izaći u susret. SPUS je jasno tražio, dajte nam molim vas 15 ETCS poena da prenesemo i dajte nam, nek to budu maksimalno tri predmeta. Oni nikada nisu tražili neki bezuslovni prelazak. Bilo je pojedinačnih zahtjeva, ali su oni tražili 15 ETCS poena, jedna zvanična institucija organizacija u kojoj se studenti okupljaju, slagali se mi uvijek ili ne, ali ovo je bilo sasvim logično i to smo predložili. Ministar je sugerirao iz Ministarstva da se izmijeni taj Zakon. Ja sam dao svoje komentare vrlo slične kakve je ministar sada iznio, ali samo da se nešto podvuče sada, ta izmjena ka medvjedojoj usluzi, od jednog logičnog zahtjeva pa ka medvjedojoj usluzi došla je isključivo na prijedlog Ministarstva i ministra. Znači nemamo pravo da kritikujemo. Ja mogu, i kao profesor ću pozvati studente da dobro razmisle hoće li je maksimalno iskoristavati jer vjerujte djeco ako niste, ako ste položili jedan predmet u prethodnoj godini, nemojte očekivati da ćete položiti 13 predmeta u narednoj godini. Nema to veze. Imali smo mi i gorih izlika u moje vrijeme, kao što je rat, i ratna dejstva pa nismo to radili, jer to nije mudro. Ali ostavimo sada pridike na stranu. Dolazimo do jednoga jako bitnog člana. Taj član se odnosi na finansiranje, odnosno na poziciju samofinansirajućih studenata. Redovni samofinansirajući. Za one koji ne znaju, vi upisujete redovne, redovne samofinansirajuće, vanredne i distance learning studente. E ovi redovni samofinansirajući nisu imali sreće da po prosjeku svojih ocjena budu redovni i da idu besplatno na studiranje nego su morali da budu negdje ispod neke linije, jer je bilo i boljih, ali su se u prvoj ili drugoj ili trećoj godini pokazali kao fenomenalni studenti. Odlični studenti i onda se u Zakonu do sada reklo, eto znate ako oni polože sve predmete, imaju prosjek iznad 8,0, onda oni mogu da pređu u redovne i da besplatno studiraju. To mogu, vrlo rijetko budu i pređu. Dajte da se ne lažemo. Šta je poenta. Poenta je ti ljudi plaćaju, oni su izvor prihoda koji ide u budžet Kantona Sarajevo koji ide prema UNSA. E sada zamislite ovu poziciju u ovom korona vremenu, gdje imate fenomenalne studente 9,0 prosjek, 9,5, 9,2, 8,5 kako god hoćete. Vi imate studente koji više, možda njihovi roditelji i oni sami, u ovoj cijeloj priči ne mogu plaćati to, a oni su toliko dobro pa zar treba da ih se odrekemo? Zar treba da tu mjeru izvršimo i jedan odličan komentar jednoga studenta koji ima 9,3, na jednome jako teškom fakultetu, rekao je profesore pa zar vi stalno podupirete one koji ne mogu nešto a nas koji možemo ne podupirete? Odmah samo da podvučem nešto, ovaj prijedlog nije bio moj ali jako zavidim kolegama iz NiP_a, posebno kolegi Okeriću koji ga je predložio i zdušno ga podržavam. E sada gdje je zapelo u toj cijeloj priči. Za realizaciju ovog predmeta otprilike vam treba u jednoj akademskoj godini onako ugrubo oko milion KM. I slažem se nema novca, i slažem se ovo što je ministar rekao, Ministarstvo finansija bi dalo negativno mišljenje i znate. E sada hajte da javnost sazna za šta Ministarstvo finansija daje pozitivno mišljenje. Prije dva dana ili tri dana, sačekajte samo da provjerim datum da ne bih to promašio, to je bilo 29.09.2020.godine Ministarstvo i Vlada se zadužuju kod komercijalne banke za 9,5 miliona KM. I to je očekivano ljudi, bit će zaduživanja. ako hoćemo da preživimo ako hoćemo da podignemo ovaj Kanton u ovom korona vremenu i poslije toga bit će zaduživanja, nije to ništa sporno. Gledam neke stavke pa vidim stavka kapitalni transferi Grada i općinama. Pa vidim stavka nabavka stalnih sredstava, pa vidim rekonstrukcija i investiciono održavanje, pa vidim stavku, evo ova mi je najdraža sada ću je pročitati. Čini mi se da se opet spominju ona famozna evo parkirališta 3 miliona, a evo izgradnja i opremanje tramvajskih stajališta milion KM. Za to se možemo zadužiti milion KM a ne možemo se zadužiti milion KM za studente koji imaju prosjek preko 8,0, koji možda više neće moći isfinansirati da postanu redovni. Znači da podvučem ove novce od redovnih samofinansirajućih studenata ne bi se oduzimalo od UNSA

nego bi Vlada Kantona Sarajevo kada se već toliko zadužuje za te novce, bila u obavezi da to prihvati i da pomogne studentima i da opravdamo se i pogledamo te dječake i djevojčice i kažemo ne djeco nije samo da ovima koji studiraju malo duže i ovima koji nisu uspjeli, samo njima pomažemo, pomažemo i vama koji ste najbolji i koji ste zaslužili, pa makar u ovom vremenu da vam se pomogne. Zašto je ovo ograničena priča i zašto se moglo to uraditi. Pa gledajte ministar je sam naveo i on je u pravu to, ovo su hitne izmjene Zakona. Prema obavezama Ministarstva vi u narednom periodu, možda čak do kraja godine, pravite izmjene Zakona kroz one nacрте famozne koji se trebaju pustiti. Vi možete kroz te izmjene poslije na neki način ovo modificirati pa reći, oni koji su bili na početku redovni, pa nisu ispunili uvjete pod tim i tim uvjetima, oni sada prelaze u samofinansirajuće. Uvijek možete nadoknaditi te neke novce, ali ovo je hitna interventna mjera i ako mene pitate u cijelom ovom Zakonu ovo je jedna od najbitnijih hitnih korona interventnih mjera za pomoć dobrim studentima na UNSA, i u ostalim univerzitetima. E to je poenta, to je priča. Mene srce danas boli, ja nisam inače patetičan, izbjegavam populističke priče, nije ovo populizam. Jako, jako mi je teško pala cijela ova priča, a sjeto sam se rečenice da je put do pakla popločan dobrim namjerama. E tako se ja upravo sada osjećam. Borili smo se za ovo, ovo nije izmjena u dva dana, ovo smo pričali mjesecima, pričali s ljudima, vodili teške razgovore sa dječacima i djevojčicama iz SPUSA sa profesorima sa USNA; sa rektorima, dekanima, nismo se oko svega mogli uvijek složiti, ali ovaj momenat u kojem je četiri člana, četiri zastupnika, bez obzira pozicija, opozicija, predložili jedno fino rješenje. Na kraju prihvatili sugestije i ministarstva da uljepšaju poboljšaju efikasnije da to bude rješenje vezano za članove oko članove online nastave. Sada dolazimo u tu poziciju da 15 minuta pred kraj ili u samom finišu neko pokvari sa nekim sitnim i hinjskim, dozvolite mi da kažem u slengu, ovim političkim igrama. Nije lako biti ministar posebno ne u Vladi u kojoj vi imate više stranaka. Bio sam tamo, znam šta znači biti ministar i braniti stavove Ministarstva, i znam šta znači konfrontirati se sa premijerom, sa ministrom finansija itd. Ali znam šta znači braniti svoje stavove. I znam šta znači braniti dobre ideje i odluke. Ovo je dobra ideja, dobra odluka, pričali smo o tome, trebali ste odbraniti i pustiti Skupštini da Vlada, neću reći natjera Vladu da ubijedi Vladu sa su ipak studenti koji imaju prosjek preko 8,0 u ovom momentu bitniji od tramvaj stajališta. Ja vam se zahvaljujem i izvinjavam se na ovom žučnom razgovoru. Nikome ništa ne zamjeram. Mi ćemo glasati za ovo, podržat ćemo ali vjerujte da ću podržati svaku intenciju da se pronađe mogućnost da u narednih 48 sati, u narednih sedam dana izađe u susret najboljim studentima pa makar tom hitnom interventnom mjerom, pa makar i ne imali ta tramvajska stajališta, i makar nam pred izbore rupe ostale ne zakrpljene. Hvala velika.

Predsjedavajući:

Zahvaljujem uvaženi zastupniče. Kolega Okerić Elvedin izvolite imate riječ.

Poslanik/zastupnik Elvedin Okerić:

Zahvaljujem predsjedavajući. Prije svega od ministra Krivića nisam dobio odgovor da li su svi dekani podržali izmjene i dopune člana 164 stav 5) osim dekana Stomatološkog fakulteta koji ima ponajviši interes kada je u pitanju diskriminacija nad samofinansirajućim studentima koji ostvare pravo odnosno ostvare najmanju prosječnu ocjenu 8,0. nepostojanje želje za uspostavljanje pravednijeg sistema ministre pravdate ne postojanjem fiskalne procjene za navedenu izmjenu člana 164 stav5). Vlada Kantona Sarajevo da je imala prije svega želju, i da nije podlegla pojedinim pritiscima sigurno bi imala fiskalnu procjenu koju je mogla donijeti za jedan dan uvidom u broj studenata koji su ostvarili ovaj prosjek. Na žalost pokazali ste da nemate sluha za studente i žao mi je što niste uspjeli da vidite da je ovo investicija. Da je prije svega uspostavljanje pravednijeg sistema i investicija u vrijedne studente koje trebamo zadržati da ne odu iz ove zemlje. Pojasnit ću kako je tačno trebao da glasi izmjena člana 164 stav 5). „Student u statusu samofinansirajućeg studenta koji je položio sve ispite iz odgovarajuće studijske godine i postigao prosječnu ocjenu najmanje 8,0 stiče pravo na javno finansirano

mjesto za nastavak studija na tom ciklusu studija, pravo na javno finansirano mjesto student ostvaruje na prvom odnosno integrisanom ciklusu studija, i drugom ciklusu studija počev od studijske 2020/21 godine. To znači sljedeće, Zakon vam omogućuje, međutim pojedini dekani uzimaju sebi za diskrecioni pravo da ne dozvole studentima da pređu na redovno pohađanje fakulteta. Polazeći od činjenice da je Kanton Sarajevo evo stalno iskazuje strateško opredjeljenje da podrži i stimuliše ostanak mladih u BIH a posebno visokoobrazovanih i perspektivnih kadrova koji predstavljaju garanciju izgradnje prosperiteta države BIH, predložena izmjena Zakona o visokom obrazovanju bi doprinijela ostvarenju tog proklamiranog opredjeljenja. Istovremeno predložena zakonska izmjena je u funkciji podizanja kvaliteta obrazovanja jer se na ovakav način stimuliše i nagrađuje radi zalaganje tokom studija. Važno je istaknuti da se postojeća zakonska formulacija koja predviđa samo mogućnost promjene statusa studenta tokom studija u praksi faktički pokazuje neprovođivom, jer ostavlja veliki prostor, kao što sam maloprije kazao, za diskreciono odlučivanje u slučaju kada student ostvari prosjek 8,0, predloženo zakonsko rješenje, sadašnju zakonsku mogućnost, pretvara u zakonsko pravo i donosi sigurnost studentima koji vrijedno studiraju. A ne da zavise od volje pojedinih dekana. Treba naglasiti da bi studenti ovo pravo ostvarila počev od studijske 20/21 godine kao da je predložena izmjena podrazumijeva ostvarivanje ovog prava samo prilikom upisa više, odnosno naredne studijske godine. Žao nam je što niste ovaj član vidjeli kao investiciju. Izmjena člana 164 stav 5) je između ostalog bio odličan odgovor kao što je prof Marjanović spomenuo, kao korona mjera za studente koji su vrijedni i imaju prosjek 8,0 a nemaju novac i teško će moći plaćati školarinu. Zaboravljate da je veliki broj studenata će imati sada sigurno otežavajuće odgovornosti kada je u pitanju plaćanje školarina. Veliki broj građana je ostao bez posla. Međutim vi ovo ne gledate kao investiciju, već gledate samo na pojedine fakultete kako da ostvare svoju redovnu dobit. Volio bih da nam objasnite i kažete kakav je stavi drugih dekana na ovaj član 164. mi ćemo naravno i interesu prije svega studenata podržati ove izmjene, međutim također vam najavljujemo hitne izmjene ovog Zakona u vrlo kratkom periodu, najavljujemo gdje ćemo ako bog da, ove stvari popeglati detaljno i unaprijediti ovaj Zakon u ovom pravcu u koji smo krenuli. Važno je još jednu stvar istaći vi ste jutros zakazali sjednicu, odnosno predsjedavajući Skupštine zakazao sjednicu po skraćenom postupku a ne hitnu, samo iz jednog razloga zato što zakazivanje hitne sjednice omogućuje da se dopuni dnevni red i naravno bojali su se da se ne dopuni dnevni red smjenom Vlade. Sve to da i sve ovo radite da bi produžili agoniju građana Kantona Sarajevo, evo u ovom slučaju kroz ovaj Zakon i studenata, međutim mi vam poručujemo, mi dolazimo polahko ali sigurno. Tako da bit ćete brzo smijenjeni i ako bog da sve ove loše stvari koje su u Zakonu, vrlo brzo ćemo promijeniti. Hvala.

Predsjedavajući:

zahvaljujem. Evo ja ću iskoristiti poslovničku odredbu ispravka krivog navoda. Znači predsjedavajući ne može zakazati sjednicu skraćenu, može samo Kolegij zakazati hitnu sjednicu, jer ne postoji opcija u Poslovniku skraćena sjednica. Kolegica Hasagić Amra ima riječ. Kolegice izvolite.

Poslanik/zastupnik Amra Hasagić:

Pozdravljam rukovodstvo Skupštine, članove Vlade i sve one koji na bilo koji način prate rad današnje sjednice. Iako je predsjedavajući na početku poželio sve najbolje za Dan učitelja, želim, i u svoje ime čestitati dan učitelja svim profesorima i profesorima razredne nastave u Kantonu Sarajevo. Kako većina mojih kolega imaju tu poštalicu „za rad javnosti”, i ja za rad javnosti i naših studenata želim istaći da su svi zahtjevi koje je studentski parlament uputio nama zastupnicima pa tako i meni ispoštovani i uvršteni su ovu izmjenu Zakona po skraćenom postupku. Ja svim studentima želim poželjeti sretan i uspješan, kako završetak ove, tako i početak naredne studentske godine. Zahvaljujem.

Predsjedavajući:

Koligice Hasagić j a vam se zahvaljujem. Kolega Poturak izvolite imate riječ.

Poslanik/zastupnik Dževad Poturak:

Zahvaljujem predsjedavajući. Da li se čujemo? Želim sve da vas poselamim i da vas pozdravim. Te da dam komentar u kontekstu Prijedloga Zakona o izmjenama i dopunama Zakona o visokom obrazovanju. Želim da iskažem zahvalu ministru Anisu Krivić koji iz mjeseca u mjesec sve više radi na problematici iz nadležnosti Ministarstva za obrazovanje, nauku i mlade. Zakonom o visokom obrazovanju, zaista u ovakvom vremenu korona virusa i poremećenih društvenih odnosa, zahtjeva, što bržu izmjenu i prilagođavanju potrebama trenutne situacije a što resorno Ministarstvo pod rukovodstvom Anisa Krivića uspješno radi. Želim reći da najveća briga u ovom periodu predstavlja kako mladima i studentima pružiti adekvatno obrazovanje i omogućiti im da nadoknade ono što propuštaju zbog gore navedenih razloga. Prijedlog izmjene Zakona koji omogućava da student polaže ispite na još jednom dodatnom ispitnom roku je zaista odlična i posebno ako uzmemo činjenicu da mnogi studenti nemaju potrebne uslove za kvalitetno praćenje nastave i spremanje ispita u vanrednim okolnostima i konceptu online nastave. A ovom predviđenom izmjenom imaju mogućnost polagati taj ispit u dodatnom terminu. Također izmjena navedenog Zakona u kontekstu samo ove nove školske godine, bez ispunjenog uslova zbog vanrednih okolnosti koje su nas zadesile pokazuju spremnost Ministarstva na pravovremenu reakciju i olakšice studentima kada se za tim iskaže realna potreba a to je svakako sada. Zahvaljujem predsjedavajući.

Predsjedavajući:

Zahvaljujem uvaženi zastupniče Poturak. Elmedin ima riječ. Kolega Konakoviću izvolite.

Poslanik/zastupnik Elmedin Konaković:

Hvala predsjedavajući. Moj ton opet će biti malo dobar, malo loš. Šta ću. Nešto, nekad ide nekad ne ide. Nahvali Poturak Krivića ko da je on pisao ove izmjene i dopune pa čovjek jedino šta je uradio skinuo neke važne tačke. Tako da kolega Poturak ovo što ste govorili, i ja sam ga u nekoliko navrata hvalio. Pogrešno sam ga procijenio. Ministre Kriviću nije dugo bio tužniji dan u Ministarstvu obrazovanja od ovog danas. Ministri koji su radili posao prije vas, pa čak i oni koje sam ja pogrešno predlagao, uglavnom su nastojali da to Ministarstvo drže važnim u okviru Vlade i da se bore za sve ono što misle da je za to Ministarstvo bitno a ponekad i sa samim premijerima i sa ministrima finansija, smatrajući obrazovanje investicijom. I vjerovatno najbitnijim segmentom opstanka ovog društva jer nama ti mladi ljudi odlaze a na svaki mogući način bi trebali razmišljati kako da ih ovdje zadržimo. Vi ste danas onako kako inače radite, opširno poprilično, naokolo, ipak ispalili nekoliko važnih stvari, zastrašujućih kada je riječ o suštini izmjena i dopuna ovoga Zakona, kojeg da podsjetimo javnost pisala grupa zastupnika, ljudi profesora, akademskih građana, uz konsultacije sa širom društvenom zajednicom. Sa studentima, akademskom zajednicom, Rektorom, Senat ima svoje stavove i zaključkom smo mi obavezali Kologij da se sazove ova hitna sjednica jer je vi nikada nit bi ste je sazvali niti bi ste ovakav Zakon pisali. I vi danas kažete ukinuli ste pravo amandmana zastupnicima, što je brutalan odnos prema zastupnicima. Podsjećam vas i kolega iz ranijih saziva, da sam kao premijer Kantona zdušno podržao prijedlog da ne idu zakoni u skraćenoj proceduri jer se oduzima pravo zastupnicima. Zna to i premijer Nenadić, zna to i Halebić. Znaju to ljudi iz te Vlade koliko smo mi cijenili zastupnike čiji je posao usvajanje ovih Zakona. I ne sjećam se jedan nam se izmakao pa smo kasnije vraćali sve u hitnu proceduru kako bi zastupnici imali prostor i vrijeme da reaguju amandmanski jer ni jedna Vlada ne zna sve najbolje. Vi ste danas demonstrirali silu obrnutim konceptom. Kažete mi smo to da ne bilo amandmana. I onda onaj najstrašniji dio. Fiskalna procjena to je ovo Ministarstvo finansija čiji ljudi to je vjerovatno ponajbolji saziv, bilo kojeg Ministarstva, ne govorim o ministrima, nego o ljudima koji tamo

sjede, mogli su vam napraviti fiskalnu procjenu za tri sata da ste vi to htjeli. I dobili bi ste ove podatke o kojima govori Marjanović da je možda milion KM godišnje potrebno da napravimo iskorak. Iskorak koji je predviđen zakonom jer se tadašnji ministar Kazazović za to zdušno borio, da najbolja djeca koja na fakultet dođu i ne uđu među one koje država finansira, mogu ući u sistem kao studenti koje će država preuzeti na svoju skrb, jer su najbolji, jer su dobri, jer nam garantuju bolju radnu snagu u budućnosti. Vi danas jednom rečenicom kažete to je trošak. Od oka je Marjanović ubližu vjerovatno, rekao da je to milion KM. Ja vas podsjećam na onih 37 miliona KM koje ste nerealizujući zakone o koroni koji su vam dali pravo da obojeni novac pretvorite u ovaj koji je potreban trenutno zbog pandemije potrošili na ova cirkusantska asfaltiranja sokaka, ulica, iskačete iz mahala. Presvlačite asfalte po nekoliko puta, zaustavljate saobraćaj. Izmlatretirali ste ljude i jedan 37 dio tog novca bio je dovoljan da ovdje pošaljete jednu poruku da u našem obrazovanju cijenimo one najbolje i promovišemo najbolje. Ali vi ne cijenite najbolje. Vi pripadate političkim konceptima koji ne cijene najbolje. Naprotiv, ovdje smo danas izašli u susret djeci zato što tako treba. Treba da prenesu ispite, treba zbog korone da im se to omogući, ne mogu biti ista pravila ponašanja kao da je sve normalno, i opet smo ipak išli na ruku onima koji očigledno nisu najbolji. I neka smo. Naravno da se slažemo da tako treba. A kada god treba za ove ekselentne, najbolje, koji ne fermaju stranačke kartice i članske, vi ne date. I kažete to je bio trošak od milion KM. Vaš prijedlog je danas naravno i rješavanje onog dugotrajnog problema u kojem na Akademiji scenskih umjetnosti Danis Tanović ne može predavati. Zato što je naš Zakon pisao birokrata, ja opet kažem saučesnik sam jer je donesemo u vrijeme Vlade koju sam vodio, promaklo je i društvenoj zajednici u široj javnoj raspravi. I kažete čovjeku koji ti je bio prosjek ocjena na masteru. Ljudi imaju svjetske univerzitete u kojima se tako ne piše, nema prosjeka ocjena, i zbog našeg propisa bolji ti je prosjek ocjena nekog sarajevskog univerziteta 8,6 nego s Harvarda nešto što je desetka čista. Jer ako si s Harvarda i desetka čista ne može predavati pa smo imali slučajeve Danis Tanović, Šagolj i drugi koji su vrhunski ljudi, mogu predavati na Harvardu ali ne kod nas, jer je naš inspektor iz oblasti visokog obrazovanja procijenio da to treba drugačije. Koliko smo se potrošili da to ikada izmijenimo, vi to niste dali. I ostalo je naravno netaknuto. Kriviću, dok ste vi ministar danas u ovom Zakonu djeca koja studiraju Medicinu ne mogu pogledati operaciju slijepog crijeva nigdje. Zato što Zakon ne dozvoljava Opštoj bolnici, favorizuje Klinički centar u kome je direktorica odlučila da se to više ne radi. I bila je potrebna jedna hitna izmjena i dopuna. Jel vam palo na pamet? Jest sigurno. Smijete li? Ma nema šanse. Ne smijete pomisliti. To sam ja govorio kada ste vi dolazili. I nama u predizbornoj kampanji ništa više od vas ovakvih ne treba. Ništa više. Dovoljno je samo da vam platimo TV nastupe i da ove emisije ljudi gledaju i da vi radite ovo što radite. Ali Kriviću tužan je danas dan u obrazovanju jer se vi ne borite za obrazovanje. Vi ste upali u tu baruštinu pa ste jutros minut do sjednice poslali dokument koji nije ono što je dogovoreno. I šta ćete sada? Evo sada ćemo do kraja ove rasprave, NiP predložiti će zaključak u kojem ponovo obavezuje Kolegij i predsjedavajućeg da sazove novu hitnu sjednicu, bit će obavezujuće. Na kojoj će biti ova tačka koju ste vi izbacili. Ovog puta ćemo mi to pripremiti. Nećete se vi pitati uopšte jer tako proceduru kažu. I šta ćete tada, hem ste nam danas nabacili 15 loptica, hem ćemo mi ćemo mi to vama donijeti, bez obzira što vi to ne date. Niste ljudi ništa postigli jer se tako u politici ne postiže. Imali ste džentlmenski, ljudski dogovor, nismo htjeli da kvarimo ovu sjednicu danas, da vam ubacujemo tačke koje želimo. Jer smo za to imali ruke. Ne, ne zbog ove omladine, zbog ove djece, zbog obrazovanja rekli smo nemojte ljudi, stanite nismo mi šibicari. A ovo je jutros bilo šibicarsko. Sekretarko kreirao sam tamo put da glasaju ljudi o ovom Zakonu, nemojte slučajno vi kreirati, jer vi kažete da to može. Na moje pitanje ko je tu, vi prebrojite ruke. Ljudi, napravili ste još jedan cirkus, poruke stižu, pljušte, društvene mreže gore. Vi ste zabava. Al ovo je Kriviću ozbiljan posao, za koji vi niste spremni. Zapravo, radite u okruženju koje vam to ne dozvoljava a vi na to pristajete. Glasat ćemo za Zakon u kom će Danis moći predavati, u kom će Šagolj moći predavati, niz njihovih kolega moći će predavati jer su najbolji. Danas ste nam najbolje malo stavili na čekanje, vratit ćemo ih za sedam dana, još ćemo

vam to pooštriti i naravno napraviti ćete fiskalnu procjenu, jer tako mora. Jer ja znam da u onom Ministarstvu finansija lijevom rukom to ona dobra ekipa može uraditi. Niste danas ako ste imali namjeru da nešto zamrljate, ukradete, na brzinu provučete, nije vam to prošlo. I na narednoj sjednici mi ćemo popraviti ovo što vi danas niste dali. Zahvaljujem vam predsjedavajući. Možda ću imati drugu diskusiju. I predložiti ćemo zaključak molim vas da nam date prije ili kako kaže procedura poslije glasanja o samom Zakonu da se pročita još jednom zaključak u okviru ove tačke u kom se nalaže da se sazove još jedna hitna sjednica koja će se pozabaviti pitanjima koje ministar Krivić, premijer Nenadić i Vlada danas nisu dozvolili. Hvala vam.

Predsjedavajući:

Kratka diskusija kolegica Segmedina Srna Bajramović.

Poslanik/zastupnik Segmedina Srna Bajramović:

Zahvaljujem predsjedavajući. Pa evo na tragu svega ovoga što su prethodnici govorili, iskoristila sam vrijeme i na osnovu člana 117 i 120 Poslovnika Skupštine Kantona Sarajevo (SL. N ovine Kantona Sarajevo – Drugi novi novi prečišćeni tekst) predlažem da Skupština Kantona Sarajevo donese sljedeće zaključke:

Obavezuje se Skupština Kantona Sarajevo da u roku od 48 sati zakaže hitnu sjednicu na čijem dnevnom redu će se naći Prijedlog Zakona o izmjeni i dopunama Zakona o visokom obrazovanju, i to izričito i samo u hitnom postupku, shodno Poslovniku Skupštine Kantona Sarajevo.

Zaključak 2. Obavezuje se Ministarstvo za obrazovanje nauku i mlade Kantona Sarajevo da pripremi prijedlog Zakona o izmjeni i dopunama Zakona o visokom obrazovanju, koji će biti usuglašen sa zainteresovanim zastupnicima, akademskoj zajednicom i svim zainteresovanim stranama bez mogućnosti da Ministarstvo ili Vlada Kantona Sarajevo predloži skraćeni postupak, suprotno zaključku broj 1.

molim zastupnike da se izjasne o predloženim zaključcima. Zahvaljujem.

Predsjedavajući:

Zahvaljujem uvažena zastupnice Bajramović. Sada imamo još jednu dilemu za vaš predloženi zaključak. Znači ne možete ovako sročiti zaključak jer ga ja neću dati na glasanje. Shodno članu 71 konačnu odluku o utvrđivanju hitnog karaktera sjednice donosi Kolegij Skupštine, znači možemo uputiti vašu inicijativu, tako da je smatramo Kolegiju, a da sazovemo hitnu sjednicu Kolegija i da raspravimo o ovome. Skupština Kantona Sarajevo drugačije ne može postupiti ukoliko ne dostavite prijedlog zaključka kako je u skladu s Poslovníkom. Ja neću dopustiti da se glasa a da nije u skladu s Poslovníkom.

Kolega Konaković replika Segmedini Srni Bajramović. Izvolite kolega Konaković.

Poslanik/zastupnik Elmedin Konaković:

Hvala predsjedavajući. Kratka replika kolegici Srni jer ja sam govorio da NiP apsolutno se slažem da to uradi kolegica Srna. Prihvatam sugestiju predsjedavajućeg samo u prvom dijelu zaključka da kaže : „Skupština Kantona Sarajevo zadužuje Kolegij da održi hitnu sjednicu i razmotri održavanje (nerazumljivo) hitne sjednice Skupštine Kantona Sarajevo.” A lijepo je danas slušati predsjedavajućeg Čelika koji je na pravi način rekao ono što dugo nismo od njega čuli, ustvari nismo slušali u prošlom periodu njega i njegovih kolega da odluku o karakteru hitnosti i zakazivanje hitne sjednice može donijeti samo Kolegij. Za tu vrstu odluke potrebna je većina na Kolegiju, 8 ljudi u toj sali mora se složiti da bude hitna sjednica i ona će se održati. Dakle ovo je danas bio užitak demokratije (nerazumljivo) Čelika kako govori o onome što istina jeste procedura. A nekada smo tamo u decembru slušali one pojedince kako su htjeli zakazivati neke hitne sjednice, bla, bla bez Kolegija. Tako da kolega Čelik hvala vam na vašoj danas

iskrenosti. A kolega Srna samo jedna sugestija, Čelik je u pravu. Neće NiP ostaje prijedlog kolegice Srne. U prvom dijelu zaključka umjesto ovo nalaže, nek se naloži Kolegiju da održi hitnu sjednicu a hitna će se zakazati u kratkom roku. Hvala vam puno.

Predsjedavajući:

Zahvaljujem kolega Konakoviću. Zaista mi je zadovoljstvo kada radimo u skladu sa Poslovníkom i sa svim važećim propisima koji se tiču Kantona Sarajevo. Kolegica Segmedina Srna Bajramović replika pretpostavljam, da je to Konakoviću ili Čeliku, pa evo možete se izjasniti kada vam dam riječ.

Poslanik/zastupnik Segmedina Srna Bajramović:

Zahvaljujem predsjedavajući. Pa evo apsolutno sam saglasna sa predloženim sugestijama, ja sam već zaključke poslala na našu grupu skupštinski zastupnici. Poslat ću to i e-mailom. Prihvatam sve što ste rekli. Najvažnije je da predloženi zaključci budu usvojeni, makar to predlagao NiP, i pojedinačno ili četvorke svi zastupnici zajedno, kako bi bila (nerazumljivo). Zahvaljujem.

Predsjedavajući:

Kolegice Segmedina Srna Bajramović ja bih vas lijepo molio da korigujete vaš prijedlog zaključka, dostavite Skupštine a do zaključenja ove sjednice ćemo se svakako izjasniti o vašem prijedlogu zaključka.

Obzirom da se višo niko ne javlja za riječ, ja zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O VISOKOM OBRAZOVANJU.

Sekretara Skupštine molim da napravi anketu jer nije u skladu s Poslovníkom koju je napravio anketu uvaženi zastupnik Konaković. Imamo Poslovník, držimo se Poslovníka, svi smo danas nekako zainteresovani da vodimo rasprave kako to Poslovník nalaže pa vas tako i molim. Otvaram glasanje.

Poslovnička intervencija Konaković.

Poslanik/zastupnik Elmedin Konaković:

Samo kratko predsjedavajući. Na viber grupi piše Zakon o visokom obrazovanju. Ovo nije Zakon o visokom obrazovanju. Ovo je Zakon o izmjenama i dopunama Zakona o visokom obrazovanju. Sekretarko ovo što ste napisali nije akt o kojem se mi izjašnjavamo.

Predsjedavajući:

Evo ja bih vas lijepo molio, sada ćemo izbrisati ovo pa ćemo napisati tačka 1 i tako ćemo i glasati. I molim sekretara da tako u buduće i radi. Zastupnici će glasati. Znači tačka 1.

Ja se izvinjavam, evo kolega Nikšić je bio prijavljen ali evo mi nismo evidentirali. Ja se izvinjavam. Prije evo zaključenja. Pošto smo zaključili raspravu ako se slažete kolega, ako je bio prijavljen. Nije bio prijavljen, provjerili smo. Molim da napravite anketu i da je pustite da zastupnici glasaju. Ja sam zaključio raspravu sekretaru molim da napravite novu anketu.

Molim zastupnike da glasaju. Molim zastupnike koji nisu glasali da glasaju. Zaključujem glasanje.

**ZA JE GLASALO 33 ZASTUPNIKA, PROTIV niko I SUZDRŽAN 1.
KONSTATUJEM DA JE SKUPŠTINA DONIJELA OVAJ ZAKON.**

Prelazimo na tačku dva a to je:

AD-2. INFORMACIJA U VEZI ZAKLJUČKA SKUPŠTINE KANTONA SARAJEVO
BROJ:01-04-35283-3/20 OD 28.09.2020.GODINE.

Molim predstavnika predlagača da podnese uvodne napomene. Poslovnička intervencija. Imamo Konaković poslovnička intervencija nakon Konakovića Segmedina Srna Bajramović.

Poslanik/zastupnik Elmedin Konaković.

Ma samo kratko predsjedavajući. Nismo se izjasnili o zaključku kolegice Srne koji je ona dostavila. Može se on i usmeno tekstualno izmijeniti u čitanju a ona može dostaviti tekst do samog kraja. Preskočili ste nam to.

Predsjedavajući:

Kolega Konaković očitno imate problema sa tehnikom. Ja sam kazao da kolegica Segmedina Srna Bajramović ispravi prijedlog zaključka dostavi a do zaključenja sjednice Hitne ćemo se svakako izjasniti o predloženom zaključku uvažene zastupnice Srne Bajramović. Ja mislim da to je i logičan slijed. Znači ostavljamo mogućnost do zaključenja ove sjednice da se izjasnimo za predloženi zaključak. Kolegice Srna Bajramović izvolite.

Poslanik/zastupnik Segmedina Srna Bajramović:

Nema potrebe za poslovničkom intervencije. Otprilike na ovom tragu. I zahvaljujem za strpljenje, zaključak će u izmijenjenoj formi biti dostavljen do zaključenja rasprave na izjašnjavanje. Hvala.

Predsjedavajući:

Zahvaljujem. Očitno da imamo problema svi sa tehnikom. Evo i kolega dopredsjedavajući Handžić je imao problema ali evo nadam se da ćemo i ovo otkloniti u toku same sjednice.

Tačka je 2. molim predstavnika predlagača da podnese uvodne napomene. Premijeru i članovi Vlade, ko će uvodne napomene u vezi Informacije u vezi Zaključka Skupštine Kantona Sarajevo broj: 01-04-35283-3/20 od 28.09.2020.godine. Premijeru Nenadiću izvolite imate riječ.

Premijer Mario Nenadić:

Poštovani predsjedavajući, gospodo dopredsjedavajući, zastupnice, zastupnici, uvaženi građani Kantona Sarajevo pozdravljam vas ispred Vlade Kantona Sarajevo i u svoje lično ime. I evo mi smo za ovu Hitnu sjednicu pripremili Informaciju u VEZI ZAKLJUČAKA SKUPŠTINE KANTONA SARAJEVO OD 28.09.2020. GODINE. Znamo da su to zaključci koji su se odnosili na zabranu zapošljavanja vezano za imenovanje, razrješenje u upravljačkim strukturama i drugi u vezi sa predmetnom tematikom. S tim u vezi odmah nakon što je uvažena Skupština izglasala ovakav zaključak, prvi radni dan iza toga organizirao sam Kolegij, uskoro i Vladu Kantona Sarajevo s ciljem da vidimo koji je najlakši i najpraktičniji model za implementaciju ovih zaključaka. U međuvremenu kao osnovni preduslov dali smo zadaću svim praktično pravnim subjektima koji se finansiraju iz budžeta Kantona Sarajevo da pripreme odgovarajuću dokumentaciju, odnosno izvještaje u pogledu stanja zapošljavanja u Kantonu. I kako je zaključkom 8. Zaključaka od 28.09.2020.godine obavezana Vlada Kantona Sarajevo, da putem resornih ministarstva, odmah pristupi realizaciji zaključaka i da o tome obavijesti Skupštinu Kantona Sarajevo, odlučili smo se već danas na ovoj Hitnoj sjednici da pripremimo smatram prilično detaljnu informaciju koja ustvari želi oslikati stanje i praktično prezentirati u kojem je riziku trenutno javni sektor u slučaju dosljedne implementacije i primjene zaključka Skupštine Kantona Sarajevo. Nakon donošenja zaključaka mi smo pripremili odgovarajuću informaciju čiji su sastavni dijelovi prije svega tabela, jedna detaljna tabela koja je prilog ovoj informaciji, tako da ste je vi uvaženi zastupnici danas i dobili, a koja

govori o zapošljavanjima u sazivu trenutne Vlade Kantona Sarajevo i također u prethodnom sazivu Vlade. Informacije su neselektivno pripremljene, dakle na način da su dostavljene od obrađivača, od odgovorne osobe, prvo od obrađivača, zatim potpisane od odgovorne osobe u pravnim subjektima u Kantonu Sarajevo. Rezultat takvo prikupljenih informacija, ustvari jeste da smo petka kada smo zaključivali ovu tabelu, u kasnim popodnevnim satima od 162 pravna subjekta u Kantonu Sarajevo zaprimili informacije od 90 pravnih subjekata budžetskih korisnika. Unijeli ih u ovu Informaciju sumirali je. Sve informacije su obrađene i iskazane kao sumirani podaci na dnu ove tabele. Tako da u vezi s tim evo samo par osnovnih podataka. Dakle, da je od dana pripreme ove informacije Vlada Kantona Sarajevo zaprimila podatke od 90 pravnih subjekata. I da je to prilikom konstatovala da u mandatu trenutnog saziva od 03.03.2020. godine do danas stanje ukupno datih saglasnosti je 1412, ukupno realiziranih saglasnosti je 989, a ukupno penzionisanih lica je 207. Sa druge strane, u prethodnom sazivu Vlade Kantona Sarajevo ukupno su date 3453 saglasnosti, realiziranih saglasnosti je bilo 3042, a ukupno penzionisanih lica - 259.

-Istovremeno je, dakle podsjetit ću i ovo, Vlada u prethodnom mandatu funkcionirala je od 26.12.2018 do 02.03.2020.godine. Istovremeno je zatraženo od Ministarstva finansija Kantona Sarajevo da iz trezorskog sistema dostavi podatke o broju zaposlenih i evo da ih ne bih iščitavao, tražit ću u nastavku ovog pregleda da resorni ministar finansija prezentira ono što je izlistano mogu tako reći iz službenog sistema u okviru Ministarstva finansija Kantona Sarajevo.

Rekoh da je prilog 1 ovoj informaciji je tabelarni pregled broja datih i realiziranih saglasnosti za zapošljavanje u mandate aktuelne i prethodne Vlade KS iz kog je vrlo jednostavno vidjeti ko, šta, kako i u koje vrijeme je zapošljavao, davao saglasnosti i slično.

Ažurirani i navedeni podaci svo slobodan sam reći demantuju izjave pojedinih zastupnika Skupštine Kantona Sarajevo o masovnim zapošljavanjima u mandatu trenutne Vlade Kantona Sarajevo. Dodatno čak i dio podataka o zapošljavanju u mandatu ove Vlade jesu ustvari zapošljavanja iz mandata prethodne Vlade. Lako je provjeriti da je veliki broj istih osoba, na spisku zapošljavanja u mandatu ove Vlade, a to uglavnom ugovori na određeno vrijeme, ljudi koji su i ranije bili zaposleni radi održavanja sistema su nastavili da rade u aktualnom mandatu Vlade Kantona Sarajevo.

Mislim da smo ovom Informacijom pokazali u kakvoj smo situaciji trenutno u koliko složenim okolnostima je funkcionisanje javnog sektora trenutno u Kantonu Sarajevo. Obzirom da se radi o pravnim subjektima od javnog interesa i velikog značaja za građane Kantona Sarajevo, primjena ovakvih zaključaka, zabrana zapošljavanja, obustava aktivnosti na izmjenama i dopunama osnivačkih akata i pravilnika o organizaciji i sistematizaciji radnih mjesta, obustava čak i internih premještaja zaposlenika, neimenovanje rukovodilaca, upravljačkih struktura i organa nadzora, dovodi zaista u pitanje nefunkcionisanje cijelog javnog sektora, rad komunalnih preduzeća, ustanova socijalne zaštite, institucija kulture, sudova, Tužilaštva, Pravobranilaštva, Kantonalne uprave za inspeksijske poslove i dr. Ali o tome će kažem i članovi Vlade po resorima, kratko.

Skupština je svojim zaključcima faktički stavila van snage, tj. derogirala pojedine odredbe važećih zakona, kako federalnih tako i kantonalnih, što u konačnici Vladi Kantona Sarajevo u potpunosti vezala ruke jer zaključci Skupštine nemaju jaču pravnu snagu od važećih zakona koji regulišu rad javnog sektora. Evo mi smo tu pobrojali zakone koji i se direktno kršili u slučaju da mi budemo dosljedno primjenjivali zaključke Skupštine Kantona Sarajevo, pa Zakon o organizaciji organa uprave u F BiH, Zakon o radu, Zakon o državnoj službi, Zakon o namještenicima, Zakon o ustanovama, Zakon o sudovima. Zakon o tužilaštvu, Zakon o

Pravobranilaštvu, Zakon o inspekcijama, itd. U smislu navedenog, Vlada Kantona Sarajevo, ministri, rukovodioci u javnom sektoru i svi drugi na koje se odnose navedeni zaključci, ukoliko bi se pridržavali istih, ne mogu obavljati svoje zakonom propisane obaveze. Evo već sam spominjao jedan stvarno drastičan primjer da rukovodilac primjenom ovakvih zaključaka ne bi čak mogao da napravi unutar svojih službi interni premještaj. I nismo prepoznali razloge da internim premještajem ne možemo u najmanju ruku rukovoditi institucijama za koje smo po Zakonu zaduženi.

Također, zaključak broj 3, iz zabrane su izuzete odgojno obrazovne, visokoškolske ustanove, zdravstveni radnici, Uprava policije, Ured za borbu protiv korupcije i upravljanje kvalitetom Kantona Sarajevo, za hitna i opravdana zapošljavanja uz obaveznu prethodnu saglasnost Vlade KS, kao i programi zapošljavanja preko Službe za zapošljavanje KS. Međutim, primjenom ovakvih zaključaka, Vlada Kantona Sarajevo ne bi mogla dati saglasnost za prijem u radni odnos nedostajućeg kadra na primjer u ustanovama socijalne zaštite, kadar u sudovima i Tužilaštvu. Evo imamo nedavno primljene od strane VSTV određen broj sudija, to iziskuje zapošljavanje određenog broja državnih službenika i namještenika prema standardima i propisima iz Zakona o sudovima, i drugim važećim propisima, a na žalost nismo u prilici ni to realizirati. Nemedicinski kadar, mislim da je prilikom donošenja zaključaka da se nije dovoljno analiziralo stanje. Nemogućnost zapošljavanja nemedicinskog kadra u zdravstvenim ustanovama je dosta veliki rizik za rukovodice tih ustanova. Mi smo naveli vrlo jednostavan primjer da ne bi se po ovim zaključcima mogla primiti ni vozač u Hitnu pomoć. Gore smo maloprije govorili da već godinama 35 vozača i kontrolora u Grasu radi na određeno vrijeme. Evo sada ne bi imali mogućnost zaposlit određeni broj ni na određenoj kroz odgovarajuće zakonom dozvoljene mehanizme ni u tom preduzeću. Zato mislimo da su zaključci, također, oni ne poznaju ni mogućnost poništenja javnog konkursa dok je u Uredbi u prijemu u radni odnos na određeno i neodređeno vrijeme u zavodima i agencijama, direkcijama i upravnim organizacijama, pravnim licima i da ne čitam taj propis, zaista je dugačak njegov naslov, taksativno propisano u kojim slučajevima se javni oglas može poništiti, a odluka osnivača nije jedan od osnova za poništenje započetog javnog konkursa. Ovakvi nalozi mogu prouzrokovati podnošenje tužbi aplikanata koji su prošli konkursnu proceduru, što naravno stvara nove troškove po budžet Kantona Sarajevo ili fondove iz kojih se finansiraju. I takvih primjera u istoriji Kantona. Jednim od zaključaka a obavezuje se Vlada, NO i UO; ovisno od nadležnosti da ponište pokrenute konkursne procedure i obustave sve dalje postupke razrješenja, izbora i imenovanja direktora i članova uprave, UO i NO javnih subjekata što se također zbog zakonskih specifičnosti, uslova za imenovanje i razrješenje ne može provesti bez zakonske osnove poništenja uz napomenu da svo imenovanje uprava i NO regulisana zakonom o ministarskim, vladinim i drugim imenovanjima na nivou FBIH. A dalje su razrađena posebnim zakonskim i osnivačkim aktima.

Neovisno od navedenih propisa očekivane štetne posljedice zaključaka već su vidljive, a neke od njih su nepostojanje, a time nefunkcionisanje upravljačkih i nadzornih struktura. Već tokom primjene u ovih 5 radnih dana prošle sedmice dobili smo određeni broj upita za tumačenje na koji koji način da se uspostave evo da kažem život ili funkcionisanje određenih pravnih subjekata jer su neke od njih bez upravljačkih, nadzornih i drugih struktura, a primjenom ovakvih odredbi, odnosno zaključaka ne bi bilo moguće izvršiti zakonitu popunu. Tako da Vlada, a u skladu sa obavezom iz tačke 8 zaključaka, a taj zaključak za one koji su zaboravili, „Obavezuje se Vlada da putem resornih Ministarstva odmah pristupi realizaciji prethodno navedenih zaključaka i da o tome obavijesti Skupštinu Kantona Sarajevo”: evo dio podataka smo prikazali danas ovdje i informišemo o nemogućnosti zakonite provedbe. Cilj Vlade je da ovom Informacijom djeluje zaista sistemski, institucionalno i preventivno, sa osnovnim ciljem da skrene pažnju Skupštini Kantona Sarajevo, na nemogućnost provedbe ovakvih zaključaka i na njihove štetne posljedice. Veliki je rizik za kolaps javnog sektora u narednim danima, ne

govorim o nekoj dalekoj budućnosti, mi smo već u problemima i od nas se očekuju informacije, odnosno nismo tu čak ni da tumačimo zaključke Skupštine tako da mi smo se na Vladi dogovorili, jutros smo ponovno imali sjednicu, preko vikenda smo radili razmišljali u okviru resora, prikupili smo informacije koje jasno demantuju navode da je u mandatu ove Vlade bilo masovnih zapošljavanja. Evo podaci su jasni, u tabelama tačno se vidi ko kako i na koji način je vršio prijeme u prethodnom i u tekućem mandatu Vlade Kantona Sarajevo. Tako da naš je prijedlog zaključka:

-Da se Zaključci Skupštine KS broj: 01-04-35283-3/20 od 28.09.2020. godine stave van snage, a kao mehanizam kontrole procesa zapošljavanja je i dalje Zaključak Vlade Kantona Sarajevo broj: 02-04-9455-3.2/20 od 06.04.2020. godine koji je prilog ovoj informaciji.

Dakle podsjećam, dva su zvanična priloga ove informacije. Jedan je ovaj tabelarni pregled, drugo su zaključci Vlade Kantona Sarajevo. I mi smo neformalno priložili određen broj do sada zaprimljenih reakcija sindikata, udruženja i drugih koji se oštro suprotstavljaju implementaciji ovakvih zaključaka i traže od Vlade upute kako postupiti u konkretnim situacijama a posebno u smislu funkcionisanja, evo ponavljam, čut ćete od resora pojedinih resora, bilo da se radi o školskim odborima, bilo da se radi o JP, bilo da se radi o JU; o državnoj službi. I evo pozivam kratko ministre da dopune ove uvodne napomene i da ukažu koji su to problemi u funkcioniraju sistema trenutno. Hvala.

Ministrica Mersa Kustura:

S obzirom da se prvi put javljam, prvo želim da pozdravim sve uvažene zastupnice i zastupnike Skupštine Kantona Sarajevo, članove Vlade, predstavnike medija, i gledaoce TVSA koji prate direktno prenos ove sjednice Skupštine Kantona Sarajevo. Uvaženi premijer je zaista iscrpno iznio podatke iz Informacije a mi kao resorni ministri bili smo zaduženi da svako iz svog sektora, sa svog aspekta pokuša dati osvrt na donešene zaključke. A zaključci kako mnogi ga zovu zaključak o moratoriju na zapošljavanje, činjenica je da su zaista neselektivno koncipirani, a potom donešeni, kršeći i mnoge propise o kojima je govorio premijer Kantona Sarajevo. Međutim, osnovno što je spočitavano ovoj Vladi jeste masovno zapošljavanje u javnom sektoru, ja kao ministar pravde i uprave, evo konkretno za svoj resor a i Vlada to je demantovala da se ovdje nije radilo ni o kakvom masovnom zapošljavanju jer podaci koje ste dobili uporedno za sadašnju aktuelnu Vladu i za Vladu koja je bila prije ove Vlade, doduše imala je i duži mandat, 14 mjeseci, ova Vlada je u mandatu 7 punih mjeseci. Ali podaci su neumoljivi. Vjerovatno će oni biti i puno veći kada se ova informacija dopuni, iz razloga što je ovdje 90 institucija obrađeno kroz informacioni sistem. Ja ću konkretno govoriti o svom resoru Ministarstva pravde i uprave. U Ministarstvu pravde i uprave u periodu od kada sam ja na čelu ovog Ministarstva ukupno je dato sedam saglasnosti za prijem na neodređeno vrijeme zaposlenika. U razdjelu Ministarstva pravda su Kantonalni sud, kantonalno tužiteljstvo, Općinski sud, Kantonalno Pravobranilaštvo i TVSA. Od tih sedam saglasnosti koje smo dali, pet ih je realizovanih. Dato je 10 saglasnosti za rad na određeno vrijeme i iste su realizovane. 15 je ugovora o djelu i to u Općinskom sudu 1, jedan je pripravnik i u ovom periodu je 15 ljudi otišlo u penziju u ovim institucijama. Kada se sve ovo pogleda jasno je i vidljivo da ovdje nije bilo nikakvog upošljavanja nego jednostavno vodilo se računa o svakom radnom mjestu. Zapošljavanja su samo lica, odnosno popunjavana su radna mjesta tamo gdje je neko otišao u penziju ili neko je napustio instituciju, našao neki drugi posao a bilo je smrtnih slučajeva uposlenika i prestanka radnog odnosa po sili Zakona. Dužna sam objasniti šta ovih 15 ugovora o djelu Općinskom sudu. Mislim da je ovdje učinjena velika ušteda za budžet. Ovdje se radi o dostavljačima kuririma koje smo odobrili Općinskom sudu u Sarajevu koji isključivo rade na komunalnim predmetima koji nažalost u općinskom sudu ima preko milion i čija vrijednost je preko 200 miliona. I ovo Ministarstvo u saradnji sa ministarstvom komunalne privrede,

Općinskim sudom, VSTV zaista je krenulo u jednu opsežnu aktivnost da smanji broj predmeta, da poveća efikasnost suda i odlučili smo se na dostavu pismena putem kurira što znači zaista ogromnu uštedu u odnosu da smo ta pismena dostavljali putem pošte. I ova sredstva je obezbijedilo Ministarstvo komunalne privrede po sporazumu sa Općinskim sudom u Sarajevu i ove aktivnosti zaista idu uspješno. Što se tiče mandata prethodne Vlade u ovih šest institucija data je saglasnost i zaposleno 50 uposlenika na neodređeno vrijeme. Znači 10 puta više. 7 zaposlenika na određeno vrijeme, sve je to realizovano, 16 ugovora o djelu, 2 pripravnika a 21 uposlenik je otišao u zasluženu mirovinu. Dužna sam da kažem u Ministarstvu u kojem radim nije primljen ni jedan zaposlenik. U Ministarstvu ne postoji ni jedan ugovor o djelu, a pogotovo ne ugovor o povremenim i privremenim poslovima, a u prethodnom periodu u ovom Ministarstvu primljena su četiri državna službenika. Ono što sam dužna da kao resorni ministar kažem, kada smo govorili o izuzecima za zapošljavanje, izuzete su tamo institucije koje treba da budu izuzete o kojima je govorio premijer, ali je činjenica da ako je bilo izuzetaka moralo se vrlo jasno i precizno voditi računa i trećem stubu vlasti, o pravosuđu na čijoj efikasnosti zaista moramo raditi, prije svega Ministarstvo resorno a onda kompletna Vlada i Skupština, ako želimo postići efikasnost sudova koji su preopterećeni moramo im dati i potrebni kadar. Na posljednjoj sjednici VSTV odobreno je 12 sudija, odnosno izabrani su u Općinski sud u Sarajevu i tri sudije za kantonalni sudovi. Po propisima, Zakonu o sudovima, oni za sobom povlače i angažman državnih službenika i namještenika. Ovo kada govorim o sudovima, ja sam govorila o državnim službenicima i namještenicima. Sudije kao što znate su regulisane posebnim propisima i njih imenuje VSTV. Ali da bi sudija mogao da radi morat će imati i određeni broj administrativnog osoblja koje mu mora pomoći, a ista takva situacija je i u Pravobranilaštvu, koje moramo kadrovski ojačati. Po ovom zaključku je to nemoguće, ali ako hoćemo da neko štiti interese i imovinu Kantona on zaista mora imati i adekvatan kadar kroz državnu službu i državne službenike. Posebna situacija je nemogućnost čak internog premještaja o kome je govorio uvaženi premijer. Poništenja započelih konkursa koji ne poznaje ni jedan zakonski propis koji je donijela čak i ova Skupština, normalno u skladu sa federalnim i kantonalnim propisima ali je činjenica da je Vlada Kantona Sarajevo i njena Ministarstva zaista doslovno poštovala zaključak Vlade od 06.04.2020 koji je donesen na osnovu zaključka Skupštine na taj način što je razmatrala svaki zahtjev koji joj je upućivala određena institucija. Tražila mišljenje finansija vezano za budžetska sredstva da li je ot moguće po Zakonu o budžetima i Zakonu o izvršenju budžeta, provesti taj postupak i tu proceduru i donosila određene odluke. A moram vas podsjetiti da je 07.05. donesen Zakon o ublažavanju negativnih ekonomskih posljedica i ušteda to je kantonalni Zakon iz maja mjeseca, gdje je isto tako naveo i određene obaveze u članu 12 i ugovori o povremenim i privremenim poslovima, niti ugovori o djelu nisu mogli biti dati, samo uz saglasnost ministra, nego je i to morala da radi Vlada ali samo u izuzetno opravdanim slučajevima. Ono što moram reći da svaka takva odluka Vlade u skladu sa Poslovníkom o radu Vlade, je objavljena kako na web stranici Vlade Kantona, tako u Službenim novinama Kantona Sarajevo. Tako da je transparentnost u oblasti zapošljavanja od strane Vlade Kantona Sarajevo i naših resornih ministarstava više nego transparentna i dosljedna. A kako smo to radili to pokazuju i ovi statistički podaci. Prijedlog zaključka koji je dao uvaženi premijer Nenadić, zaista mehanizam zaštite koji imao i da o istom informišemo Skupštinu Kantona Sarajevo je pravi mehanizam da svi u svakom trenutku znamo šta se dešava, ali život u Kantonu Sarajevo i u javnom sektoru sigurno nema pravo da zaustavi niti Vlada Kantona Sarajevo niti Skupština Kantona Sarajevo. Hvala.

Ministar Jasmin Halebić:

Poštovani predsjedavajući, poštovani zastupnici, dragi građani Kantona Sarajevo evo ispred Ministarstva finansija da vam predočim određene podatke koji se tiču ukupno isplaćenih plaća u

određenim vremenskim dionicama. Kako bi smo mogli potkrijepiti kroz brojeve ove zaključke o tome da nije bilo masovnog zapošljavanja niti da su pričinjene ogromne štete po budžet Kantona Sarajevo. Riječ je o tri podatka. Poštovani predsjedavajući da li me čujete ovdje mi imamo. Dobro ukoliko me ne čujete molim vas da mi sugerirate. Prvi datum je decembar 2018 jer je to praktično posljednji mjesec u kojem su isplaćene plaće iz prethodnog saziva Vlade koju je predvodio premijer Zolj. Tada je isplaćeno 11285 plaća ili plaća za 11285 zaposlenika. Sljedeći datum je februar 2020, to je posljednji mjesec za koje su isplaćene plaće u mandatu premijera uvaženog premijera Forte. Tada je isplaćeno 14525 plaća. Razlika je oko 3240 plaća. Dakle isplaćeno je više u februaru 2020 u odnosu na decembar 2018. za oko 3240 ljudi. U tom broju u 2019 se dogodio prelazak UNSA na trezorsko poslovanje i isplatu naravno plata zaposlenih na UNSA putem trezora. Taj broj je oko 2576 ljudi. Dakle kada se od ovog broja 3240 oduzme broj zaposlenih koji su prešli na trezor a zaposleni su na UNSA dobije se broj od 660 ljudi. Tačnije 664 zaposlena. To je razlika između decembra 2018 i februara 2020. sljedeći datum koji je bitan jesu praktično podaci o augustu 2020. to je posljednja plaća koja je isplaćena u ovom sazivu Vlade. Dakle isplaćena je plaća augustovska, septembarska još nije, ona je u obračunu. Bit će isplaćena 10.10. za nju nemamo konačne podatke ona je obradi koji će to broj biti. Za august 2020 to je posljednji kompletirani mjesec 13778 zaposlenih je primilo platu. 13778 ovdje je ponovo sadržan UNSA, zajedno sa UNSA. U odnosu na februar 2020 razlika je oko 747 zaposlenih manje. Oko 747 manje je isplaćeno u augustu 2020. godine. U tome je oko procjena naša oko 300 zaposlenih koji variraju a variraju zbog toga što je to period, august je zadnji mjesec raspusta u obrazovnom sistemu i smatramo da oko 300 ljudi praktično radi po ugovorima na određeno vrijeme i oni se tek vide od septembra ove godine. Od septembra ove godine će oko 300 ljudi biti dodatno angažovano u obrazovnom sistemu. Tako da je ukupna razlika, ovdje već zaokružujem oko 400 zaposlenih. Prema tome da sumiram, jednostavnim rječnikom oko 400 zaposlenih je manje u mandatu ove Vlade. Prema podacima za august 2020 godine u odnosu na posljednji mjesec kada su isplaćene plaće u mandatu prethodne Vlade a to je februar 2020.godine. Ovo jasno potvrđuje da nije bilo masovnog zapošljavanja niti da su učinjene ogromne štete po budžet Kantona Sarajevo što je se moglo čuti u diskusijama na prethodnoj sjednici. Ono što želim ovdje kazati jeste da u ovim podacima nisu sadržani brojevi i informacije o drugim dijelovima javnog sektora koji nisu na budžetu to su zdravstveni sistem, KJKP koja nisu naravno nisu budžetski korisnici i Služba za zapošljavanje koji također nisu budžetski korisnici. Oni imaju da kažemo zasebne podatke i o njima Ministarstvo finansija ne vodi evidenciju niti isplaćuje plaće putem Trezora budžeta Kantona Sarajevo. Zahvaljujem.

Predsjedavajući:

Zahvaljujem ministre. Imali smo poslovničku intervenciju dopredsjedavajućeg Handžića. Pa evo ja vas lijepo molim ministre prije nego što vama dam riječ, kolega Handžić dopredsjedavajući ima riječ. Poslovnička intervencija izvolite.

Dopredsjedavajući:

Zahvaljujem predsjedavajući. Samo me zanima da li su ova izlaganja ministara u skladu sa temom koju danas raspravljamo, s obzirom da se radi o Informaciji o zaključcima koje je donijela Skupština prije neki dan. Tema ja uopšte ne sporim da ih vi, slobodno ih iznesite na društvenim mrežama, medijima, kada ste ih već pravili, ali premijer je sam rekao da je pravio uporedne podatke na osnovu komentara zastupnika na društvenim mrežama. Dakle to nije nikada bila tema na Skupštini, zašto je komentar na društvenim mrežama tema ove tačke dnevnog reda, odnosno uvodnog izlaganja, pa bih volio da se vratimo na temu, a Vlada ako želi uporedne podatke da objavi, nije nikakav problem, slobodno neka to radi na društvenim mrežama, medijima, gdje god žele. Hvala.

Predsjedavajući:

Poštovani dopredsjedavajući Poslovnikom nije određeno koliko imaju vremena za uvodne napomene i shodno tome Vlada ima pravo da u uvodnim napomenama koristi ili premijer ili svi ostali ministri koje ovlasti premijer da budu uvodničari za tačku o kojoj se raspravlja. Kolega Grabovica Hajrudin je sljedeći.

Ministar Hajrudin Grabovica:

Hvala vam predsjedavajući. Uvaženi zastupnici, poštovani građani Kantona Sarajevo naravno posebne pozdrave upućujem boračkoj populaciji. Zaključak Skupštine od 28.09. bukvalno je suspendovao dva prava iz Zakona o dopunskim pravima boraca/branitelja obrambeno oslobodilačkog rata. Naime vama je poznato da je 17.9. o.g. stupila na snagu Uredba o jedinstvenom (izgubio se snimak) boraca i članova i njihovih porodica u Kantonu Sarajevo, Gradu Sarajevo i opštinama u Kantonu Sarajevo. Stiče se dojam da je ovaj zaključak praktično suspendujući zapošljavanje direktan udar na ovo pravo koje se prvi put poslije rata konkretno primjenjivalo, odnosno trebalo primijeniti obzirom da se radi o konkretnim prioritetima a ne kao do sada samo deklarativnim i neobavezujućim prednostima kako je to do sada bio slučaj. Drugi jedan isto težak oblik suspendovanja prava iz Zakona o dopunskim pravima jeste stipendiranje. Naime, zabranom imenovanja uprave odnosno upravljačkih struktura u Fondu Ikre koje je trebao ovih dana raspisati konkurs za stipendiranje 1930 djece iz boračke populacije ovih dana je trebao biti imenovan UO i direktor, samim tim suspendovano je ovo pravo a napominjem da zbog pandemije kao se desila veliki dio ili veliki broj roditelja ostao bez posla i da su ove stipendije praktično bilo djeci koju smo mi zbog ovog zaključka na žalost ne možemo provesti. I treće rekao bih nešto o ugovorima o djelu. Ugovor o djelu praktično u Ministarstvu za boračka pitanje je odvajkada postojalo jer od 29 sistematizovanih radnih mjesta popunjeno je ukupno 16. i bez ugovora o djelu, gdje uglavnom rade djeca šehida, mi ovoga puta imamo 6. ranije je bilo u prethodnom sazivu Vlade 8. znači imamo manje broj, bilo bi i dovedeno u pitanje praktično funkcionisanje Ministarstva za boračka pitanja u realizovanju svojih osnovnih namjena odnosno misije. S tim u vezi pridružujem se i pozivu i prijedlogu zaključka uvaženog premijera Nenadića i pozivam zastupnike da razmotre i ovaj zaključak podhitno stave van snage. Hvala.

Predsjedavajući:

Zahvaljujem uvaženi ministre. Kolega Handžić odustao. Ja sam sada vidio. Kolega Alikadić izvolite imate riječ.

Ministar Kenan Alikadić:

Uvaženi predsjedavajući, zastupnice i zastupnici, svi oni koji prate sjednicu Kanton Sarajevo, uvažene kolege iz Vlade Kantona Sarajevo, ja ću napraviti kratki osvrt koji se odnosi na 12 ustanova koje su u oblasti kulture u Kantonu Sarajevo. Želim reći da je procedura izbora UO konstituisana provedena kraju međutim nije stavljena na Vladu obzirom da je ovaj zaključak uskratilo mogućnost da se to realizaciju. To je vrlo bitno zato što je na jednoj od prethodnih sjednica bilo diskusije tome kako neke ustanove nemaju upravljačke strukture i koji su problemi proizašli i proizilazi iz samog nepostojanja UO. Ova Vlada Kantona Sarajevo je riješila sve te UO na način da smo raspisali javni poziv, da smo proceduru priveli kraju, međutim ona je sada suspendovana i u konačnici ona bi se znatno reflektovala na rad ustanova pored još nekih stvari koje želim istaći odnosi se na rad ustanova a definisano se kroz ugovore o djelu, autorske, izvođačke, privremene i povremen poslove koji su okosnica rada svake JU: nepostojanje UO suspenduje mogućnost da se donose odluke o javnim nabavkama. Vrlo je bitno istaći da neka od ustanova ima kapitalne projekte koji iznose više stotina hiljada KM i neće moći biti realizovani zato što UO ne može donijeti odluku o javnim nabavkama i ne može provesti proces nabavke za navedene radove. Projekat je završen tkao da je to pravo uskraćeno. Postoje također neke ranije preuzete obaveze koje neće moći biti realizovane obzirom da se ne mogu donijeti odluke za isplatu preko 5000 KM a obaveze su već stvorene i neophodno je da one budu realizovane u

suprotnom će doći do sudskih sporova i znatnijih troškova za Kanton Sarajevo. Vrlo je bitno reći da bez imenovanja v.d. direktora nema ni mogućnosti potpisivanja određenih akata koji su neophodni za rad i funkcionisanje ovih ustanova. Također se ne mogu razmatrati ni žalbe uposlenika tako da svaki uposlenik ukoliko eventualno ima problem u ustanovi nema mogućnost da se njegova žalba razmatra i tako ostaje faktički ogoljen u svom problemu. Autorski ugovori su ugovori koji su definisani državnim zakonom. Međutim kolektivnim ugovorom ustanova iz oblasti kulture on je stavljen u privremene i povremene poslove. Oni su okosnica kao što sam rekao, rada svake ustanove. I u prevodu, suspendovanje ovih i drugih ugovora koji su zaista srce rada svake od ustanova ćemo suspendovati u potpunosti ustanove. One neće biti u mogućnosti da rade, obzirom da svi oni koji imaju sadržaje i koji imaju programe i projekte koji se realizuju u našim ustanovama kulture, ovim neće biti u mogućnost da se realizuje, tako da će to u konačnici dovesti do potpunog prestanka rada ustanova kulture i moći će samo da održavaju neke osnovne djelatnosti, predstave, projekcije i sve ono što je ranije bilo sinonim za kulturu ovog grada. Ovim zaključkom je stavljeno van snage, neće se moći realizovati u narednom periodu. Vi znate da su sve ustanove podkapacitirane i da nemaju broj uposlenika koji je definisan njihovom sistematizacijom. Neki nemaju ni šminkere i kostimografe, već angažuju druga lica obzirom da nikada nisu provedene procedure. Ovim zaključkom je nemoguće angažovati ta lica. Imamo neke ljude koji su došli u prethodnom periodu iz drugih država da rade projekte u Kantonu Sarajevo. Obzirom da je nemogućnost da se potpišu ugovori s njima oni će biti prinuđeni da se vrate u svoje matične države a sami ugovori koji su bili planirani da budu potpisani, neće biti u mogućnosti, tako da će ti projekti biti prekinuti ovim zaključkom. Također, vrlo bitno napomenuti kada su u pitanju ugovori o djelu Ministarstva kulture i sporta Kantona Sarajevo, ono je svakako podkapacitirano. Tamo postoje ugovori o djelu koji su ranije potpisani koje sam ja kao ministar zatekao. Nije bilo potpisivanja novih ugovora o djelu. Zna da u kulturi postoji jedno angažovano lice na ugovor o djelu i ovim bi to značilo da Kanton Sarajevo odnosno Ministarstvo kulture i sporta Kantona Sarajevo ostaje bez i jednog jedinog uposlenog, odnosno angažovanog lica iz oblasti kulture. To su stvari koje su se decenijama dešavale prije mene, tako da nemam nikakvu odgovornost za to. Ali svakako u narednom periodu će Ministarstvo kulture i sporta Kantona Sarajevo biti u potpunosti podkapacitirano, neki projekti odnosno stvari koje su se dešavale u kulturi u Kantonu Sarajevo ovim će biti onemogućene. Hvala.

Predsjedavajući:

Zahvaljujem ministre Alikadiću. Jel imamo još nekoga? Kolegica Glamoč Nihada, izvolite. Ministrica komunalne privrede.

Ministrica Nihada Glamoč:

Pozdravljam cijenjeni predsjedavajući, uvaženi zastupnici i zastupnice, cijenjeni članovi Vlade kao i cijenjeni gledaoci kraj malih ekrana. Pozdravljam vas i evo ovom prilikom ne bih željela da ponavljam sve ovo što su članovi Vlade rekli za problem koji je u komunalnoj privredi. Zaključak Skupštine Kantona Sarajevo urodio. Ono što želim jasno kroz precizne brojke da kažem da je Ministarstvo komunalne privrede izdalo 267 saglasnosti od toga je 122 uposlenika u komunalnoj privredi za ovih 7 mjeseci primljeno. U prošlom sazivu Vlade izdato 518 saglasnosti a 365 uposlenika je primljeno. U samom resoru od dana imenovanja niti sam i jedan ugovor o djelu napravila, dok je prethodni ministar imao 9 ugovora o djelu i dva konkursa su raspisana gdje su realizovana u mandatu kada sam ja stupila na snagu. Ono što je veoma bitno i ne želim da vam pričam o problematici koju komunalna privreda ima a da ne pomislite da nam je toliko važno samo zapošljavanje. Ono što jeste važno da komunalna privreda bez radnika ne može da posluje. Ono što nam je veoma bitno i što evo sada u ovom trenutku cijenjenoj zastupnici Danijeli Kristić koja je 22.09 uputila zahtjev za preduzeće koje se stvarno suočava sa problemima, preduzeće VIK da im se odobri saglasnost za prijem radnika na 60 dana na

privremene i povremene poslove. Od 116 zahtjeva koje je preduzeće VIK uputilo prema Ministarstvu komunalne privrede, infrastrukture, odobren je svaki zahtjev i veoma mi je žao cijenjene zastupnice što je nakon sedam dana zaustavljeno i stopirano citiram kako je bilo u zahtjevu: „ Nadam se da ćete isti zahtjev odobriti da ne bi došlo do nemogućnosti obavljanja radova na rekonstrukciji kanalizacione mreže i opravku radova”. Cijenjena zastupnice molim vas i vas i sve ostale zastupnike da povučete ovaj zaključak kako bi komunalna privreda ušla spremno u sezonu grijanja i nastavila sa opravkom kvarova i kako bi naši cijenjeni sugrađani imali vodu a ne da imamo redukcije. Ja ne bih željela dalje da oduzimam vrijeme. Ja vas molim da ovaj zaključak i preporuku koju je Vlada usvojila da nam udovoljite i stavite zaključak van snage.

Predsjedavajući:

Zahvaljujem uvažena ministrice Glamoč. Ministrica Agić izvolite, imate riječ.

Ministrica Jasna Agić:

Hvala predsjedavajući. Pozdravljam uvažene zastupnice i zastupnike, kao i građane Kantona Sarajevo. Povodom Zaključka Skupštine Kantona Sarajevo od 28.09.2020. informišem vas da će provedba navedenog Zaključka izazvati potpunu blokadu rada Ministarstva i javnih ustanova u sastav ovog Ministarstva, što će se u konačnici najviše odraziti na korisnike kojima se pružaju usluge socijalne zaštite. Što se tiče Ministarstva od početka godine ostali smo bez četiri zaposlena, tri zbog penzionisanja i jednog smrtnog slučaja. Dvije državne službenice su na porodijskom odsustvu za koje nemamo zamjenu. U javnim ustanovama je situacija također teška zbog nedostatka ljudskih resursa posebno u vrijeme pandemije kada su izraženi i pojačane potrebe za kadrom. Naročito u ustanovama socijalne zaštite sa stacioniranim korisnicima. U smislu prethodnog Ministarstvo podsjeća da je zbog zaštite stacioniranih korisnika i održavanja povoljne higijensko epidemiološke situacije angažovalo putem ugovora o djelu i doktora epidemiologa koji u najteže vrijeme pružio stručnu pomoć zaposlenim ustanovama socijalne zaštite u cilju sprječavanja ulaska virusa u ustanove. Postavlja se i pitanje šta u slučaju da se ponovo situacija s COVID-om zakomplikuje i šta uraditi u slučaju potrebe za angažovanjem radnika iz razloga da određeni broj zaposlenog osoblja u javnim ustanovama mora u izolaciju zbog zaraze koronavirusom. Ministarstvo također upozorava da je šest ustanova socijalne zaštite ostalo bez v.d. predsjednika i članova UO i NO, a spornim zaključkom se nalaže poništenje konkursnih procedura i stopiranje imenovanja. Na ovakav način ustanove iz oblasti socijalne zaštite koje obavljaju djelatnost od javnog interesa spriječene su da rade i normalno funkcionišu. Također uslijed Zaključka Skupštine Kantona Sarajevo zaustavlja se i projekat izrade socijalne mape u Kantonu Sarajevo, jer se u ovom obimnom istraživanju pored kadrova Ministarstva koriste i usluge eksperata, vanjskih članova sa kojima Ministarstvo zaključuje ugovore o djelu i isplaćuje naknade. Shodno gore navedenom upozoravamo da navedeni zaključak Skupštine Kantona Sarajevo može proizvesti nesagledive štetne posljedice po pitanju javnog interesa i socijalne zaštite u Kantonu Sarajevo, pogotovo imajući u vidu otežane okolnosti u kojima radimo, u segmentu borbe s pandemijom COVID-om 19. Nadamo se da su zastupnici svjesni svoje odgovornosti i činjenice da je Skupština Kantona Sarajevo osnivač JU, a da je ovim zaključkom Skupština Kantona Sarajevo pokazala nedomaćinski odnos naspram ustanova od javnog interesa koje je osnovalo i da navedena odluka o zabrani zapošljavanja može proizvesti nesagledive posljedice pogotovo u segmentu borbe sa pandemijom COVID-a. Hvala vam.

Predsjedavajući:

Zahvaljujem ministre Agić. Jesu li završeni što se tiče uvodnih napomena? Zahvaljujem. Da li predstavnici radnih tijela žele riječ? Ima li pitanja? Imamo i to redosljed Dević, Kristić, Konaković, kako je i prijavljivano u grupi. Molim zastupnike da koriste viber grupu samo za

sjednicu pojedinačno neka se dopisuju, ali radi praćenja lakšeg i evidentiranja zastupnika koji traže riječ, ja vas lijepo molim da ispoštujete ovaj moj zahtjev. Hvala vam unaprijed. Kolega Dević izvolite, imate riječ.

Poslanik/zastupnik Mahir Dević:

Zahvaljujem predsjedavajući. Čujemo li se? Imam dva kratka pitanja. Nekako smo brzo prešli preko ovog pitanja o radnim tijelima. Zanima me stav Zakonodavno-pravne komisije a vezano da li su navedeni zaključci usklađeni sa pravnim sistemom FBiH, Ustavom Kantona Sarajevo. Ja sam prošli put, kao što se sjećate, jako žustro se zalagao na stavu ZKP jer sam tvrdio da su navedeni zaključci u koliziji s pravnim sistemom njihovo mišljenje me zanima. Također me zanima stav premijera Kantona Sarajevo da mi odgovori direktno na pitanje da li su navedeni zaključci u suprotnosti sa pozitivnim zakonskim propisima koji reguliraju djelokrug i rad Vlade Kantona Sarajevo. Da li su ovi zaključci u koliziji sa zakonima koji definišu rad Vlade Kantona Sarajevo, i uopšte zakonskim propisima i pravnim sistemom u FBiH? I treće pitanje za premijera Kantona Sarajevo da mi obrazloži tačno kolika je razlika, ukoliko ne može tačno procentualno ili brojačno, približno u broju zaposlenih u toku rada njegove Vlada Kantona Sarajevo i Vlade njegovog prethodnika gospodina Edina Forte. Kolika tačno, znači procentualno i brojačno. To su ta tri pitanja. Zahvaljujem predsjedavajući.

Predsjedavajući:

Zahvaljujem kolega Deviću. Kolegica dopredsjedavajuća Kristić izvolite.

Dopredsjedavajuća Danijela Kristić:

Evo ja prije svega da kažem da kolega Dević nije bio prijavljen prije mene, ali dobro evo neka ste mu dali prednost pri postavljanju pitanja. Pitanje za premijera, pošto ste nam poslali analizu iscrpnu, zaposlenih i izvršili komparaciju sadašnje Vlade i bivše, možete li mi reći koji vremenski period ste uzeli u ovoj analizi kada je u pitanju stara Vlada, jer znamo da su oni bili izvršna vlast od 28.12.2018 do marta 2019, a koji ste period ste uzeli za aktuelnu Vladu, s obzirom da su oni bili od 03.03. tek. I interesuje me pošto ste imali ovoliko vremena da napravite detaljnu analizu zaposlenih, pitam samo kako niste imali vremena napraviti finansijsku procjenu za član koji smo predložili kod izmjena Zakona o visokom obrazovanju. A u svojim izlaganjima ste naveli da kao premijer ne znate kako provesti ovaj zaključak, pa evo jedna mala sugestijica, možda bi mogli kontaktirati bivšeg premijera Fortu pa pitati kako je on proveo ovaj isti zaključak kada ste vi donijeli isti, pa nije ovako prezentovao sve probleme, nego je zaključak proveden.

Predsjedavajući:

Ispravka krivog navoda uvaženog dopredsjedavajućoj Kristić. Da sam dao nekome riječ prije nego što se prijavio. Kolega Dević je u 12,32 citiram pitanje za narednu tačku dnevnog reda. To možete provjeriti u viber grupi. Za to viber grupa i koristi a ne da bi se dopisivali zastupnici interno. Ako to rade, neka to rade kada je sjednica u toku sa svojih privatnih adresa na privatne adrese zastupnika. Konaković izvolite.

Ja se izvinjavam se uvaženi zastupnike Konakoviću. Replika je bila, ne možemo dati kolegici repliku pošto su pitanja. Evo dat ću joj poslovničku intervenciju. Kolegica Kristić poslovnička intervencija. Replike ne možemo koristiti u pitanjima.

Dopredsjedavajuća Danijela Kristić:

Zahvaljujem predsjedavajući. Pa inače po Poslovniku je bilo da ne možemo krenuti sa prijavom za pitanja dok ne krene tačka dnevnog reda. Kada je krenula tačka dnevnog reda, ja sam bila prva za prijavu ali sam evo već rekla, nije problem, meni je drago da je kolega Dević prvi

postavio pitanje.

Predsjedavajući:

Zahvaljujem. Konaković izvolite, imate riječ.

Poslanik/zastupnik Elmedin Konaković:

Eh čujete li me predsjedavajući? Pitanja za premijera Nenadića. Zanima me baš kako će mi to objasniti. Dakle, ono što je nama premijer prezentirao rekao je sljedeće nakrcala je ta neka Vlada prije nas pravo puno ljudi, mi nismo ništa radili da tih ljudi bude manje i insistiramo da ih bude dodano još značajno još značajno više. Ima li neka matematika, jednačina koja bi to zdravom razumu mogla pojasniti. Prvo, ove neke brojke u kojima ste se vi malo varijabli zaigrali a objasniti ću ja vama to u diskusiji, šta je broj, varijacija, kada obrazovanje raste, kada pada. Dakle malo ste se tu poigrali sa nama koji to znamo, a druga stvar kako je moguće premijeru da kažete ta je prošla Vlada puno, mnogo, a mi sada hoćemo još-. I nije niko rekao, nije se govorilo o masovnom zapošljavanju. Govorilo se o planiranju masonovog zapošljavanja jer na koji god teren odete, ljudi strijepe, čekaju da im ispoštuje obećanja rekao im je ako glasaš zaposlit ću te. I ovo je treći moratorij. Ako ne znate kako pitajte Zolja i Fortu kako. Kako su oni implementirali zaključke ove Skupštine. Dakle u sklopu ovog pitanja, samo jedno malo pojašnjenje. Nama će biti super ako vi ne poslušate. Jer ima nešto što se u aktima zove politika osnivača. Ovo vam je osnivač on vam je dao nalog i morate ga poštovati. Dakle 18 ili 19 ljudi ovdje vam je nalog zvaničan. Pričat ću puno o tim vašim zakonima, ono što ste vi govorili da kršite ali sada odgovorite, zašto ako je prepun sistem, niste počistili sistem, smanjili broj uposlenih, i zašto insistirate da treba još ljudi ako ste već ovu farsu koju ste pokazali, htjeli napraviti neku političku kampanju? Hvala vam.

Predsjedavajući:

Zahvaljujem. Uvažena zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

Zahvaljujem predsjedavajući. Pa s obzirom da je zaključak donesen iz razloga masovnog zapošljavanja i da ne budu varijacije kako to kolega uvaženi Konaković kaže, želim da mi ministrica Kustura jasno i decidno odgovori koliko je zaposleno ljudi u njenom Ministarstvu pravde dok je bila ministrica Brčić i isto tako pitanje za ministra Halebića. Koliko je zaposleno ljudi u Ministarstvu finansija dok je bio ministar iz prošle Vlade. Zahvaljujem.

Predsjedavajući:

Kolega Jakupović Vedran, izvolite kolega.

Poslanik/zastupnik Vedran Jakupović:

Zahvaljujem predsjedavajući. Učinilo mi se da je ministrica Kustura rekla da informacije koje smo dobili nisu potpune. Zašto izlazite s nepotpunim informacijama? I evo oduzimate nam sigurno sat vremena ovog današnjeg zasjedanja, slobodno mogu reći odugovlačite opet nastavak naredne sjednice, odnosno nastavak 27 sjednice. Zašto ova Vlada nije dobila definitivne tačne informacije pa onda izašla sa informacijama o zapošljavanjima, posebno o razlikama u zapošljavanju? I na koji način, kojim statističkim metodama planirate napraviti te zanima me kako ćete odgovoriti Deviću i Jasmini Bišćević-Tokić kako ćete porediti 14 mjeseci jedne Vlade sa zvanično 7 mjeseci vaše Vlade, od kojih je par mjeseci bilo i posebnog stanja COVID pandemije. Na koji način ćete to uraditi. Ja bih zamolio samo da ne odugovlačite s odgovorima i na moje pitanje i na pitanje kolega.

Predsjedavajući:

Zahvaljujem. Evo i ja ću imati pitanje. Imamo, nemamo replika, to smo završili. Pa evo ja ću pitati premijera ili nekoga od članova Vlade, samo u kabinetu predsjedavajućeg i kabinetu premijera da li je broj izvršilaca povećan, a razlog zašto je jedan izvršilac ugovorom o djelu angažovan u kabinetu predsjedavajućeg jeste zato što kolegica koja radi na mjestu sekretara je bolesna i morali smo primiti. I dalje postoji opcija da otpustimo šehidsko dijete koje je zaposleno u kabinetu predsjedavajućeg a da Mirjanu vratimo od dopredsjedavajućih. To je jedna opcija, i drugo pitanje za premijera, pošto sam ja kazao da ću tražiti o broju zaposlenih sve informacije, pa evo pitam premijera da li je to enormno zapošljavanje kao što je to bilo i diskutovano na početku, kada smo donosili zaključak kojim se zabranjuje zapošljavanje i da li ga je zabolila ruka od potpisivanja silnih saglasnost za prijem u radni odnos? Ukoliko nemamo više prijavljenih. Kolegica Dizdarević ima pitanje.

Poslanik/zastupnik Neira Dizdarević:

Hvala predsjedavajući. Ja imam samo jedno pitanje za premijera, ako može samo da mi da kratak osvrt, odnosno svoj komentar na dopis Ureda za borbu protiv korupcije i upravljanje kvalitetom koji je upućen svim institucijama javnog sektora u Kantonu Sarajevo, od 18.09.2020 godine u kojem stoji da je Ured detektovao povećan prijavljenih i utvrđenih nepravilnosti u procesu zapošljavanja u institucijama u Kantonu Sarajevo te neažurno vođenje Registra, što predstavlja težu povredu radne obaveze. Eto ako može samo kratak osvrt iz kojih razloga je ovo Ured uputio ukoliko zaista nema kako je premijer naveo nema ama baš nikakvog povoda? Toliko, hvala.

Predsjedavajući:

Zahvaljujem. Kolegica Vildana Bešlija ima riječ. Kologice izvolite.

Poslanik/zastupnik Vildana Bešlija:

Hvala predsjedavajući. Jel me čujete? E hvala vam. Ja bih htjela samo postaviti pitanje da li je ovaj broj ljudi koji su odnosno, uposlenika UNSA koji je dat u ovom zbirnom pregledu kada se prešlo na trezorsko poslovanje, da li je taj broj uključen u ovaj gore broj koji se spominje ukupan broj datih saglasnosti prethodne i sadašnje Vlade, jer se radi o nekih 2500 ljudi, pa bih zamolila samo da mi se odgovori na to pitanje. Hvala vam.

Predsjedavajući:

Zahvaljujem uvažena zastupnice Bešlija. Imamo još samo Suljević Samira za pitanje. Pa molim ostale zastupnike da se prijave na vrijeme kako bi mogli evidentirati.

Poslanik/zastupnik Samir Suljević:

Hvala predsjedavajući. Da li se čujemo? Hvala vam. Pa evo imam jedno pitanje za ministricu Glamoč. Iz ove diskusije maloprije koja je vođena očigledno da se pokušava napraviti neka slika da je Vlada šestorke enormno zapošljavala svoje ljude. Koliko se ja sjećam u mandatu Vlade šestorke ministrica Glamoč je bila direktorica Sarajevo gasa pa me interesuje samo da kaže da li je dobila od Vlade šestorke, odnosno tadašnje Vlade dozvolu za upošljavanje, čini mi se 11 ili 14 ljudi. Koliko znam tražila je, dobila je i u svom mandatu sve ih je ona zaposlila. Da li je to tačno ili ne? Molim vas, samo to. Hvala.

Predsjedavajući:

Zahvaljujem uvaženi zastupniče Suljeviću. Imamo li još prijavljenih zastupnika? Nemamo. Molim predstavnike Vlade ili premijera ko će odgovoriti?

Premijer Mario Nenadić:

Hvala gospodine predsjedavajući. Hvala za postavljena pitanja. Evo ja ću odgovoriti na dio pitanja, dio koja su upućena ministrima ili za koja su oni nadležni odgovorit će naravno ministri. Pitanje uvaženog zastupnika gospodina Devića, vezno za mišljenje radnih tijela. Ja ga nisam spominjao jutros od maloprije dok sam pravio uvod u ovu Informaciju jer sam mislio da je ono uz materijal dostavljeno zastupnicima. Mi imamo mišljenje Zakonodavno-pravna komisija od 05.10. koje je reklo da je Zakonodavno-pravna komisija mišljenja da n e postoji pravi osnov za donošenje Zaključka broj:01-04.35283-3/20 od 28.09.2020.godine koji Skupština Kantona Sarajevo donijela na 29 radnoj sjednici na prijedlog klubova zastupnika NiP-a, Naša stranka, SDP BIH, NBL, te da navedeni zaključci nisu u skladu sa Ustavom Kantona Sarajevo i pravnim sistemom Federacije. Drugo je bilo da li su navedeni zaključci u koliziji sa propisima. Ne vidim razloga da po treći, četvrti put to ponavljam jer sam jasno nekoliko puta rekao da su zaključci u koliziji s pravnim sistemom i čak smo citirali propise koje pod ovim uslovima nije moguće primijeniti na predmetna pitanja. Kolika je razlika u broju zaposlenih procentualno. Evo ja nisam izračunao procentualno ali je to 420 osoba manje u odnosu na stanje koje smo zatekli u februaru. Dakle 420 je manje. I to je ujedno odgovor kolegi Konakoviću koji kaže da se nije govorilo o masovnom zapošljavanju. Vi znate da je u uvodu čitavu priču razgovore prilikom donošenja zaključaka 28.09 ustvari bila priča o masovnom zapošljavanju u mandatu ove Vlade i ja sam zato rekao u uvodu da smo mi prikupili podatke na jedan sistemski organiziran način i da smo ih prezentirali sa stanjem kako smo to uspjeli osigurati do jutros. Ujedno je to i odgovor na drugo pitanje također gospodina Konakovića zašto niste smanjili broj zaposlenih u sistemu. Evo 427 zaposlenih je smanjeno, mogu reći također, evo neki su govorili o svom uredu ja nisam htio govoriti ali je jednostavno vidjeti da sam ja za ovih sedam mjeseci u svom uredu imao samo jedan ugovor o djelu i to je gospođa koja nam je vodila finansije u jednom periodu nakon što smo omogućili da jedna kolegica iz Ureda premijera ode u Ured za borbu protiv korupcije kako bi smo ojačali taj Ured. Tako da evo jasno se vidi iza podataka ugovor na neodređeno, data saglasnost, realizirano ništa. Ugovor na određeno nisam imao. Ugovor o djelu privremenim i povremenim poslovima, evo bio je taj jedan za osobu koja vodi finansije jer zato osoba koja je otišla u Ured za borbu protiv korupcije po osnovu eksternog premještaja vodila finansije u Uredu. U prethodnom mandatu je ugovora o djelu i povremenim poslovima u uredu premijera bilo pet datih, pet realiziranih. Ugovora na određeno jedan dat jedan realiziran. Tako da evo i ovo govori da smo svako u svom resoru. Pa evo konačna brojka kaže ipak smanjili ove brojeve u sistemu. Kolegica Kristić me je pitala koji vremenski period smo uzeli. Ja sam to također nekoliko puta u uvodu rekao, u prethodnom sazivu Vlade uzeli smo period od 26.12.2018 godine do 02.03.2020.godine. A u mandatu ove Vlade uzeli smo period od 03.03. od dana kada smo stupili na dužnost. Također je bilo pitanje kako je bivši premijer proveo ovakav zaključak a vi ne možete? Podsjetit ću vas sam i u uvodnim napomenama govorio. Osnovni problem implementacije ovih zaključaka nije problem zabrane zapošljavanje. Jer evo podacima dokazujemo da tih zapošljavanja nije ni bilo a posebno da ih nije bilo masovno kako se to prezentiralo. Znam kako su realizirani zaključci u prethodnim mandatima. Oni su bili puno uži i oni su se odnosili na zabranu zapošljavanja. Mi smo danas najviše akcenat stavili na problem funkcionisanja javnog sektora, ne samo utoliko što nećemo moći zaposliti u Grasu 35 vozača, što nećemo moći zaposliti traženo osoblje na sudovima, nemedicinski kadar u medicinskim ustanova, a u socijalnim ustanovama i ostalo. Nego je puno veći problem što su svezane ruke ne postoje upravljačke strukture koje treba da vode sistem dalje u nekim slučajevima naravno ne govorim da je to pravilo. Također bih odgovorio na pitanje uvaženog kolege Čelika da li je broj izvršilaca manji u Uredu predsjedavajućeg i premijera. Evo on je rekao za sebe. Evo sam i ja odgovorio kroz prethodne odgovore, da jeste manji, nije povećan. Smanjen je za jednu, dvije osobe u oba ova kabineta. Da li je to enormno zapošljavanje i da li ga je zabolila ruka. To je vjerovatno jedan od ovih komentara prethodnih dana na društvenim mrežama. Da to je moj ujedno odgovor. Neko od kolega je spominjao društvene mreže. Nigdje se ova Vlada nije

oslanjala niti je funkcionisala preko društvenih mreža. Mi smo i prilikom pripreme ovih informacija stvarno pripremili ponavljam sistemske podatke, prikupljene, potpisane od odgovornih osoba, od rukovodilaca i ostalo. Tako da ne bih govorio o tome da smo funkcionisali preko društvenih mreža. Odgovorit ću da nismo i da su naši zaključci prezentirani Skupštini iako je bilo prijedloga da se izađe u medije prije ovoga. Ja sam kao evo prvi među jednakima ovoj Vladi sugerisao i istrajao na tome se mi prvo obratio našoj Skupštini a dalje ćemo naravno raditi posao u skladu sa važećim propisima. Također je bilo pitanje uvažene zastupnice Dizdarević komentar na pismo Ureda za borbu protiv korupcije. Na svako pismo iz Ureda za borbu protiv korupcije pa tako i na pismo koje kažu da je bilo određenih, kako reče, nisam u međuvremenu stigao naći to pismo, nedosljednosti ili ostalo. Nije navedeno u kom periodu, imamo mi masu, masu pisama iz Ureda za borbu protiv korupcije. i kako sam reagirao? Reagirao sam kao i svaki put prije toga. To je lako provjeriti. I pozivam naravno i predstavnike medija članove Skupštine neću pozivati jer je to njihovo pravo u svakom trenutku, kako reagiramo i kako reagiram na takve intervencije i inicijative, upozorenja ili bilo šta druge. Onog časa kada mi to u pošti dođe, prosljeđujem članovima Vlade i Vladi Kantona Sarajevo i već nekoliko puta to je rezultiralo dobrim preventivnim aktivnostima o čemu je i Ured za borbu protiv korupcije više puta govorio nakon održanih sastanaka sa premijerom ove Vlade ali i neovisno od toga. I da li je, na kraju je bilo pitanje uvažene zastupnice Kolegice Bešlija, da li je u ovaj broj prezentiranih uposlenih uključen i broj zaposlenih u visokoškolskim ustanovama. Eksplicite je izjava da nije, tako da on ne utiče na ovaj broj. Dakle nije uključeno visokoškolsko u ovaj broj. Imali smo dva pitanja koja su se odnosila na mog kolegu Jasmina i na ministricu Glamoč. Ukoliko imaju potrebu i ukoliko su spremni zamolit ću ih da odgovore. I hvala vam.

Ministrica Nihada Glamoč.,

Pozdravljam još jednom. Zahvaljujem cijenjeni zastupniče Suljević. Ovo pitanje koje ste postavili je sigurno jedno od današnjih pitanja koje najbolje koje ukazuje ovu informaciju koju smo vam i dostavili. Da li sam ja dobila u Sarajevo gasu saglasnost za 11 prijema na neodređeno vrijeme. Jesam. I to je bilo za uposlenike koji su radili 3 godine u Sarajevo gasu. Uposlenici koji su bili neophodni za odvijanje procesa, izuzetno složenih procedura koje se odvijaju u tom preduzeću. Ono što vas ovim putem molimo, dajte i ovoj Vladi priliku da za ona preduzeća koja se nalaze u puno goroj situaciji nego što je Sarajevo gas da im dozvolite da prime radnike one koji trebaju za još teže odvijanje složenih procesa koji su u ovom trenutku. Na ovaj način, niti mi možemo pomoći preduzeću, niti direktori mogu da realizuju procese, a snose odgovornosti koje su im puno nametnute. A ne mogu da odgovore na pravi način. Hvala vam cijenjeni zastupniče na postavljenom pitanju.

Predsjedavajući:

Zahvaljujem cijenjena ministrice. Još imamo ministricu Kusturu.

Ministrica Mersa Kustura:

Uvažena zastupnica doktorica Jasmina Bišćević-Tokić postavila je pitanje koliko je ljudi zaposleno u Ministarstvu pravde i uprave. Misli se samo na Ministarstvo pravde. U periodu aktuelne i u periodu prethodne Vlade. U periodu aktuelne Vlade u Ministarstvu pravde nije zaključen ni jedan ugovor o djelu. U mandatu prethodne Vlade Ministarstvu pravde i uprave popunjena su četiri mjesta državnih službenika. Evo konkretno reći ću koja su to radna mjesta iz našeg Pravilnika o unutrašnjoj organizaciji i sistematizaciji radnih mjesta popunjeno je radno mjesto pomoćnika ministra sektora za upravu, dva viša stručna saradnika za propise, i primljen je jedan državni službenik upravni inspektor. Dakle ukupno četiri izvršioca. Hvala.

Predsjedavajući:

Još ministar Halebić izvolite.

Ministar Jasmin Halebić:

Zahvaljujem. Pa evo bilo je pitanje o procentualnom iznosu broja odnosno broja zaposlenih kada se usporedi august 2020 sa februarom 2020 proizlazi da je oko 9,5% manje zaposlenih koji primaju platu preko budžeta Kantona Sarajevo. Također je bilo pitanje o datim saglasnostima za prelazak zaposlenika UNSA taj prelazak se dogodio putem jednog procesa integracije UNSA, a ne po posebnim saglasnostima. Tako da nije bio ovaj broj zaposlenih UNSA u ovom broju datih saglasnosti niti u jednoj Vladi. Jer su oni i ranije bili naravno zaposlenici, samo se promijenio način isplate plaća. Što se tiče pitanja za Ministarstvo finansija. Evo u ovoj tabeli koja je prezentirana u prethodnom sazivu Vlade ugovori na određeno date su saglasnosti za 14 zaposlenih. Realizirana je 1 saglasnost. Ostale su u različitim fazama realizacije, uključujući žalbeni postupak koji se provodi na nivou FBIH. U mandatu ove Vlade, u mom mandatu data je saglasnost za tri osobe, realizirano nije ni jedna. To su bili podaci koji su se odnosili na pitanja uvažanih zastupnika. Zahvaljujem.

Predsjedavajući:

Zahvaljujem ministre Halebiću. Nemamo više ministara koji bi odgovorili na postavljena pitanja. Prvi za raspravu se javio uvaženi zastupnik Dević Mahir.

Poslanik/zastupnik Mahir Dević:

Zahvaljujem predsjedavajući. Nadam se da se čujemo. Drago mi je da je Vlada Kantona Sarajevo pripremila jednu detaljnu informaciju u kojoj se ponovo vidjelo da su naravno u laži kratke noge, jer po svim parametrima, koje god parametre da uzmete, vidjet ćete da je prethodna Vlada vršila zapošljavanje daleko daleko više od ove aktuelne Vlade. I to bi se moglo na neki način i razumjeti imamo sada evo stanje COVID, padove budžeta i generalno Klub SDA se zalaže, podržava jednu vrstu priče u kojoj treba voditi računa o doziranju da tako kažem budžetskog sistema u Kantonu Sarajevo sa novim zaposlenim. Znači mi nismo kao Kluba za masovna zapošljavanja. Međutim, mi nismo isto tako ni za rušenje ustavno pravnog poretka u Kantonu Sarajevo. Ja sam kao šef kluba upozorio prošli put, a vi znate jako dobro da smo ja i vi predsjedavajući bili optuženi da smo mi za zapošljavanje, uhljebljenje, itd. Naravno moja diskusija je kompletna išla u pravcu a navedeni zaključci nisu u skladu sa pravnim sistemom i Ustavom FBIH i Kantona Sarajevo. Insistirao sam na mišljenju ZKP i potvrdilo se upravo ono što sam kazao. Prije svega u tim zaključcima potpuno se pogrešno se pozvalo na član 117 i član 120 Poslovnika o radu Skupštine Kantona Sarajevo koji govori o potpuno drugim situacijama i ni u kom slučaju ne govore o djelokrugu rada Vlade Kantona Sarajevo. Zna se po kojim zakonima radi Vlada Kantona Sarajevo. I sa ovim zaključcima mi smo na nelegalan način kao Skupština Kantona Sarajevo doveli u pitanje cijeli sistem u Kantonu Sarajevo. Kolega Konaković je zlonamjerno uporedio tri moratorija o zapošljavanju koja su bila donošena. Ovo je najdrastičniji moratorij. I u dijelu koji se tiče kontrole rada uposlenika i prekomjernog zapošljavanja eventualno, podržavam ga. Samo bi se morali dogovoriti onda sami sa sobom da one ugovore o djelu po 1700 KM odnosno u konačnici milion KM su trebali iskontrolisati naravno na kvalitetan način. Skupština Kantona Sarajevo ne može utvrditi obaveze za Vladu Kantona Sarajevo u smislu provedbe Zakona koji definišu njihov djelokrug rada. Znači navedeni zaključci Skupštine Kantona Sarajevo prije svega nisu u skladu sa Ustavom Kantona Sarajevo. U Ustavu Kantona Sarajevo u članu 29 je jasno propisano šta radi Vlada Kantona Sarajevo, a u članu 18 šta radi Skupština Kantona Sarajevo. Prema tome pozivam ove predlagачe ovakvih nelegalnih zaključaka nezakonskih zaključaka da pročitaju šta to može raditi Skupština Kantona Sarajevo a šta raditi Vlada. a naravno pozivam i predsjedavajućeg Skupštine Kantona Sarajevo da svaki puta prije stavljanja bilo kojih zaključaka na glasanje utvrdi i ustanovi, on je za to odgovoran da li su navedeni zaključci u skladu s Poslovníkom. Mi smo prošli put to upozoravali, i nije trebalo zaista trebalo dozvoliti izjašnjanje o ovakvim zaključcima koji su u

suprotnosti evo sada sam kazao sa Ustavom Kantona Sarajevo, također sa zakonom o organizaciji organa uprave u FBiH. Ne može Skupština Kantona Sarajevo narediti Vladi Kantona Sarajevo da radi protiv ovog Zakona. Jednostavno ne može. To je ljudi protiv zakonito, to je sramota za Skupštinu Kantona Sarajevo i ja mislim da mi treba da poštujemo pravni sistem dok se on ne promijeni. Ako želimo postići neke ciljeve u ovom smislu onda mi zaista moramo promijeniti zakone. Zaključcima zakone ljudi ne možemo mijenjati, vi to jako dobro svi znate. Također ovi zaključci su u suprotnosti sa zakonom o ustanovama. Vi znate da je Zakon o ustanovama definisao djelokrug rada direktora ustanova. Također imate konstitutivne akte preduzeća koji jasno propisuju naređuju i čak na krivičnu odgovornost vode uprave tih preduzeća u smislu izbora direktora i izvršnih direktora, odnosno uprava preduzeća. Znači mi se možemo igrati na Skupštini Kantona Sarajevo zaključaka, međutim uvodimo ljude u krivična djela i pravimo jedan pravni haos u Kantonu Sarajevo. Također navedeni zaključci su u suprotnosti sa zakonom o državnoj službi FBiH interne preraspodjele unutar ministarstava gdje nedostaje ljudi zbog potreba ubrzavanja određenih projekata i realizacije svima vam je dobro jasno da su to stvari koje je Zakon omogućio i šta više često puta su vrlo korisne jer se na nekim odgovornim mjestima nalaze ljudi koji često puta u državnoj službi nisu u stanju da odgovore određenoj vrsti zadataka pa su oni koji su u organu uprave dužni da pojačavaju kapacitete da bi se ubrzala realizacija određenih projekata. Također navedeni zaključci su u suprotnosti sa zakonom o namještenicima u FBiH, također sa Uredbom koju ste vi kao šestorka najavili tako pompezno u Kantonu Sarajevo, pa ste postavili onda ove političke supervizore da vam nadgledaju ove političke procese u konkursnim procedurama, hvalili ste tom uredbom u kojoj ste jasno propisali procedure kada se može poništiti konkurs. A onda samo par mjeseci poslije toga donosite zaključak kojim sami sebe derogirate. Također navedeni zaključci su u suprotnosti sa Zakonom o Vladi Kantona Sarajevo, vi znate da Vlada Kantona Sarajevo mora raditi u skladu sa tim zakonom. Također evo čuli smo i od Zakonodavno-pravna komisija da su u koliziji sa Poslovníkom o radu Skupštine Kantona Sarajevo. Jer Skupština je donijela zaključke iz nadležnosti Vlade. Ne možemo mi donositi gospodo zaključke iz nadležnosti Vlade, jer oni su propisani u članu 56 i 57 Zakona o organizaciji uprave u FBiH. Također, Zakon o državnoj službi daje izričito pravo rukovodiocu organa da izvrši preraspodjelu kadrova. Zakon o privrednim društvima je kristalno jasno kazao na koji način se imenuju uprave preduzeća, direktori itd. Znači prekršili smo Ustav, pet, šest Zakona i bilo bi dobro da se dogovorimo sami sa sobom. Ja sam vas slušao u vrijeme i pozicije, tadašnjeg vašeg predsjedavajućeg Skupštine Kantona Sarajevo koji je rekao da će zaposliti svu šehidsku djecu u Kantonu Sarajevo. Pet mjeseci iza toga kada je ova Vlada usvojila Uredbu kojom daje prednost kod zapošljavanja šehidske djece vi tu Uredbu bukvalno blokirate. Razumijem eventualnu potrebu i dobranamjernost da se ovaj sistem kontrolišete, podržavamo da ga kontrolišete, ali gospodo mi kao Skupština Kantona Sarajevo ne možemo dovesti u blokadu cijeli sistem Kantona Sarajevo. Znači sedam dana, pet dana eventualne primjene ovih zaključaka u Kantonu Sarajevo će napraviti takav pravni haos da će nam trebati mjeseci i godine da to uradimo. Mi smo usvojili bili jedan daleko labaviji zaključak i pokazalo se kao vrlo problematičan, ja sam to i prošli put rekao, koji nije bio ni blizu ovako rigorozan kakav ste vi. A posebno indikativno ovo što ste uradili kada je u pitanju Zakon o zabrani diskriminacije. Vi ste potpuno stavili iz političkih razloga, iz političkih razloga ste to uradili naravno, ne bi ste li pribavili sebi novu parlamentarnu većinu, odnosno osnažili je, jer očigledno imate problema, ne znate kako da smijenite Vladu Kantona Sarajevo, pa pokušavate da ukupnitate tu većinu, pa ste onda iz određenih sektora i ustanova izuzimali ove zaključke od zabrane zapošljavanja. Pa pazite onda za vas očigledno nema 12 ministarstava već imaju možda 2, 3 Ministarstva a ovi nek se drugi guše, nek nastane kolaps u cijelom sistemu Kantona Sarajevo. Mislim da je ovo vrlo neozbiljno od strane Skupštine Kantona Sarajevo koja je najveći zakonodavni organ i mi treba nezakonite stvari da stavimo van snage. Konačno ništa Vladu Kantona Sarajevo ne obavezuje da radi po Zakonu i da se pridržava ovakvih zaključaka Skupštine Kantona Sarajevo ali s obzirom da je ovo jedna prije

svoga sramota za Kanton Sarajevo ja mislim da mi zaista trebamo povući ove zaključke koje smo usvojili. Naravno, mi kao Klub nismo glasali za to jer smo rekli da su protuzakoniti i da ne želimo da glasamo za zaključke Skupštine Kantona Sarajevo koji su nezakoniti. Pa valjda prvi mi treba da vodimo računa o zakonitosti zaključaka koje donosimo. Pozivam nas sve zajedno da povučemo ove zaključke, a ukoliko treba ima dodatna neka potreba da se Skupština eventualno informiše o bilo kakvim eventualnim masovnim zapošljavanjima nikakav problem nije da se takva informacija dostavlja. To su direktno ingerencije Vlade Kantona Sarajevo i mi našim zaključcima ne možemo derogirati zakone koji definišu rad bilo koje Vlade a samim tim i Vlade Kantona Sarajevo. Zahvaljujem predsjedavajući što ste mi dali riječ.

Predsjedavajući:

Zahvaljujem se i ja vama zastupniče Deviću. Možete li isključiti mikrofona. Uvažena dopredsjedavajuća Kristić ima riječ.

Dopredsjedavajuća Danijela Kristić:

Zahvaljujem predsjedavajući. Ja ću se prije svega prvo osvrnuti da mi premijer nije odgovorio na pitanje obzirom daje radio analizu detaljno ovih zaposlenja zašto Vlada nije imala vremena da napravi finansijsku konstrukciju da bi se mogao izglasati odnosno izmjene Zakona o visokom obrazovanju staviti član koji je veoma bitan za studente. To mi premijer prije svega nije odgovorio. Drugo je osvrnut ću se na komentare ministrice komunalne pošto me je ona onako prozvala. Krenut ću od početka. Ministrica komunalne privrede je 11.08. dobila dopis od VK gdje je zatraženo odobrenje za primanje 35 radnika NK na određeno vrijeme kojima je u 10 mjesecu isticao ugovor. Obzirom da ministrica nije odgovorila do 21.09 VIK je ponovo poslao dopis gdje je naveo da je sad kasno za raspisivanje konkursa obzirom da nije dobio odobrenje za primanje uposlenika na određeno vrijeme te je zatražio da se tih 35 uposlenika primi na privremene i povremene poslove. Sutradan sam ja na osnovu tog dopisa poslala inicijativu prema ministrici komunalne privrede koji je ona i spomenula u svom izlaganju. 23.09. je ministrica poslala dopis VIK gdje je odobrila uposlenje svih 35 radnika na određeno vrijeme. Tako da ministrici ne treba biti žao za moju inicijativu što neće biti usvojena, ja smatram da ta inicijativa usvojena, obzirom da je odobrila uposlenje 35 uposlenika na određeno vrijeme za koje sam ja tražila inicijativu na povremene i privremene poslove obzirom da nije bilo odgovora ministrice već mjesec dana da se odobri tim uposlenicima da se prime na određeno vrijeme. Također ću ministrici reći da neće postojati problem kod zaposlenja tih uposlenika kojima je odobreno zaposlenje na određeno vrijeme jer u našem zaključku u članu 4. da iz tačke 1 Zaključka izuzimaju subjekti koji su već dobili saglasnost Vlade za prijem uposlenika na određeno vrijeme gdje postoji opasnost da bi zbog započelih poslova u procesu rada isticanjem ili prekidom ugovora na određeno vrijeme mogla nastupiti veće štete za predmetni subjekt. Tako da s tim uposlenjem i konkursom neće biti problema može se raspisati. Što se tiče dijela predsjedavajući što je govorio oko kabineta predsjedavajućeg i zamjenika predsjedavajućeg kako ima jedan ugovor o djelu. Ja ću također potvrditi da ima jedan ugovor o djelu. Ali opaska predsjedavajući da li treba otpustiti šehidsko dijete, mislim da nije na mjestu, već ste trebali postaviti pitanje kako je zaposlena ta osoba i zašto niste drugoj šehidskoj djeci dali mogućnost da dobiju priliku da apliciraju na to radno mjesto. Također su iskoristiti priliku da se osvrnem i oko sistematizacije koja je vršena u kabinetu jer prije svega da kažem da ja nisam obaviještena niti konsultovana oko iste.

Predsjedavajući:

Možete li malo samo da popravite tehniku radi svih građana koji slušaju, evo ja bih vas lijepo molio jer je zaista to što vi pričate nekako nam dolazi u prekidima pa evo ili da malo pojačate glas ili da već učinite nešto da popravite tehniku kako bi se bolje čuli.

Dopredsjedavajuća Danijela Kristić:
da li je sada bolje?

Predsjedavajući:

Jeste, ja vam se zahvaljujem i izvinjavam što sam vas prekinuo.

Dopredsjedavajuća Danijela Kristić:

Osvrnut ću se i što se tiče sistematizacije u kabinetu predsjedavajućeg. Ja kao rukovodstvo Skupštine nisam konsultovala da li uopšte treba da dođe do sistematizacije u kabinetu. Sjećamo da je premijer odgovorio da je sistematizacija izvršena jer je na Vladu došlo da postoji potreba jer je uposlenica koja radi na određenom mjestu u kabinetu predsjedavajućeg bolesna i da je tražila da se premjesti. Ja ću iskoristi priliku da kažem da to nije tačno jer sam došla do materijala koji su bili na Vladi, gdje je navedeno sljedeće kao razlog za donošenje: „U kabinetu predsjedavajućeg i zamjenika predsjedavajućeg Skupštine Kantona Sarajevo došlo je do povećanja obima poslova koji po svom sadržaju spadaju u grupu informaciono dokumentacionih poslova te se ukazala potreba za izmjenom pravilnika o unutrašnjoj organizaciji kabineta predsjedavajućeg i zamjenika predsjedavajućeg Skupštine Kantona Sarajevo. Finansijska sredstva u budžetu Kantona Sarajevo na poziciju Kabineta predsjedavajućeg i zamjenika predsjedavajućeg Skupštine Kantona Sarajevo platu i naknade troškova zaposlenih, namiruju se sredstva za plate i naknade za svaku budžetsku godinu prema popunjenim radnim mjestima a za svako novo upošljavanje neophodno je pribaviti saglasnost od Vlade Kantona Sarajevo. Navedene izmjene i dopune pravilnika o unutrašnjoj organizaciji kabineta predsjedavajućeg i zamjenika predsjedavajućeg zahtijevaju povećanje finansijskih sredstava za plaće i naknade zaposlenih u kabinetu predsjedavajućeg i zamjenika predsjedavajućeg. Tako da možemo vidjeti da je izvršena sistematizacija, da ste dobili odobrenje od Vlade, da nam premijer nije rekao tačne razloge za donošenje ove sistematizacije. Da iziskuju određena dodatna finansijska sredstva i da će to biti jedna osoba koja će biti dodatno zaposlena u našem kabinetu. Toliko od mene.

Predsjedavajući.

Zahvaljujem. Konaković izvolite.

Poslanik/zastupnik Elmedin Konaković:

Hvala predsjedavajući. Nadam se da se dobro čujemo. Moratorij je treći put, nikad niko nije kukao i plakao ko što danas kuka i plače Vlada Marija Nenadića. Niko, ni Zolj. Vrlo interesantno. Ja sam o tom čovjeku imao mišljenje, malo mi je popravio mišljenje ovaj proces koji se trenutno dešava. Ni on nije ovoliko kukao i plakao. Jer kada SDA oduzimate mogućnost zapošljavanja to je ko da vodu ribi oduzimate. Zamislite proces koji vodite a ne možete zapošljavati. E tada se diže sve što se sada diglo, kuka i motika na noge, digle su se različite vrste pritisaka, pisama, peticija za jednu stvar koja je potpuno čista i jasna. Ovaj sistem je nakrcan ljudima. Ima ih viška, odgovorno tvrdim. Ima ih viška, jer sam vodio procese i znam da ih ima viška. Nisam ponosan na period koji je radila šestorka kada je riječ o ovoj temi. Na mnoge druge jesam. Mislim da smo u ovom segmentu mogli više za onih 14 mjeseci i to će biti jedan od osnovnih zadataka nove Vlade. Smanjenje javne potrošnje. Onako kako smo je radili mi a zato me čude danas Halebić i Nenadić u vremenu dok smo zajedno radili u Vladi i znam da njih dvojica znaju to raditi, ali ne mogu kada vam iznad glava sjede stranačke hobotnice sa svojim nalozima i kada vam je sada naredba da poništite zaključak koji ne možete poništiti. Vi ovaj zaključak ne možete poništiti. Ono na šta možete računati jeste naša dobra volja i shvatanje da ima ljudi u sistemu koje smo ovakvim zaključkom stavili u nepovoljan položaj. To su oni koji već rade u sistemu i kojima je potrebno produžiti ugovore za poslove, i to su uglavnom teški poslovi. Njih smo malo uznemirili. I mi ćemo danas predložiti dopunu zaključka ustvari

korekciju zaključka pod ovom tačkom kako bi se ti procesi mogli nesmetano odvijati. Zapravo vi ste ovom tačkom dali ste nam još jednu predizbornu divnu tačku da se prezentira u javnosti ono što vi zaista jeste i da čujemo stvari od vas onako kako razmišljaju vaši šefovi i onako kako vi ne možete sakriti. Slušamo Grabovicu koji priča o šehidskoj djeci danas, ima penzionera dole. Ima penzionera na ugovoru o djelu Grabovica. Čovjeka iz penzije doveo i stavio ga ugovor o djelu. A nama je priča od Devića i Grabovice eto znate ugrozili ste šehidsku djecu. Kako bi h rekao, pruružno i pretužno. Mi smo šehidskoj djeci obezbijedili 5,5 miliona KM za jedan proces preko Službe za zapošljavanje koji će značiti trajno zbrinjavanje jer je sramota da tu djecu držite na ugovorčićima o djelu tri, po šest mjeseci. Taj projekat je prekinut i ja sam o tome govorio. I vi pokušavate te stvari stavljati u istu ravan. Nemoguće je. Mi vam to naravno nećemo dozvoliti ili će se taj projekat odmah ako boga da i vrlo brzo nastaviti jer je to hvale vrijedan projekat koji trajno rješava kompletnu populaciju koju smo 25 godina zaboravili. 25.02. ste usvojili na prijedlog kolegice Bišćević-Tokić moratorij ne puno blaži. Mi smo blaži. Dević kaže eto znate vidjeli smo mi da smo mi pogriješili. Ma niste vi, neg ste vi sada vidjeli da smo vas mi malo izvukli za uši, da nema predizbornog zapošljavanja i neće ga biti. Neće biti predizbornog zapošljavanja jer ovdje sjede ozbiljni ljudi. A relaksirat ćemo propise tamo gdje treba pomoći ljudima u kulturi. Imate nekoliko pozorišta u kojima rade ljudi na ugovoru. Pa postavlja se pitanje zašto toliko godina rade na ugovore, ali evo nećemo njima odmoći. Ima boračke djece koja ravno po Zakonu o dopunskim pravima boraca e sada se vi toka sjetili. Nećemo mi to zaustaviti za one koji su već dio cijelog sistema. Koncept vaš i super je kolegica Kristić. Imali ste vremena pokušali ste da, ponovo vam ja kažem, vi mislite da ne znamo te varijable. Koliko ljudi. Prvo je Halebić to kada je govorio pročitao sa akcentom na razliku od 3240 ljudi. Možete misliti 3240 ljudi. Ne, ne. To su vam ljudi koji su u akademskoj zajednici na budžetu. E sada kada bi vam mi raščlanili koji e to koncept i protok radne snage u samom obrazovanju pa da odmierite februar – februar, august – august, i neke druge jer je to živa materija, jer tu ima na kraju godine tehnološkog viška jer tu ima ljudi na ugovorima o djelu, na zamjenama, eto ima bolesti, ima trudnica i vi se ko fol sada došli igrati tim brojkama a ne možete se igrati tim brojkama. Dakle tačka nije bez svrhe. Nismo mi bili protiv urušavanja ove tačke zato što smo i sami htjeli uz sugestiju nekih ljudi. Pričao sam ja i sa predstavnicima boračkih udruženja, onih pravih, ne onih koji će pred izbore napraviti neki pritisak, pismo, peticiju, i gloficirati bogate generale. Ne tih, nego onih pravih udruženja sa kojima smo se naravno složili da neke korekcije ovdje trebaju. Nenadić je rekao kako mu je jedno eto otišlo pa je jedno primio na ugovor o djelu. Jeste, ta djevojka otišla u Antikorupcioni tim. A kako je moguće da se na sistematizirano radno mjesto primi neko na ugovor o djelu? U kom to segmentu može? I zaboravili ste da je Zolj u kabinet premijera, kada sam ja otišao primio 3 od kojih je trebalo 0. dakle igrate se matematike i matematika vam nije saveznik. Nije vam ona prijatelj. Dakle on je povećao troje u kabinetu premijera, ne treba to troje. Trebalo je 0. onda ode jedno pa se angažuje još jedno. Te su matematičke igrice vama u štetu. Nisu vam ni od kakve koristi. pravite još jednu farsu, kako kaže Dević: moraju se ojačati organi uprave, moraju, oni provode procese. Da li vi ljudi znate da je korona? Da li vi znate da je pandemija? zašto ne kažete da zbog Zakona korona i pandemija niste smjeli nikako zapošljavati nije bilo naravno logike da zapošljavate. Znate li vi da smo mi u javnom sektoru radili, veliki dio na a nismo ni radili. Čast onima koji jesu imali obrazovanje, online nastava šta su nam radile službe u koje niko nije dolazio? Dakle o kojem jačanu organa javne uprave govorite u trenucima kada vam je na birou u FBIH 30 i kusur hiljada ljudi. U kojima vam se 1500 pravnih subjekata u Kantonu Sarajevo i u FBIH gasi. Ide u stečaj. Vi pričate o krcanju javnog sektora i tobože stat će sistem ako se to sada ne popuni. I kao alibi koristite šehidska djeca, borci ovo ono. Igrate se nečim s čim se nije igrati. Ovdje ima potreba da se koriguje zaključak. I ako niko neće evo ja ću ga napisati u članu 1. na kraju onog prvog pasusa kaže se: „još osim onih koji su u radnom procesu već i čiji bi prestanak radnog odnosa mogao izazvati posljedice štetne.”. tako nešto. Napisat ću taj zaključak o predložiti ću ga. Sve drugo da vam se omogući ono što smo mi rekli, a izvrćete i te riječi, da predizbornim skupovima i

obećanjima ljudi kažete njima bit će to u RAD-u, u VIK-u. Još jedna stvar, jel vi kao premijeru ne znate kakvi se marifetluci rade u preduzećima? Kakve se tu diverzije rade kako bi se tamo izmijenili statuti, imenovali izvršni direktori protiv kojih se vode postupci? Vi ko fol to ne znate, ili možda ne znate. Eto ne bi me začudilo da ne znate jer u vašem sistemu ministri su prvi ešalon, potrošna roda, glavne su face direktori koji mogu raditi šta hoće a vi ste dužni da im obezbijedite podršku i čuvate leđa. I često čuvate leđa kriminalu da možda ni sami ne znate. E zato više nećete. Dakle ovdje ste ovo završili. Za ovo što ste vi predložili ne bi smo glasali u ludilu, u bunilu, ali bi smo predložili korekciju zaključka da ljudi recimo u pozorištima, u nekim preduzećima eto tamo ste direktore stavili, da ne stane opravka vodovodne mreže, to mora onih gore 30 ljudi koji kopaju krampaju, oni moraju raditi i dalje. Za takve znamo, e njima ćemo omogućiti da ostanu. Za ostale nećemo i hvala vam za još jedva divan predizborni dan. Hvala.

Predsjedavajući:

Zahvaljujem uvaženi zastupniče Konakoviću. Kolega Nikšić Damir. Izvolite, imate riječ.

Poslanik/zastupnik Damir Nikšić:

Hvala predsjedavajući. Dakle, vrlo slično. Ja sam čuo u ovoj raspravi prethodnoj kao da je ovaj Zaključak u koliziji sa zakonima i neustavan. Međutim ovo maloprije što smo donijeli ovaj Zakon o izmjeni i dopuni Zakona o visokom obrazovanju po meni i nekim ljudima isto tako, u koliziji taj član 1 koji je u koliziji sa postojećim zakonom o obrazovanju. I rekli smo i jedan je od argumenata bio da se taj Zakon bez obzira na sve odnosi radi korone. Međutim kada se radi o moratoriju na zapošljavanje onda komisija i Ustav ne vide nekako tu koronu kao mogući razlog donošenja tog zaključka radi toga što postoje i ekonomske posljedice korone. Ljudi su ostali bez posla. Ovdje se upoređuje period bez korone sa periodom pandemije. I sa periodom post korone, ako to prođe ostat će ekonomske posljedice. Po meni, sasvim je logično da se smanjuje zaposlenost u javnom sektoru, uzimajući u obzir ekonomske posljedice korone. I ja vjerujem da je kojim slučajem situacija obrnuta da je SDA u opoziciji da bi predložila istu stvar i insistirala na istim stvarima. Na istoj toj logici. Ovdje se pozivamo na Ustav FBIH u skladu zakonodavne komisije. Međutim Ustav, koliko se ja sjećam i znam, ne poznaje ni koronu jer mi smo morali proglasiti, nismo mogli proglasiti vanredno stanje jer to nemamo u Ustavu. Mi smo morali proglasiti stanje nesreće tkao da se pitam kako će, jel to Ustavni sud, i sve to kakvo će mišljenje moći imati prema ovim mjerama koje su vanredne mjere ako sam Ustav ne prepoznaje vanredno stanje. Tako da ne znam iako se pozivamo na neke zakone koji ne prepoznaju vanredno stanje jer i sam Ustav ne prepoznaje. Međutim ono što me brine jeste to da se ovdje kada treba da se radi po skraćenim postupcima onda sve prolazi. Onda nije bitna ni komisija ni Zakon, imali smo slučaj na Federaciji da su naručivani respiratori bez tendera, zaobilazio se Zakon. Onda sve može. A kada se kaže da moramo biti oprezni sa zapošljavanjem i opterećivanjem javnog budžeta nakon korone, kako bi izbjegli ovu ekonomsku krizu i ekonomske posljedice korone, onda odjednom se držimo tih nekih Zakona i kada treba sačuvati taj glomazni aparat, koji je ionako već preglomazan, i onako jako puno košta porezne obveznike i realni sektor. Ova čitava mjera ovi zaključci su zapravo jedna moralna obaveza Skupštine da poštujući i taj Zakon o koroni koji je bio, koji je podrazumijevao da nema zapošljavanja da ta ista logika se nastavi nakon korone, jer nam dolaze ekonomske posljedice jer tim više bi morali da pazimo na zapošljavanje i ja se čudom čudim kako za to nema sluha i kako se upravo samo brane neki kratkoročni stranački interesi i predizborni mjere. Koje služe predizbornoj kampanji. Isto kao što u nekim određenim slučajevima prenošenje ispita bezuslovno prenošenje ispita studenata može biti kao neki predizborni paketić tkao se i ovo zapošljavanje može smatrati tim nekim predizbornim paketićem da bi se glasalo za one koji su te uposlili. Mi bi trebali da radimo protiv ove stranačke breze rada, i trebalo bi da depolitiziramo sve te procese a jedna od logika je ta da nakon korone i u korini i naročito nakon korone bi stvarno trebali da razmislimo o tome da ljudima i novim radnicima a koje nećemo imati novca u narednoj godini. Pogotovo ako mi

preuzmemo vlast onda ćete nam ostaviti napakovane državne službe i ostaviti nas u jednoj velikoj krizi koja dolazi nakon korone sa ekonomskim posljedicama. Posve je normalno i logično da se to ne radi, ali vi kao da hoćete kao da znate šta vam se sprema i hoćete da spakujete jednu bombu, nezadovoljstva i da nas ostavite u situaciji bilo koga ko će kasnije preuzeti vlast ostavite u situaciji sa kojom se niko neće moći nositi. Hvala.

Predsjedavajući:

Zahvaljujem kolega Nikšić. Kolega Suljević Samir, izvolite imate riječ.

Poslanik/zastupnik Samir Suljević:

Hvala predsjedavajući. Evo dođosmo danas do jedne teme koja do jutros uopšte nije bila ni planirana. Izgleda da nije većini osim određenim koji su to znali. Zašto ovo govorim. Ova tema koja sada ide pokušava se građanima nametnuti kao svi su oni isti, samo ko više ko manje zapošljava. Maloprije sam ministricu Glamoč pitao, da Vlada šestorke je direktorici Glamoč omogućila mada je mogla pričekati da je htjela mjesec dva da bude smijenjena pa onda sa svojim direktorom da zaposli ljude, ali očito da je Vlada shvatila da je to bilo neophodno i dala dozvolu, nije se vodilo računa o tome da li su to naši ili tako kako kažu vaši. Međutim, želim nešto drugo da kažem, maloprije me kolega Dević bukvalno usmjerio kako ovo sve funkcionise. Kako ja njega shvatim, on reče ovako: on je tražio da se Zakonodavno-pravna komisija sazove i ko tako predsjedavajuća Zakonodavno-pravna komisija Jasmina Bišćević Tokić za jutros u pola devet zakazala Zakonodavno-pravna komisija koja je po mom mišljenju bila bespotrebna i to tako da nema dnevnog reda a dnevni red će se usvojiti na samoj sjednici komisije. Očito pošto je tu od 7 članova komisije 5 iz današnje većine, da su ti isti došli vrlo, vrlo spremni znajući koja će tačka dnevnog reda biti i stavili su taj moratorij famozni na dnevni red i donesen je zaključak što smo kolega Čampara i ja bili protiv uvrštavanja nečega retroaktivnog i smatramo da to nema potrebe. Zašto nema potrebe? Napominjem, prije sedam, osam mjeseci ja sam bio predsjedavajući Zakonodavno-pravna komisija kada su kolegica Bišćević-Tokić i kolega Dević tražili ovaj moratorij za zapošljavanje i prijetilo se svim i svačim kako je to neophodno, kako je to, kako je to ono. Međutim, nije mi jasno navedeni zaključak tada je bio u skladu sa Ustavom, zakonom i pravnim procedurama. Kako je tada bilo omogućeno tadašnjoj većini da naredi moratorij Vladi i to me je pod broj jedan iznenađuje znajući da je kolega Dević vrsni poznavalac Zakona, Ustava, kako može objasniti salto mortale u roku od sedam mjeseci. I moram reći da ova priča o zapošljavanju mislim da je bespotrebna. Mi smo i sami rekli da moratorij mora da ima određene izuzetke, život ne staje. Negdje postoji hitnost da se neko primi, negdje neko ide u penziju, itd. I čuli ste maloprije, saglasni smo s određenim izuzecima, i im ćemo to podržati. Ali moram da priznam da je stvarno kolega Dević gigant, ko mačka, kako god da ga baciš on se okrene i stane. Njemu izgleda treba reći samo dati temu i reći guraj pozitivno ili negativno i on će se snaći. Ja bih molio kantonalnu TV da nađe negdje snimak od prije sedam mjeseci kako su fino zagovarali moratorij, tada nije bilo prepreka ni za šta. Ovo govorim samo zbog toga što me je stvarno kao zastupnika koji je tek ovdje neke dvije godine iznenađuje ta nedosljednost određenih kadrova, ali valjda ću i ja to naučiti da to tako moram. Hvala vam.

Predsjedavajući:

Zahvaljujem uvaženi zastupniče Suljeviću. Kolega Jakupović Vedran, izvolite imate riječ.

Poslanik/zastupnik Vedran Jakupović:

Zahvaljujem predsjedavajući. U početku da naglasim da mi nije odgovoreno na pitanje koje mislim u suštini i najbitnije za cijelu raspravu. A to je da li je ova informacija potpuna i tačna. Ja sam to pitanje postavio premijeru Nenadiću nakon jedne izjave, možete provjeriti u stenogramu, ministricu Kusture, koja je rekla kako ova informacija nije potpuna. Dakle, mi raspravljamo o

nećemu što nije potpuno i što sami ministri u Vladi rekli da nije potpuno. To je dakle o pitanju na koje mi nije odgovoreno. A u svakom slučaju čestitao bih premijeru Nenadiću na ekspeditivnosti. Pokazao je ovim aktivnostima da ustvari kada se nešto hoće onda se i može uraditi na vrijeme i vrlo brzo i efikasno. Pominjali ste i vi predsjedavajući moj status na Facebook da javnost zna da je riječ o mom statusu na FCB uz pitanje da li je premijera Nenadića zaboljela ruka od ovog silnog potpisivanja tih odobrenja za zapošljavanje. Status je bio napisan prije pet ili šest dana. I od tada za pet dana Vlada je uspjela da naredi svim ustanovama preduzećima da dostave tabele sa prethodnim zapošljavanjima i ovogodišnjim zapošljavanjima, i do petka za tri dana su dobili rezultate, tako da za pet dana od mog statusa do danas, uključujući i vikend dobili smo jednu informaciju koju smo onako jutros padobranski uvrsti u ovaj dnevni red. Čestitam Vladi na ekspeditivnosti i na efikasnosti, kada je riječ o nekim stvarima koje njih zanimaju, a to je definitivno zapošljavanje ljudi. Ja lično, intimno nemam nikakvu toleranciju prema stranačkom zapošljavanju, prema porodičnom zapošljavanju, i ne postoji niko ko će me ubijediti u suprotno. Tokom prethodnog mandata Vlade, koji je evo bio doduše ministar kulture u SBB-a ministar Kurić, ja sam predsjedavao, i još uvijek predsjedavam, ali u tom vremenu posebno sam bio aktivan po pitanju kontakata sa ustanovama iz oblasti kulture. I to mogu potvrditi predstavnici svih ustanova iz oblasti kulture. Kao predsjedavajući Komisije za zaštitu kulturno historijskog naslijeđa, insistirao sam na zapošljavanjima ljudi koji su potrebni u kulturi. Evo govorili smo o pozorištu, to su ljudi koji su bili potrebni, neki su ljudi odlazili u penziju. Pozorište nije moglo funkcionirati. Apsolutno sam stajao uz njih i insistirao, evo pomenuo sam Narodno pozorište, ali još mnogo drugih ustanova tu je bilo i da pomenem Muzej Sarajeva. Dakle ljudima trebaju stručnjaci u određenoj oblasti ali ovo što se radi ja bih možda dopunio, nije riječ samo o SDA, ovdje je riječ i o SBB-u posebno, i o toj jednoj ruci, toj zadnjoj ruci koja drži Dom zdravlja i koja je u prethodnih sedam osam godina, ili četiri ili pet, evo da nekoga ne uvrijedim, držala Dom zdravlja. Ovo je ružna riječ ali moram reći da jedna politička partija drži Dom zdravlja i sada vidimo kakva je situacija. Posebno u primarnoj zdravstvenoj zaštiti. Ovu sam digresiju namjerno napravio zato što smo naglasili da se iz ovog moratorija isključuju zdravstveni radnici. Znamo, očekujemo da će nam trebati još zdravstvenih radnika, ali ne na način na koji DF direktor zapošljava domare u Apoteke, a istovremeno magistri farmacije konstanto imaju, dakle govorim o zapošljavanju na neodređeno, domar na neodređeno, a magistri farmacije koji su iznijeli ogroman teret u toku ove pandemije, dobijaju ugovor na određen, pa im se prekine ugovor i dobar dio njih je završio na birou. Govorim o tom načinu zapošljavanja. Evo u ovom slučaju o DF-u i direktoru DF-a, DF-ovom direktoru. Istovremeno svjedočili smo kakav nam je bio VIK, odnosno preduzeće VIK u koji su zapošljavani pravници i ekonomisti a nisu zapošljavani radnici u struci koji su trebali to da rade. I kao što je moj prethodnih Konaković rekao da će ovi ljudi, ja sam pomenuo samo pozorišta, odnosno radnike u kulturi, stručno osoblje u preduzećima koji su neophodni za rad. Evo opet smo pomenuli VIK, imati, apsolutno imati našu podršku. Da kažem da ćemo podržati ako treba i insistirati na izmjeni jednog člana ovog zaključka koji se odnosi na radnike koji su potrebni. U samom dokumentu koji smo dobili priliku da vidimo, ja ću naglasiti ugovore, to je prva tabela u prvom redu, govorimo u ukupnom davanju saglasnosti za zapošljavanje. Dakle ne ono što je neko prije uradio nego ono što ste vi dali i što je dala prethodna Vlada. Znači za sedam mjeseci uključujući i stanje nesreće dali ste saglasnost za 312 ugovora na neodređeno. Prethodna Vlada je dala za 14 mjeseci 453. istovremeno, ugovori na određeni dali ste za sedam mjeseci evo čitam brojku 759, a prethodna Vlada 1339 za 14 mjeseci. Dakle, ako prostom nekom računicom izračunamo vidjet ćemo da ste puno više dali saglasnosti na neodređeno i na određeno vrijeme. Znači ne ono prethodno nego ono što ste vi pokrenuli i što ste dali kao saglasnost. Ja ću se samo osvrnuti na ovu priču gospodina kolege Devića kako Zakonodavno-pravna komisija je donijela eto jutros, kolega Suljević je prije mene rekao, stručno mišljenje koje je donijela doktorica medicine Jasmina Bišćević-Tokić kao predsjedavajući, dakle to stručno mišljenje Zakonodavno-pravna komisija o ustavnosti ovih Zakona. A onda ga nama tumači pedagog profesor kolega Dević. Ja

se ne bih usudio ulaziti detaljno u te stvari. I na kraju, govorim u ime Kluba još minut, jao boli ovo potezanje priče o šehidskoj djeci. Jako smo puno radili tokom prethodnog mandata Vlade na zapošljavanju šehidske djece. 2020 godina agresija završila prije 24 godine, još uvijek je ostalo jako puno djece šehida i poginulih boraca, koji su bili nezaposleni. Da ne govorim o RVI i demobilisanim borcima. I naglasit ću da govorim o svoj šehidskoj djeci, a ne o šehidskoj djeci koja su se morala učlaniti u neku stranku ili koja su morala ući u rodbinsku relaciju sa viđenijim članovima neke stranke. Dakle ono što nas zanima kompletna populacija šehidske djece. Ako bog da nadam se u naredne dvije godine da ćemo potpuno riješiti ovu situaciju. Hvala vam.

Predsjedavajući:

Zahvaljujem zastupniče Jakupović. Kolega Stojanović. Izvolite.

Poslanik/zastupnik Igor Stojanović:

Hvala predsjedavajući. Ja ću se prvo vezati za diskusiju gospodina Devića. Dakle gospodin Dević nam je održao lekciju o kršenju Ustava, o kršenju Zakona, i o tome kako onaj moratorij koji su oni predložili u februaru kada je smijenjena Vlada šestorke nije uopšte toliko rigidan kao što je ovaj. Znači on otprilike kao malo krši Ustav i Zakone a ovaj naš krši katastrofalno. A ja ne mislim kao moj kolega Samir Suljević, da je kolega Dević kao mačka i da se uvijek dočeka na noge. Ima jedan vrlo normalan za ovakvu vrstu ponašanja zove se licemjerje. Kada mislite da vi možete da kršite i da radite šta god hoćete i da okrećete zakon kada je u službi vašeg zapošljavanja, kada je u svrhu vaše neke politike a svima ostalima bi ste to zabranili. To se otprilike zove totalitarizam to vrlo često prelazi u rigidne režime, koje mi ovdje vrlo često imamo i takvi režimi su i zapošljavali posljednjih 25 godina, u sve institucije u Kantonu Sarajevo. Priča o šehidima od strane predsjedavajućeg gospodina Čelika i gospodina Devića, je također jedan dokaz licemjerja i najbolje se oslikava kroz Fond za dodjelu stanova za šehidske porodice i porodice poginulih boraca. Dakle na ovoj sjednici mi imamo ministra Adija Kalema koji će dobiti stan iz tog Fonda a na prošloj smo imali bivšeg ministra iz SDA i vi se sada kao ovdje branitelji neke šehidske djece dok dodjeljujete stanove svojim kadrovima isključivo stranačkim i to tako što ste kroz Fond za šehide i za poginule borce raspisali grant za mlade. A sada se kao borite treba zaposliti šehidsku djecu. Još jedno licemjerje koje je svojstveno za SDA. Vidim da se gospođa Nihada Glamoč, ministrica komunalne privrede javila da kritikuje silna zapošljavanja šestorke. Gospođa Nihada Glamoč je posljednja u Sarajevo gasu kao direktorica koja je zaposlila 11 ljudi i to tačno na odobrenje Vlade šestorke. Nakon toga u Sarajevu gasu više nije uopšte niko zaposlen. Gospođa Nihada Glamoč je smijenjena nakon što je obavljala dva mandata funkciju direktorice u Sarajevo gasu, i to je smijenjena zato što je kršila Zakon o komunalnim preduzećima jer vjerovali ili ne za dva mandata nije uspjela da uredi Pravilnik po kojem će se ograničiti trošenje telefona, benzina i njenog novca za reprezentaciju, pa je onda SDA nagradila tako da danas bude ministrica i da nam pametuje o tome ko se zapošljavao a ko se nije zapošljavao. Dakle vi ste gđo Glamoč dva mandata zapošljavali i to se najbolje vidi iz spiska radnika uposlenika Sarajevo gasa gdje imate između pet do deset istih prezimena jer ste zapošljavali članove familije, jer ste zapošljavali isključivo vaše stranačke kolege i zadovoljavali stranku koja vas je danas nagradila ministarskim mandatom. I zato vas treba smijeniti. I ja ću sve uraditi da vas smijenim po svaku cijenu. Vi gospodine Nenadiću, kao što sam vam rekao na početku vašeg mandata, vi ste prava kamuflaža za sve mafijaške odnose u ovoj Vladi i postali ste kamuflaža za sve ono što se dešava u posljednjih 25 godina jer je SDA konačno našla nebošnjaka da kaže evo vidite, nije to baš tako, imamo mi gospodina Nenadića, koji evo cijene ga svi u svijetu, prava on je odličan pravnik i on će sve ovo da posuši na jedan način a mi svoje ljude ćemo zaštititi i nastaviti ćemo u preduzećima upravo da radimo upravo ono što smo radili svo ovo vrijeme. E vi ste danas gospodine Nenadiću to. Niti vi razmišljate o izjava zastupnika SDA koji pričaju o bošnjačkom novcu, o bošnjačkim preduzećima. Uopšte ne razmišljate o vašoj djeci kako će oni sutra živjeti ovdje u Sarajevu kada ih neko iz SDA krene

prozivati za to o bošnjačkom novcu, bošnjačkim preduzećima. Vas samo zanima da vi kao sjedite tu i da ste premijer i da je sve u redu. I vrlo se dobro kao član SBB-a uklapate da zapošljavate na identičan način kao i SDA što radi do sada i postaje sasvim jasno zašto je vaša stranka i vi zašto ste izašli iz Vlade četvorke. Jer kada se malo podvuče matematika u posljednjih šest godina samo je vaša stranka i SDA bila u Vladi isključivo i zapošljavala. I za vrijeme od 2014 do 2018 kao i u periodu šesterke a boga mi i sada. Eto SDA nije jedino bila u ovom periodu šesterke pa je sada valjda problem. Vi nam kažete gospodine Nenadiću kako je Vlada šesterke puno više zapošljavala od vaše Vlade. Ne uzimate uopšte u obzir da ste vi u doba pandemije trebali da vodite računa o javnoj upravi. A onda nema ni logike, kako to da je Vlada šesterke toliko od vas više zapošljavala a vi sada tražite da se to ponovo zapošljavala jer vam kao nedostaje još više ljudi. Jel to vama normalno. Šta je opravdanje vam za dodatna zapošljavanja nakon ovih silnih kritika vas i vaših kolega iz SDA da je Vlada šesterke toliko zapošljavala. Zašto vam trebaju sada novi. Ustvari ne radi se ni o čemu drugom nego vi tražite da legalizujete nova stranačka zapošljavanja pred izbore. Kako bi SBB uspio da ugrabi još nešto glasova u odnosu na ove koje ste zaposlili. A SDA to svakako već radi 25 godina i samo je sretna što je dobila još jednog partnera u svom stranačkom zapošljavanju. Na kraju u ime Kluba zastupnika SDP zatražit ću pauzu od pola sata kako bi smo predložili zaključke koji će ublažiti određen mjere i omogućiti institucijama da funkcionišu bez ikakvog zastoja kako bi smo popravili ovaj zaključak a nikako ga stavili van snage. Da bi ste ga vi dalje nastavili zloupotrebljavati. Hvala.

Predsjedavajući:

Zahvaljujem. Replika uvaženom zastupniku Stojanoviću – Marić Zvonko. Kolega Mariću imate riječ.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, svi koji pratite na bilo koji način ovaj TV prijenos. Sve vrijeme se suzdržavam da ne reagiram na rekao bih koje kakve diskusije koje nemaju utemeljenje ni u logici ni u zdravom razumu. I sve neki čistunci ovdje, žele se predstaviti upravo tako a evo i kolega Stojanović je sada već prevršio svaku mjeru. Ja razumijem njegove frustracije vezane za SBB i donekle zaista imam razumijevanja i onaj prag tolerancije zaista na velikom nivou ali konstantna pominjanje SBB u ružnim kontekstima kao svojevrsna retorika predizborna nevještom Stojanoviću koji to čini na jedan poprilično primitivni način i pokušava da blati sve što dolazi iz SBB-a. Ja moram reći jednu stvar, ja sam čovjek koji je osjetio taj način kao to radi SDP kada sam bio odgovorni urednik u TVSA kada je poput šicera iz omiljene serije iz prošlog rata Salaš u malom ritu došao premijer SDP i samo zato što nisam bio član niti jedne stranke smijenio me sa te pozicije na jedan perfidan način. I taj upad kao da je došao iz njemačkog Wermaha, volio bih da, a pamte ga svi zaposlenici TVSA i upravo to je bio razlog što nisam bio član niti jedne stranke, on je izvršio egzekuciju na jedan brutalan način. I tada je bila koalicija SDP i SDA. I ne može sada gospodin Stojanović govoriti kako smo mi konstanta a da SDP to nije bio. To je notorna laž. I mi znamo kako je to sve izgledalo. I ja sam na svojoj koži to najbolje osjetio. Zato smatram da je vrlo neprimjereno od gospodina Stojanovića na ovaj način, mi šutimo iz nekog mira, da bi protekla svaka Skupština u nekom tolerantnom tonu ili na bilo koji način, međutim on konstantno zlonamjerno pokušava da uvuče u te prljave igre na prljav i nizak način stranku SBB. To mu ne slaži na čast jer ako budem nastojao i budem nastavio da nabrajam sve te stvari koje su se dešavale, a ja imam mogu vam reći cijeli arsenal svega toga vezano za ponašanje SDP i kada je bio u vlasti i kada je bio u opoziciji. I tu istu sam sudbinu doživio i na FTV. Dakle govorim sve iz ličnih primjera. I bolje je da ne otvaramo ta pitanja jer bojim se da će ostati po strani ono zbog čega smo danas tu i ono što tiče naših građana na koje se eto svi pozivamo. I da završimo ovo. Nisam htio namjerno da se na neki način oglasavam vezano za tu kojekakve kvalifikacije.

Predsjedavajući:
Vrijeme.

Poslanik/zastupnik Zvonko Marić:

Evo još samo jedna rečenica za gospodina Anisa Krivića. Čovjek je rekao ja sam saučesnik u tim devijantnim procesima. Ja sam to prešutio. I želim da prešutim ali za te ljude koji su saučesnici u devijantnim procesima nema sankcija ali se traži krivica ministra Krivića. Hvala.

Predsjedavajući:

Zahvaljujem. Imamo ispravku krivog navoda Nikšić. A neka se pripremi Stojanović za odgovor na repliku Mariću.

Poslanik/zastupnik Damir Nikšić.

Hvala. Prvo bih rekao vi šutite u prvom redu radi toga što odobravate. Ali ovo što je upravo kolega Stojanović i način na koji se obraćao nije ni prljavo ni primitivno jer ovakvi načini su sasvim normalni i u EU parlamentu, i u (nerazumljivo), ako to posmatrate gledate, sasvim je normalno ovako diskutovati, to je demokratski. Delegat, zastupnik iznosi svoje mišljenje ili mišljenje svoje partije ili svoje osobno mišljenje i ima pravo na to. Ja bih samo zamolio da nas se više ne poredi ni šicerima. I prošli put me se poredilo sa Luburićem. E to je primitivno i prljavo. A ovo što je Stojanović uradio je sasvim normalno iznošenje mišljenja, političkog i osobnog mišljenja. Hvala.

Predsjedavajući:

Imamo odgovor na repliku Stojanović Marić.

Poslanik/zastupnik Igor Stojanović:

Hvala. Očigledno da gospodin Marić ima neke nove kriterije za primitivizam isto kao i Dević oko ovog šta je protivustavno, protivzakonito. Gospodine Mariću ja sam apsolutno svjestan grešaka SDP i mi smo na tim greškama učili, trudili se da mijenjamo stvari unutar SDP i dan danas ih mijenjamo, vrlo značajno i one su prošlost u SDP. A vi ste gospodine Mariću i SBB vi ste stvarnost, vi ste realnost sadašnjost, stvorene koalicije koja trenutno radi ovo što radi. I zbog čega smo mi glasali za moratorij čak i neki zastupnici iz vašeg kluba su glasali za ovaj moratorij. Što jasno govori da su i oni svjesni šta se dešava unutar Vlade Kantona. Dakle gospodine Mariću ovu horor koaliciju Petak 13 je kreirao SBB. A ne SDP. I dakle to što sada želimo da donesemo jedan zaključak koji će stati u kraj zapošljavanju, a da li vi to meni gospodine Mariću želite da kažete da je ova koalicija u redu? Da ovo što radi SDA je dobro? Jel vi ovo želite da odbranite sve ovo što se dešava u posljednjih šest mjeseci u Vladi bez ministara sa promjenom pravilnika i statuta, konkretno u Sarajevo šumama i drugim preduzećima kako bi se zaposlili ljudi bez adekvatne kvalifikacije. Hoćete li da mi kažete da je ovo dobro. Izvinite gospodine Mariću ja bih volio da vi budete zastupnik koji će se boriti kao što se ja unutar SDP borim i uspio sam da se izborim za mnoge kvalitetna stvari da se moja organizacija popravi. Ja to isto očekujem da i vi radite a ne ovako da na ovakav način branite svog partnera u kriminalu. Ja ne očekujem to od SBB. Nadam se da to nećete ostati do kraja. Hvala.

Predsjedavajući:

Ja ću dati riječ uvaženom zastupniku Mariću ali kada iskoristim i ja pravo na poslovničku intervenciju.

Uvažen zastupniče Stojanoviću ja vas pozivam ukoliko imate elemenata za krivičnu prijavu za nekoga ko obnaša vlast a dolazi iz SDA ja vas pozivam da to učinite odmah. Odmah to učinite i

prosljedite Uredu za borbu protiv korupcije, Kantonalnom Tužilaštvu i svim institucijama koje se bave ovim pitanjima. A ovako govoriti javno pred građanima koji nas gledaju danas, je mislim neodgovorno s vaše strane ako nemate argumenata. A ako imate argumenata evo ja ću moliti vas i tražit ću da to podnesete krivičnu prijavu, a svakako ćemo se izvinutu a tražit ću od vas da se izvinite svakako svim onim koji obnašaju funkcije a dolaze iz SDA da vi uputite izvinjenje njima. Kolega Stojanović poslije Marića.
Kolega Nikšić poslovnika, ja se izvinjavam nisam vidio.

Poslanik/zastupnik Damir Nikšić:

Zastupnik ima imunitet i ima pravo da iznosi mišljenje i da navodi kakve god hoće navode. Bez da šalje krivičnu prijavu. To smo valjda do sada zaključili. Ja mogu svašta reći i imam imunitet. Što mi je narod, što su mi građani, što mi je baza slala imam imunitet da iznesem to na Skupštini. I ne možemo vako postavljati uslove da se ide da s stvari rješavaju samo preko suda jer mi imao pravo u parlamentu raspravljati o tim stvarima. Pogotovo ako imamo pravosuđe kakvo imamo.

Predsjedavajući:

Ispravka krivog navoda uvaženom Nikšiću. Ja ne mogu tvrditi a vi ako tvrdite da imamo pravosuđe koje ne radi svoj dio posla kako treba ja mogu za sebe kazati da pravosuđe niti želim da se miješam u rad a mislim da radi kako treba.

Poslanik/zastupnik Damir Nikšić:

Ja vjerujem da vama pravosuđe odgovara.

Predsjedavajući:

kolega Nikšiću ja bih vas lijepo molio da se držite Poslovnika sljedeći put ću vam oduzeti riječ. A ako budete upadali u riječ mogu vas i odstraniti u skladu sa Poslovníkom o radu Skupštine Kantona Sarajevo. Kolega Stojanoviću ne možete replicirati Čeliku kada je poslovnička intervencija. Vjerovatno bi trebali pročitati Poslovnik pa dati i vi poslovničku intervenciju. Ispravku krivog navoda možete dobiti ali poslije odgovora na repliku uvaženog zastupnika Marića vama.

Poslanik/zastupnik Zvonko Marić.

Zahvaljujem predsjedavajući. Dakle što se tiče odvjetnika SDP a inače bivšeg člana SDP koji je na onako znamo kakav način napustio tu stranku, znamo ti šizofreni napadi koji su se dešavali. Svjedočili smo.

zastupnik Nikšić govori bez da mu je data riječ pa se ne razumije

Predsjedavajući:

Uvaženi zastupniče Nikšiću ovo vam je posljednja opomena ja ću vas udaljiti sa sjednice Skupštine Kantona Sarajevo ukoliko se budete tako drsko ponašali. Zastupniče Nikšiću molim da se uozbiljite ovo je parlamentarna rasprava a ne ulica gdje treba da dobacujete nekome. Zadnje upozorenje isključit ću vas iz daljeg rada sjednice Skupštine Kantona Sarajevo ukoliko budete dobacivali. Izvolite kolega Mariću imate riječ.

Poslanik/zastupnik Zvonko Marić.

Zahvaljujem predsjedavajući. Međutim ja bih vas zamolio da to ne činite ostavite ga jer je on zapravo oličenje samog sebe i ponašanja Europejac intelektualac koji ovdje traumira zastupnike i zastupnice, urlikanjem izdajnici itd. Ne trebamo o tome govoriti. On se zalaže, vidite koliko je kontradiktoran, u jednom trenutku se zalaže da svaki zastupnik može reći svoje a meni tvrdi da

ja ne upoređujem sa šicerovskom atmosferom kao da ja.

Predsjedavajući:

Kolega ja bih vas lijepo molio da evo ostanete na vašoj diskusiji nakon što završimo imamo poslovničku intervenciju uvaženog zastupnika Nikšića, odnosno prije imamo ispravku krivog navoda Stojanovića. Stojanoviću dajem riječ. Kolega Stojanoviću izvolite.

Poslanik/zastupnik Igor Stojanović:

Predsjedavajući ispravka krivog navoda je vezana za vašu diskusiju pa ne znam da li ću narušiti red. Odnosi se na vas ne na gospodina Marić. Hvala lijepo. Reagovali ste poslovnički predsjedavajući da mi održite lekciju na moju diskusiju ako imam nešto da podnesem neku krivičnu prijavu. E zato je zadužen Ured za korupciju i Tužilaštvo kao što ste i vi u svojoj diskusiji to potvrdili. Ne znam da li znate gospodine Čelik da je BH blok, dakle SDP i Naša stranka zajedno podnijelo Tužilaštvu krivičnu prijavu za slučaj Asim i da očekujemo razrješenje tog slučaja vrlo brzo. Ali to i dalje ne znači da moja uvjerenja i stavovi na osnovu kojeg je i podnesena ta tužba, dakle ja ne mogu da ih iznesem ovdje na Skupštini jer mi to Poslovnik ne ograničava ni u kom segmentu. Ja nisam nikoga uvrijedio nego ne mogu da podnesem da m lekcije drže ljudi koji su vodili procese u Vladi Kantona Sarajevo u proteklih deset godina. A dobro znamo koje su posljedice jer ih danas živimo. Zato vas molim da mi ne držite lekcije ni vi ni gospodin Marić o tome šta se dešavalo u strankama i ko šta radi jer mi to svi vrlo dobro vidimo kao i građani Kantona Sarajevo. Hvala.

Predsjedavajući:

Poslovnička intervencija Nikšić izvolite.

Poslanik/zastupnik Damir Nikšić:

Dakle mi ponavljam, mi imao pravo kao predstavnici da iznosimo mišljenje baze

Predsjedavajući:

Uvaženi zastupniče Nikšiću molim vas da kažete član za koji poslovničkom intervencijom tražite.

Poslanik/zastupnik Damir Nikšić:

Ali nemamo pravo iznositi...

paralelno govore predsjedavajući i zastupnik Nikšić pa se ne razumije

...ovo iznošenje stručno psihološkog mišljenja to ne treba da se dešava ovdje. Na to sam već upozoravao. I to zastupnik Marić uporno radi.

Predsjedavajući:

Kolega Nikšiću ja bih vas lijepo molio da pročitate član 91 sljedeći put kada se budete javljali za poslovničku intervenciju. Kolega Mariću izvolite, ja se izvinjavam zaista. Evo imate riječ.

Poslanik/zastupnik Zvonko Marić:

Nije problem. Imam ja strpljenja dovoljno. Dakle pomenuti odvjetnik sada stranke koja ga je izopćila zaboravlja pri tome da ja imam pravo na dojam. A moj dojam je ono što sam doživio u TVSA. I ja sam samo to iznio. Dakle ne može mi niko uskraćivati tako nešto. Ne bih da repliciram bilo šta što je izrekao jer on zapravo replicirao sam sebi. On to najbolje radi. Nije potrebno da neko drugi replicira kada on govori jer on to učini na najbolji mogući način i replicira sam sebi. A što se tiče kolege Stojanovića kaže da smo mi realnost. Mi smo kolega

Stojanoviću realnost od 2010 to je činjenica. Ali ako vi niste realnost onda se fikcija to je nešto što je suprotno. A ja ne mislim da je to tako. Nego uvažavam i tu stranku i određene ljude koji nastupaju, naravno kao i u svakoj stranci. Ja nisam generalno ne gledam ni bilo šta niti generaliziram ali ono što je interesantno vi ste rekli da smo mi kreatori toga. Nisam baš siguran kolega Stojanoviću. Vi ste svojim ponašanjem i načinom iskreirali poprilično tog ambijenta u kojem su se dešavali ti procesi. Nemojte sa sebe da skidate odgovornost. Ne možete amnestirati sebe za neke stvari. I znamo kako je sve počelo i ja nikada ne volim da se vraćam od početka. Ako vi to želite ja ću vam hronološki poredati šta se dešavalo unutar šestorke i to insajderski ako treba, kao insajder. Ali ne bi bilo korektno. Ja ipak sam uviđavan i imam određene rekao bih prag tolerancije koji vrlo pošten i on je veoma visok. I zato neću reći. Ali ako vi budete insistirali nije nikakav problem. Borim se ja kolega Stojanoviću upravo na način u propalom mandatu vi niste bili, i za mene su govorili da sam opozicionar ali ponekada takvim pristupam me onemogućavate vi da se borim na način na koji bih trebao. Upravo iz tog razloga što svojim nekorektnim istupite pokušavate da bacite ljagu na SBB. Pa nema potrebe. I vršite zamjenu teza. Ni u kom slučaju ja nisam niti jednom pomenuo to je notorna neistina da sam branio SDA. Kada sam to rekao, evo vratite stenogram, pogledajte ali vi vršite zamjenu teza i pokušavate da me predstavite kao odvjetnikom SDA. Ne pada mi na pamet. Ja samo govorim zato što dolazim ispred projekta SBB i sasvim sigurno da držimo do dostojanstva i danas se nismo željeli uključivati u te prepirke pogotovo kada su poslovničke stvari u pitanju jer smatramo da je to bespotrebno gubljenje vremena i na kraju usvojimo Zakon, prvo dignemo halabuku kojekakvu i onda usvojimo Zakon sa jednim glasom protiv ili suzdržanim već odvjetnik bivši član SDP on je bio suzdržan. Dajte da se okrenemo stvarnim problemima i da govorimo o onome što se dešava. Svako ima pravo da iznese argumentaciju ali mjerodavni organi će dati da li je nešto zakonito protiv zakonito. I zato vas molim, evo apeliramo na sve kolege da privodimo kraju sve ovo, a ne da se iscrpljujemo i iritiramo građane. Pa siti su i oni naših predizbornih kampanja i kojekakve demagogije. Hvala.

Predsjedavajući:

Replika Nikšić Mariću pretpostavljam. Kolega Stojanoviću imate pravo još jednom na repliku nakon kolege Nikšića.

Poslanik/zastupnik Damir Nikšić:

Hvala. Vidite predsjedavajući ja sam odvjetnik parlamentarizma, ako niste shvatili do sada. A ne stranke tj stranačke politike. Ne vidim kako do sada ne poznajete razliku između te dvije stari. Ja bih stvarno zamolio ovdje na Skupštini, a zamolio sam prije nekoliko sjednica da kolega Marić svoje kolege u parlamentu odnosno u Skupštini Kantona Sarajevo prestane porediti sa nacističkim zločincima. Izgleda da mu je to prešlo u naviku. Vrlo lošu naviku. Ja protestvujem što zloupotrebljava svoju zastupničku poziciju danas javno poredi sa nacističkim zločincima. To predsjedavajući Skupštine Čelik ne smijete dozvoliti. Ne smijete dozvoliti ja protestvujem. Kao što ste meni rekli da ćete me izbaciti morate na ovo reagovati. To ja neću tolerirati ni na kakvoj televiziji ni na kakvoj Skupštini. Takvo vrijeđanje da se mene poredi sa Maksom Luburićem i da se moje kolege zastupnike pogotovo iz ljevice poredi sa nacističkim zločincima ili fiktivnim likovima iz serija koje predstavljaju nacistički zločin. I to su teške uvrede za neke od nas i molim vas da prestanemo sa ovim pa da nastavimo dalje. Ja vjerujem da se i kolega Marić slaže s ovim. Hvala.

Predsjedavajući:

Evo i ja ću iskoristiti poslovničku intervenciju. Kolega Nikšiću kada ste vi pokazivali na samoj sjednici Skupštine Kantona Sarajevo veliki prst svim zastupnicima ja nisam to primijetio ali su me kolege i kolegice upozoravale na to. Znači nisam želio da talasam da kažem da način na koji ste vi reagovali nije primjer za jednog parlamentarca. A vi cijeneći rad svih ostalih zastupnika i

demokratiju koju cijenite uvažavate i evo ističete mislim da nije primjereno za zastupnika da se na takav način ponaša. Ali evo i radi građana koji nas danas i slušaju pozivam sve zastupnike da se suzdrže od svih kršenja etičkog kodeksa. Imamo Poslovnik. Svi smo dobili zastupnici Poslovnik. U jednom dijelu Poslovnika se spominje i etički kodeks i molim vas da to pročitate i nakon pročitano etičkog kodeksa svima će nam biti jasno kako se treba ponašati. Ne mogu vam dopustiti kolega ja vas lijepo molim da se držite Poslovnika. Ja predsjedavam skupštinom.

Poslanik/zastupnik Damir Nikšić.

Ja sam prst pokazao nakon što me se nazvalo Maksom Luburićem. Pokazat ću ga i sada ..

Predsjedavajući:

Kolega oduzimam vam riječ. Oduzimam vam riječ. Kolega Stojanoviću izvolite imate riječ a vas kolega Mariću molim da isključite mikrofon.

Poslanik/zastupnik Igor Stojanović:

Hvala predsjedavajući. Replika se odnosi na gospodina Marića. Dakle ja ne želim sada da koristim ispravku krivog navoda, ja uopšte nisam rekao da gospodin Marić riječima da brani SDA, riječima da da brani djela SDA. Nisam to rekao. Nego se radi o nečemu sasvim drugom. Zato ću kroz repliku pokušati vrlo mirno da mu odgovorim da gospodine Mariću vi kao predsjednik Kluba SBB branite SDA svojim dizanjem ruku a ne riječima. Nemojte meni molim spočitavati da sam ja doprinio nekom vašem dizanjem ruku jer ja vas ne mogu natjerati ni jednom niti sam ikada pokušao da vas natjeram na bilo kakvo dizanje ruku niti vjerujem da to mogu. I niti mislim da treba da to radi bilo ko kome u Skupštini Kantona Sarajevo. Dakle vi ste vrlo svjesno podigli ruku za rušenje Vlade šestorke, podigli ruku za formiranje ove Vlade, samim tim preuzeli odgovornost za sve procese. I dakle ja vjerujem da se vi borite i unutar SBB.

Predsjedavajući:

Kolega Stojanoviću ja bih vas lijepo molio, imamo ispravku krivog navoda. U skladu s Poslovnikom ja trebam da dam odmah riječ onome ko je i tražio. Kolega Marić ima ispravku krivog navoda kolegi Nikšiću i ispravku krivog navoda Stojanoviću. A vama ćemo dati odmah nakon kolege Marića riječ.

Poslanik/zastupnik Zvonko Marić:

Dakle, prethodnom sugovorniku samo nekoliko stvari. Nije tačno, notorna je istina i to mogu svi posvjedočiti da nikada nisam uporedio bilo koga sa nekim, jedno je upoređivanje sa manicom koji vas asocira na nešto a ne nikako uporedba. Dakle manir je svojstven različitim ljudima na različit način da li pozitivno ili negativno ali u tom datom trenutku taj postupak me asocirao na to. Što se tiče ovog dijela vezano za Maks Luburić, vi znate gledali smo sve snimke, imamo ih i sada, ako treba prezentirati ćemo ih. Čak i neki mediji su to pustili. Nije tačno da je zbog toga to je notorna laž, nego mu se nije dopala moja diskusija u cijelosti moja pa je sve vrijeme pokazivao srednji prst što je odraz njegove nekulture ili kulture. A što se tiče kolege Stojanovića ja mu moram reći, ako je korektan, reći će i priznat će da smo mi glasali kao Klub SBB i svi mi koji pripadamo tom klubu vrlo često i za inicijative koje su dobre, napredne i koje dolaze iz reda iz SDP. Glasamo i naravno za prijedloge iz NIP iz SDA, da nailazimo ponekad na ljutnju ili jednih ili drugih, ili trećih u zavisnosti kada glasamo. To je naša procjena i naša volja. Što se tiče dizanja ruku vezano za rušenje ove Vlade, ja mislim da ta Vlada je poprilično upravo zbog tih nekorektnosti i zbog tog hegemonističkog pristupa zapravo tada urušila sama sebe dobrim dijelom i ako smatram da je imala jako dobrih momenata međutim tako sazio trenutak i naprosto to je parlamentarna demokratija i dešavaju se upravo takve stvari. Pa u Italiji padaju Vlade u žargonskom smislu rečeno svaka tri mjeseca ali nisu ljudi frustrirani zbog te činjenice

kao što su ovdje kod nas u BIH. Hvala.

Predsjedavajući:

Imam ispravku krivog navoda Nikšić izvolite.

Poslanik/zastupnik Damir Nikšić.

Samo zbog zapisnika i sve, dakle ja sam se grohotom smijao kada je kolega Marić govorio to sve, da ispravim krivi navod, i onog momenta kada je on vidio da se ja grohotom smijem njemu i njegovu, dobro, neću sada okarakterisati, onda je on odlučio da pređe granicu i da uporedi mene i ostale sa Maksom Luburićem na što sam mu ja pokazao ne jedan nego dva srednja prsta. I to može da očekuje svaki put kada pređe tu granicu. Tako samo da se zna. A sada ako treba ću mu doći lično tamo u kancelariju da mu pokažem dva srednja prsta radi poređenja sa ostalim tim Šicerima i tako da.

Predsjedavajući:

Kolega Nikšiću oduzimam vam riječ. Počeli ste da vrijeđate zastupnike što nije primjereno niti jednom parlamentu. Kolega Stojanoviću izvolite imate riječ.

Poslanik/zastupnik Igor Stojanović:

Molim vas predsjedavajući ja nikakvu ispravku krivog navoda od kolege Marića nisam dobio osim da je SBB podržavao neke inicijative SDP. Ja nisam ni tvrdio da nije. Dakle nemojte molim vas, vodite računa o tome šta govori kolega Marić i koja je ispravka krivog navoda. Nastavit ću svoju repliku na sljedeći način, dakle gospodine Mariću ne želim da mi se spočitava da sam uticao na bilo kakvu odluku SBB o bilo čemu. Jer ja vas nisam uzeo za ruku, niti podigao ruku, niti bilo kojeg zastupnika SBB kada ste vi to uradili. Ono što je jako bitno je to da dizanjem ruku za sve ono što radi SDA vi u svakom slučaju i ono što dobro radite u SBB na neki način je zasjenjen time što podržavate takve stvari i treba da znate gospodine Mariću da se ne može sjediti na dvije stolice. To što se Vlade mijenjaju u Italiji i ovim zemljama koje nabrajate. Mijenjaju se na osnovu nekih principa ali se ne mijenjaju po tri puta u nekih šest sedam mjeseci kao što to SBB radi. Dakle uvijek ima neki stav i onda kada se ruka podigne za nešto onda se preuzme puna odgovornost. Kao što vi u ovom trenutku dijelite punu odgovornost sa Vladom Petak 13 u svim procesima, zapošljavanjima, izmjenama pravilnika statuta, neimenovanju ministara i svega drugog što krase Vladu Petak 13. hvala.

Predsjedavajući:

Zahvaljujem uvaženi zastupniče Stojanoviću. Ispravka krivog navoda Nikšiću i Stojanoviću kolega Marić.

Poslanik/zastupnik Zvonko Marić.

Zaista mislim da ovo vodi u nedogled ali drago mi je ipak da ste poduzeli tu mjeru ali ovo što demonstrira gospodin Nikšić je ispod svakog nivoa, to je njemu svojstveno. Da li misli gospodin Nikšić da se ja njega plašim. Pa ja sjedim u kancelariji svojoj u zgradi Kantona Sarajevo i nije nikakav problem da dođe da mi to pokaže. I ja ne bježim od toga iako misli da me je zaplašio i takvi kao on, onda se grdno vara. Međutim ovi ispadi ili napadi da ne kažem čega zaista su neprimjereni za bilo kakvu Skupštinu i takvo ponašanje i još evo kaže da mi je s dvije ruke pokazivao srednji prst. Pa jel to dostojanstveno. Je li to kultura? Kakav e to način. Ja znam da vjerovatno ima ljudi koji su zakazali u njegovom odgoju ali ne bih da ih ovom prilikom optužujem za takvo nešto. Ali što se tiče ispravke krivog navoda gospodina Stojanovića, i ja sam rekao čak svaka dva tri mjeseca u Italiji se znala promijeniti Vlada pa nije bilo takvih frustracija. Dakle ne šest mjeseci i zna se kako se to radi i ne znam zašto je to tragično da se ne dešava i ovdje. Ovo je vrlo turbulentno vrijeme, turbulentna zemlja i turbulentno društvo. U jednom

trenutku izgledaju stvari dobro a ja sam jako pojasnio dobro, barem se meni čini, možda me kolega Stojanović nije razumio, možda nije razumio sam pojam hegemonističkog ponašanja ali ne bih, drugom prilikom bih ja to, da ne oduzima vrijeme. Hvala.

Predsjedavajući:

Ispravka krivog navoda kolega Nikšić.

Poslanik/zastupnik Damir Nikšić:

Evo ja nisam htio nikoga da prepadnem to koje moje pravo slobode izražaja i to je dio moje slobodarske individualističke kulture. Ko je lažov a ko je šizofren isto jedna ispravka. Ako se radi o šizofreniji ovdje to ste vi jer sjedite na dvije stolice vječno. Već se sada uvaljujete u novu Vladu Kantona i to dobro znate da radite. Da već sada ove iste ljude s kojima sada sjedite u Vladi i s kojima sada sjedite u većini već ih sada prokazujete sjedite jednom, neću reći čim, na dvije stolice. Znači to je šizofreno ponašanje. A ja sam dosljedan u svojim. Ja sam rekao ako treba ponovit ću uživo svoj stav i svoje mišljenje svoju slobodu izražavanja kada me neko poredi sa nacističkim zločincima. To je moje pravo i ljudsko i lično. Hvala.

Predsjedavajući:

Kolegica Vildana Bešlija. Ispravka krivog navoda kolega Marića kolegice Bešlija ja bih vas lijepo molio samo nakon ispravke krivog navoda vama ću dati riječ a prekinut ćemo sa ovim ispravkama jer je to već kršenje Poslovnika. Kolega Marić imate ispravku i nastavljamo dalje s diskusijama.

Poslanik/zastupnik Zvonko Marić:

Ujedno i da vas upozorim predsjedavajući ja sam mislio da ste mu oduzeli riječ ali ovako nesuvislo obraćanje pred jasnosti i priče njegove opservacije ko s im i gdje sjedi, i na što sjedi su zaista ispod svakog nivoa. Nisu dostojne bilo kakvog parlamentarno života. Zaista to je primitivizam, krajnji primitivizam. Ne dopuštajte takve stvari, on sada vrši analizu ko gdje sjedi s kim sjedi, i on to zna. A znamo. Pa ne znam da li je gospodin Nikšić otišao da vidi gdje je parkirala kolegica Kerla auto i mislim da bi trebao požuriti jer mislim da sam je maloprije vidio u hodniku a ona je morala negdje da parkira auto a to je jedna od njegovih osnovnih zadaća da vidi gdje ko parkira auto. Parlamentarni život je za njega marginalan.

Predsjedavajući:

Dozvolit ćemo još Nikšiću poslovničku intervenciju i zaista nećemo više nikome dopustiti jer ovo ode u krivom smjeru.

Poslanik/zastupnik Damir Nikšić:

Molim vas nemojte me marginalizirati. Molim vas da me se ne marginalizira. To je bila jedna mala šala prije stotinu godina. Ja ovo o čemu sam sada govorio upravo jeste sadržaj jednog parlamenta. A to je parlamentarna većina, smjene Vlade i parlamentarna previranja. I transparentnost tog parlamenta na kojoj ja insistiram. Transparentnost tih procesa. U potpunosti u domenu onoga čime se bavim kao parlamentarac, zato nemojte da pravite zamjene teza neke koje su bezvezne, trivijalne kada sam dotakao tačno znate dobro zastupniče Mariću šta sam dotakao i o čemu se ovdje radi. I to jeste tema i treba da bude tema i treba da bude transparentno ovdje na Skupštini da se o tome raspravlja a ne po kafićima i na kafama. Zato se borimo, to je moja misija.

Predsjedavajući:

Oduzimam vam riječ. Kolegice Bešlija izvolite, imate riječ.

Poslanik/zastupnik Vildana Bešlija:

Hvala predsjedavajući. Pa evo meni stvarno nije jasno na osnovu ove analize koju smo promptno dobili, zašto nisu uključeni podaci iz mjeseca septembra? Vlada se potrudila da obuhvati sve moguće podatke, čak i da raščlani nešto od početka kao 2019 za prošlu Vladu, pa onda navesti da je to tih 15 mjeseci u pitanju, a nekako su sebi uskratili odgovornost na nekih 6 mjeseci. Ne zaboravimo da je sada oktobar. Ne zaboravimo da ovaj broj koji je naveden a tiče se broja uposlenih se znatno, negdje je to stidljivo, čini mi se u jednoj rečenici to navedeno da se znatno razlikuje sa početkom školske godine. Tako da zaista mi nije jasno zašto nisu obuhvaćen svi podaci koji bi doprijenile tome da ova analiza, sigurna sam, izgleda i drugačije. Znači baratamo sa tim ciframa Fortine Vlade za 15 mjeseci, trebali smo to imati spremno i za ovu godinu, a veoma je primjetna razlika u broju zaposlenih koju smo dobili kada poredimo ove dvije Vlade u oblasti kulture. To će možda neke iznenaditi a možda neke i neće jer smo vidjeli kako se ova Vlada u suštini odnosi prema kulturi, prema jednom Muzeju ratnog djetinjstva. Konkretno kada je kultura u pitanju, tu ima vidi se iz ove tabele, vidi se da ima velika razlika u broju potpisanih ugovora o djelu za one koji ne znaju, u kulturi se dosta tih uposlenika, po upravo muzejima i drugim kulturnim institucijama potpisuje ugovorima o djelu. U periodu korone, u ovom periodu to nije urađeno od ove Vlade, pa imamo razliku gdje je prethodna Vlada, Fortina Vlada imala potpisane 1156 takvih ugovora, a ova sadašnja samo 153. kada taj broj od 153 izdate saglasnosti u kulturi je upravo skroman i za mene na neki način nije iznenađujući. Ako čak i prostom matematičkom računicom podijelimo 985 zaposlenih ugovora, završenih, ono što nam je dato u tabeli, dobijemo podatak da se cca ova Vlada u periodu od 6 mjeseci za koje nam je predstavila podatke, zapošljavala 164 osobe mjesečno. Znači ovdje nemamo još septembar. To je ovaj periodu u kojem imamo i koronu. Tako da ja sam sigurna kada bi smo ubacili ove podatke od septembra, a kada bi smo izbili ove podatke koji se tiču ugovora, kada bi smo napravili neku jednaku polaznu osnovu, sigurna sam da i pored svega onoga što je pozitivno uradila prethodna Vlada i nedaća s kojim se susretala da je sigurno ovaj broj Vlade koja je trenutno na vlasti daleko veći. U zdravstvu je Fortina Vlada zaposlila 575 odnosno dala saglasnosti, a ova 473. ustanovama socijalne zaštite, Fortina Vlada je zaposlila 290 a ova vaša samo 63. To također govori o odnosi koalicije Petak 13 kada treba biti posebno socijalno osjetljiv u periodu korone. Ono što mogu još na kraju reći, da ću predložiti korekciju usvojenih zaključaka, a ona se odnosi na ubacivanje psihologa i psihoterapeuta koji su neophodno za oblast mentalnog zdravlja i ta korekcija se odnosi korektno na zaključak broj. 3 koji treba biti dopunjen gdje kao kultura i zdravstvo zapostavljeno a konkretno kada je mentalno zdravlje u pitanju, nije prepoznat uopšte kao poseban problem. I u proteklom periodu i zbog problema uzrokovanog pandemijom, mnogi su ostali bez posla tako da je sugerisano da psiholozi i psihoterapeuti moraju na poseban način biti naglašeni i to je izmjena koju ću predložiti u ovom zaključku broj 3. to je jedina korekcija. I još za kraj da dodam da bi bilo mnogo efikasnije da ste kao Vlada istim se žarom posvetili problemu blokiranog rada kao što ste od ustanova u roku odmah tražili podatke o zapošljavanju, polovičnim analizama kako bi sebi osigurali da nastavite politička upošljavanja pravljenjem predstave za javnost. I to u zadnjim minutama predstave u kojoj ste glavni glumci. Hvala vam.

Predsjedavajući:

Zahvaljujem. Kolegica Jasmina Bišćević-Tokić. Izvolite kolegice imate riječ.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo već smo čuli od našeg uvaženog premijera i naših ministara u principu da sadržaj zaključka nije utemeljen na odredbama Ustava Kanton Sarajevo kojim se propisuje nadležnost Skupštine niti da zaključak Skupštine nije jači od bilo kojeg Zakona koji je trenutno na snazi. Ono što je za mene eksplicite iako kolega zastupnici neki pokušavaju to osporiti jeste da je ova Vlada na čelu sa premijerom zaposlila 9,5% manje ljudi. To ušteda cca

8,5 miliona KM. Naravno oni su ovim zaključkom zabranili prijem u radni odnos, zaključivanje ugovora o radu, sami izmjeni osnivačkih akata, pravilnika i drugog. Ali su zaboravili da su samim tim počinili da kažem jednu diskriminaciju, a to je u suštini osnovno ljudsko pravo, a to je pravo na rad. I naravno eventualne sudske sporove koji bi mogli nastati u tom slučaju. Ministrica Kustura nam je rekla da u Ministarstvu pravde zaposleno 4 državna službenika od prošle Vlade, da ona nije do sada niti jednog zaposlila. Mogli smo čuti od ministra Halebića da nam je rekao da je ministar Kovačević u prošlom mandatu dao 14 saglasnosti za prijem. Da je on imao samo jednu saglasnost koliko sam mogla da ga shvatim. I iz Ministarstva za rad i socijalnu politiku vratit ću se na kraju zato što dobila sam neke podatke koji su iskreno za mene zapanjujući. Kolega Suljević je odbio neku dosljednost SDA ja bih kolega Suljeviću vas pozvala da uzmete stenogram ili da sa svog portala odnosno Facebooka skinete diskusiju koju ste radili u martu, a ticalo se člana 15 Uredbe za poništenje već raspisanih konkursa, koji ste tada rekli da to nije zakonito. Pa ja vas pozivam da budete dosljedni kao što ste prozvali mene i kolegu Devića i da kažete da ste tada i vi diskutovali kao što je kolega Dević rekao da smo i mi vidjeli da smo napravili neke propuste, a članom 15 Uredbe tačno decidno kaže koji su zakonski osnovi gdje se može poništiti javni konkurs. Ne postoji u članu 15 da se poništava konkurs odlukom osnivača kao što smo danas imali priliku da čujemo, nego to je eksplicite i decidno kada se mogu poništiti javni konkursi. Također za poništenje konkursne procedure za imenovanje UO i NO isto također morate imati naravno zakonski i opravdan razlog. Pitanje njihovih razrješenja je također zakonom propisano kao i izbor i imenovanje direktora a imenovanja su regulisana kao što su nam već ministri rekli, zakonom o ministarskim, vladinim i drugim imenovanjima na nivou FBiH. U mandatu prethodnog saziva Vlade Kantona Sarajevo u Ministarstvu za rad socijalnu politiku i raseljena lica i izbjeglice Kantona Sarajevo gdje je bio ministar tadašnji Malik Garibija zaključio 176 ugovora o djelu. Kada su u pitanju ugovori o djelu od marta 2020 godine u ovom Ministarstvu je realizovano 60 ugovora o djelu. Od tog broja 25 ugovora je realizovano po rješenju o imenovanju tima za izradu socijalne karte. A 24 ugovora o djelu su zaključena sa osobama koje su vršili fizičku zaštitu objekata na lokalitetu Gladno polje shodno Zaključku Vlade iz 2017.godine. A samo 11 ugovora o djelu je zaključeno u periodu ove Vlade Kantona Sarajevo. S obzirom da je nako kolega Stojanović žustro raspravljao o kriminalnim radnjama SDA, ja bih podsjetila javnost na nezakonite menadžerske ugovore koje su UO zaključivali s direktorima ustanova iz ovog resora. Pošto sam imala priliku od kolegice Vildane Bešlije da čujem da je ovo socijalno osjetljiva populacija, pa ja sada vas pitam, tim ugovorima direktorima je dat otkazni rok u trajanju od par mjeseci a nećete vjerovati, otpremnine u visini do 12 plata. U socijalnim ustanovama gdje mi tražimo da u Domu Bjelave da se kupe krevetići. Kao i zapošljavanje u ustanovama u kojima su bili direktori. Pa su se neki direktori ugovorima već raspodijelili na neka radna mjesta koje vjerovali ili ne, po tim sistematizacijama nema niti postoji. Kada je riječ o zdravstvenim ustanovama ja se slažem sa kolegama da samo nisu zdravstveni radnici uposlenici u zdravstvu. Zdravstvo ne može se samo bazirati na zdravstvenom kadru, mi smo cjelokupan tim koji mora raditi zajedno i molim vas da ovakve diskriminacije ne pravite. I cijelo vrijeme evo ponavlja se kako smo mi dali DZ jednoj ruci BOSS da Vlada DZ. A sada ja vas pitam NBL ima jednog zastupnika koliko se sjećam, uvaženu doktoricu Amru i stavili smo prof Kulića da bude direktor ustanove DZ. Nekako taj da kažem paritet jedan na prema jedan odgovora kada treba populistički pričati ali kada gledamo u suštini stvari onakve kakve jesu, onda ne postoji kod nas nikakvo ogledalo. Smatram da se ovakve stvari stvarno trebaju korigovati. I ono što ne treba potencirati, odnosno što treba potencirati jeste na Uredbi za zaposlenje za šehidsku djecu, istina je da se šehidskoj djeci dalo zaposlenje na 12 mjeseci sa nekom bruto platom, međutim ova Vlada na čelu sa ministrom Grabovicom je Uredbom osigurala trajno zaposlenje šehidske djece i mislim da sa ovim bi zaključkom oštetili ovakvu populaciju. Ne može zaključak Vlade, još jednom ponavljam derogirati zakone koji su na snazi, pogotovo zakone FBiH. Pravni sistem FBiH. I ja vas molim predsjedavajući da ako i jedan drugi zaključak bude modificiran da ne prođe i vas upozoravam na Poslovnik, član 38.

Zakonodavno-pravna komisija. Zahvaljujem.

Predsjedavajući:

Zahvaljujem uvažena zastupnice Bišćević-Tokić. O tome ćemo svakako voditi računa imamo vaš zaključak od Zakonodavno-pravna komisija koji smo dobili u toku zasjedanja. Imamo repliku uvaženi zastupnik Suljević replika zastupnici Bišćević-Tokić. Izvolite kolega Suljeviću.

Poslanik/zastupnik Samir Suljević:

Hvala predsjedavajući. Imam potrebu da repliciram gospođi Tokić iz razloga jednog. Hvala njoj, ja znam šta sam 11.03. tražio. I dalje stojim na fonu da sve što nije zakonito ne treba da bude usvojen. Moje izlaganje sam bazirao na dvostrukim aršinima jer upravo je gospođa Bišćević-Tokić je bila ta koja je tražila ispred Kluba SDA i moratorij, i pomogao je tu kolega Dević uveliko i vi ste tadašnja većina je uspjela da taj moratorij usvoji. I tada niko od tih zastupnika nije ustao i rekao da to nije u skladu sa zakonom i Ustavom, nije tražio mišljenje Zakonodavno-pravna komisija jer se smatralo da je dovoljno da se nekoliko ljudi koji imaju većinu dogovori da je to tako. Ja ovdje stvarno ne mislim ništa da govorim, opet ponavljam, u smislu toga da branim nešto što je nezakonito. Sve što je nezakonito ne treba da bude prihvaćeno. Ali samo ukazujem na dvostruke aršine koje imaju. Ja sam vjerujte mi, jutros bio izuzetno ljut na ovaj način zakazivanja Zakonodavno-pravna komisija. Moram da kažem znači pozvati članove Komisije na Zakonodavno-pravna komisija i reći da će se dnevni red utvrditi na licu mjesta, a već sve bilo pripremljeno, govori da to nisu čista posla. I stvarno ne smatram da bilo koja komisija može da bude iznad Skupštine. U redu da se to desilo prije Skupštine. Da se tražilo, ko što se tražilo onaj dan kada se zaključak usvajao, hajde da se Zakonodavno-pravna komisija sastane pa da da svoje mišljenje, to je u redu. Ali retroaktivno, zato što je kolega Mahir Dević zamolio da to uradi, za mene je stvarno neprihvatljivo i takav način stvarno ne podržavam. Hvala.

Predsjedavajući:

Imamo Stojanović replika uvaženoj zastupnici Bišćević-Tokić. Kolega Stojanoviću izvolite.

Poslanik/zastupnik Igor Stojanović.

Hvala predsjedavajući. Ma, ne mogu da prešutim zastupnici Bišćević-Tokić ovu neku moralnu lekciju kolegi Samiru Suljeviću. Jer ako bi smo gledali sa te tačke onda bi ona prva trebala da bude ta koja se neće javljati po ovoj tački jer je ona predlagača koliko se sjećam, onog moratorija iz februara tamo. I onda ako sada već spominje silne nepravilnosti, onemogućenje rada institucija i sve ovo što je gospodin Dević govorio o ustavnoj suprotnosti o zakonskim suprotnostima, ovog akta onda bi trebalo malo da vodi računa i o sebi šta je ona predlagala u tom nekom periodu i kako joj je tada bilo normalno da to predlaže a sada joj je sve nekako nenormalno. Međutim nije baš sve tako sjajno gđo Bišćević-Tokić. To najbolje govori i neke presude o nekim smjenama ove Vlade. Vi već imate kroz sudstvo određene presude za neke kadrove koje ste vi smijenili u ovom periodu dok je trajao korona virus, a isključivo se time bavila ova Vlada i već su zanemarene žalbe, odnosno osporeno je pravo nekim od direktora da se žale i sve će to ponovo doći na naplatu Kantonu. Ali to je sve kontinuitet jedne politike od 30 godine koja s ranije dešavala. I dalje, sva ova zapošljavanja zbog čega smo mi skeptici u kojoj mjeri popustiti ovu uredbu je upravo ovaj istorijat i ovo na koji se način ova Vlada u kojoj vi participirate bavi m+smjenama kadrova. I s te tačke moramo jednostavno voditi računa i moramo biti, ako već govorimo, dosljedni, onda gđo Bišćević-Tokić morate i vi dobro povesti računa o dosljednosti. Hvala.

Predsjedavajući:

Zahvaljujem imamo repliku Dević Suljeviću.

Poslanik/zastupnik Mahir Dević:

Zahvaljujem predsjedavajući. Nisam maloprije bio u prilici da repliciram kolegi Stojanoviću, malo je uzrujano govorio. On je u svojoj prirodi da kažem uljudan onako, vodi računa generalno o svom ponašanju. Struje je bilo na neki način nestalo na kompjuteru, ali evo sada sam u prilici. Kolega Suljeviću u dva mandata ove prethodne Vlade i ove Vlade ostao u Zakonodavno-pravna komisija. U jednom momentu je za daleko labaviji zaključak koji je tretirao čisto zapošljavanje pazite, ne ni upravljačke strukture, ne ni direktore preduzeća, ne ni premještanje namještenika, i na svom FCB profilu i u svojoj diskusiji očigledno proglasio neustavnim. Par mjeseci poslije zaključak koji je daleko gori, daleko više Zakona da tako kažem krši, on ga proglašava ustavnim i sada ga čujem da kaže da je trebalo dati mišljenje Zakonodavno-pravna komisije. Ja sam pola sata vjerovatno na toj Skupštini upozoravao i predsjedavajućeg i zastupnike da mi ne smijemo usvojiti to bez stava Zakonodavno-pravna komisije, jer sam znao da je nezakonito to, pa se od toga napravila takva relativizacija od strane kolege Konakovića, kao da je ta komisija potpuno nevažna. I danas imamo stav te komisije da je to potpuno nezakonito. I onda to nazivamo retroaktivnim stavom. Prema tome, evo ja sada insistiram predsjedavajući, bilo kakva sada nova izmjena koju predlože insistiram da prođe proceduru poslovničku na osnovu člana 38. stav 1) Poslovnika i vas molim predsjedavajući da se držite Poslovnika o radu Skupštine Kantona Sarajevo. O toj dosljednosti kolega vi ste napravili grešku. Ja sam bio član ZKP, nisam tada bio na toj sjednici, doduše rijetko sam i dolazio jer ste vi te komisije bili obesmisli generalno. Pa ste me prozivali na Skupštini zato i stalno replicirati kako ne dolazim. Ali vi ste ti koji niste imali konzistentan stav. A o tim zapošljavanjima šta ste vi radili po JP. Evo ja radi javnosti Kantona Sarajevo kažem sljedeće, ovo je čini mi se na osnovu nekih 70, 80% obrađenog uzorka da ga tako nazovem preduzeća u Kantonu Sarajevo. Tvrdim odgovorno da će taj broj biti daleko veći nego što je danas u toku. I vidite, pazite, mi to nismo uopšte problematizirali, čak u pravilu ni poništavali takve saglasnosti jer smo svjesni da sistem treba da funkcioniše. Vi ste krenuli obrnutim redom. Nešto vam to ne ide baš najbolje oko te smjene Vlade Kantona Sarajevo, pa ste vi sada smislili način, odosmo mi napraviti kolaps sistema u Kantonu Sarajevo, napraviti haos u preduzećima, upravama preduzeća, u institucijama, u vrijeme COVID-a u vrijeme dolaska pred zimu, grejne sezone, čišćenja, komunalne privrede pa ćemo mi onda optužiti Vladu. I to optužiti Vladu koja je daleko manje saglasnosti dala za zapošljavanje. i znate šta ima još u tim saglasnostima? Dobar dio tih saglasnosti koje su realizovane su ustvari bile saglasnosti prethodne Vlade. I to nije ništa nenormalno za stanje u Kantonu Sarajevo. Ali na grub način kršiti Ustav i ove zakone, da vam to kaže i premijer koji je bio ministar pravde i uprave, i Vlada, i Zakonodavno-pravna komisija i svi drugi i sada vi kao ne znate da je to nezakonito. I u konačnici ti zaključci će biti apsolutno neprovedivi, pa vi znate jako dobro. Pa ti zaključci mogu napraviti samo haos, pravni haos u sistemu javne uprave u Kantonu Sarajevo. I mi ćemo ovo ponovo morati razmatrati. Vi možete danas to ne usvojiti, možete to oboriti većinom ruku ali vi ćete samo napraviti haos. Ti zaključci nisu u skladu sa zakonom i pravnim sistemom FBiH. A tako ni Kantona Sarajevo. Ministri će se naći pred situacijom da trebaju poštovati vaše zaključke ili zakone. Uprave preduzeća. Zahvaljujem predsjedavajući, evo da ne kršim Poslovnik.

Predsjedavajući:

Zahvaljujem što ste upozorili mene kao predsjedavajućeg, ja ću se kao i dosada truditi da poštujem i Ustav i Poslovnik, stoga nema razloga da bilo ko od zastupnika upozorava da se držim Poslovnika. Ispravka krivog navoda kolegica Kristić Deviću. Izvolite kolegice.

Dopredsjedavajuća Danijela Kristić.

Zahvaljujem predsjedavajući. Pa evo obzirom da je kolega Dević rekao da je zaključak kolegice Jasmine Bišćević-Tokić drugačiji i kako on kaže mnogo labaviji, ja sam evo našla taj zaključak i sada ću da ga pročitam. Znači Član 1 je identičan kao naš. Član 2. koji se spori kod nas glasi kod kolegice Bišćević-Tokić ovako: „Obavezuju se javni subjekti iz tačke 1. zaključka da ponište javne konkurse za prije u radni odnos koji su u toku, kao i da obustave prijem u radni odnos bez konkursa a sve prema ranije dobijenim saglasnostima nadležnog organa”.

Pod 3. #Zabranjuje se javnim subjektima iz tačke 1. zaključka donošenje novih ili izmjenu i dopunu postojećih pravilnika o unutrašnjoj organizaciji i sistematizaciji radnih mjesta ili drugih akta kojima se reguliše pitanje sistematizacije radnih mjesta kao i interna premještanja zaposlenika unutar ustanova preduzeća, organa uprave i ministarstava”.

Član 4. „obavezuje se Vlada Kantona Sarajevo, NO i UO; ovisnosti od nadležnosti, da ponište konkursne procedure i obustave daljnju proceduru izbora i imenovanje direktora i članova uprava javnih subjekata iz tačke 1 zaključka koji su u toku.”.

evo samo da pročitam zaključak koji je potpisan od strane vas predsjedavajući usvojen je 25.02.

Predsjedavajući.

Ispravka krivog navoda kolega Dević dopredsjedavajućoj Kristić. Izvolite kolega Deviću.

Poslanik/zastupnik Mahir Dević:

Naravno ja sam u svojoj diskusiji prije nekoliko dana kazao da su se pokazale sve slabosti tog zaključka. I on ima četiri člana i kod vas ima 8. i rigorozniji je još duplo od ovog koji se pokazao kao da nije dobar. I to sam ja u diskusiji prvoj rekao i rekao sam i danas. I vi umjesto da ispravite te uočene nepravilnosti, vi pravite troduplo gore nepravilnosti. Ništa ja nisam drugačije rekao od toga.

Predsjedavajući:

Ispravka krivog navoda dopredsjedavajuća Kristić Deviću.

Dopredsjedavajuća Danijela Kristić.

Pa naš zaključak ima 8 članova zato što smo stavili isključenja koja ste vi naknadno i vidjeli smo da je bilo problema i da trebaju neka isključena. I mi smo u naš zaključak odmah stavili ta isključenja kao i određena upošljavanja na određeno vrijeme koja su odobrena od Vlade kao što možete vidjeti. Mi smo kroz ta naša dodatna 4 člana samo pojednostavili taj zaključak. A vi ste maloprije rekli da je vaš labaviji što bi se reklo zaključak , i da niste išli sa blokiranjem da se rade sistematizacije, da se imenuju UO i NO, da se spriječi razrješavanje, a upravo to evo sada smo vidjeli zaključkom da jeste. Toliko.

Predsjedavajući:

Ispravka krivog navoda Dević kolegicu Kristić.

Poslanik/zastupnik Mahir Dević:

Ako sam vas dobro čuo kolegice znači u našem zaključku nije bilo obustavljanja imenovanja upravljačkih struktura preduzeća koje će dovesti do potpunog kolapsa. Mi smo u tom zaključku spomenuli imenovanje direktora a vi obustavili i upravljačke strukture tih preduzeća. Također ste te zaključke proširili i učinili ih još rigoroznijim nego što smo to mi uradili. Naravno, ja sam vam rekao iz iskustva da su se pokazale slabosti tih zaključka. a sreća je bila naravno da je ova nova Vlada na čelu imala pravnika pa se izašlo na neki način iz te situacije. Ukoliko se primijeni ovo što ste vi rekli vi ćete vidjeti haos u Kantonu Sarajevo u roku sedam dana i naravno mi tada nismo imali ovakve stavove ni vaše Vlade o tim zaključcima, a mogli ste ih dati, nismo imali stavove ni Zakonodavno-pravna komisija koje ste mogli tražiti, to što vi niste tražili te stavove i što niste to na adekvatan način obrazložili, da to nije u skladu sa zakonom, to je druga vrsta

priče. Mi smo to uradili da vam otvorimo oči i da objasnimo. Da 18 ruku ne može biti važnije, ni bilo kakav zaključak tih 18 ruku ne može biti od trenutno važećeg pravnog sistema i Zakona koji su na snazi ni u kom slučaju važniji. Znači ne može. Može napraviti pravni haos. I mi evo upozoravamo na to, evo cijelo vrijeme pokušavamo da vam objasnimo. Naravno vi to spinujete kao da je to neko masovno zapošljavanje. Pa onda vidimo u tom masovnom zapošljavanju da ste vi napravili duplo gore od ove trenutne Vlade Kantona Sarajevo.

Predsjedavajući:

Zahvaljujem kolega Deviću. Odgovor na repliku kolegi Stojanoviću, kolegica Bišćević-Tokić. Ja se izvinjavam kolegice što ste čekali, izvolite imate riječ.

Poslanik/zastupnik Jasmina Bišćević-Tokić:

Predsjedavajući ja sam svoju repliku povukla.

Predsjedavajući:

Zahvaljujem uvažena zastupnice Bišćević-Tokić. Molim da isključite mikrofona. Kolega Vreto Elvis.

Poslanik/zastupnik Elvis Vreto:

Hvala predsjedavajući. Vežano za zahtjev, odnosno informaciju i zahtjev Vlade da se povuče moratorij, ja sam apsolutno protiv. Ja sam stava da moratorij djelimično koji će biti predmetom stalnog revidiranja u zavisnosti od realne potrebe i stanja u javnom sektoru je potreban i da je na snazi uvijek. Smatram da ovo što se govori i spominje haos ili pravo na rad ili zapošljavanje, da podsjetim da je haos po tom pitanju u jednom dijelu zapošljavanja sigurno prisutan. Ne želim reći da je kompletno zapošljavanje u proteklih 20 godina funkcionisalo na takav način ali želim da kažem da je određeni procenat, desetine procenata možda uzrokovalo ove probleme u kojima smo mi danas. Dalje, kaže pravo na radi zapošljavanje. To nije ekskluzivitet samo javnog sektora i budžetskih korisnika. Valjda pravo treba obezbijediti svakom građaninu i mogućnost da je ravnopravan da se ravnopravno tretira prilikom tog zapošljavanja. Ja zaista mislim da nama su zapošljavanja neophodna ali ona koja su u budućnosti racionalna, efikasna, i svrsishodna. Sve drugo, zloupotreba takvih stvari nas je dovela u ovu situaciju u kojoj jesmo. Ovaj moratorij je potreban, ja ponovo ponavljam, potreban je dugoročno da je na snazi, uz određene izmjene prilagođavanje stanju i upravo ovim korekcijama kao postoji nešto što je ipak on dotakao a što ne može čekati i neophodno je odblokirati da se određene izmjene urade i da se ti procesi odblokiraju. Ali samo oni koji su realni i ponavljam, efikasni i svrsishodni, da bi sistem funkcionisao a ne da ovdje pričamo isto ko mala djeca, ko da građanima nije poznato šta se dešava u javnom sektoru i kako se vrše zapošljavanja budžetskih korisnika. Ponavljam ovaj procenat, pad desetina posto koji se dešavaju i koju je štetu nanio kompletnom sistemu i koje dugove i dubioze imamo i sada mi ovdje vodimo rasprave kako evo neko je u pravu a neko nije. Ja se slažem s kolegom Konakovićem, i šestorka, ja sam bio kritičar bio toga kod Nacrta budžeta za 2020 godinu greška je bila, nije se smjelo desiti da imamo veći broj uposlenih nego u prethodnoj godini. I to treba ispravljati. Međutim ne mogu godinu dana šestorke staviti pred teret kao što je vlast na čelu s SDA radila 20 i nešto godina. Mi se moramo ovdje vratiti na fabričke postavke, i ponovo ponavljam, pandemija je možda u jednom segmentu zaista Vladi otežala i to je sigurno, ali joj je pomoglo kod ovog vida zapošljavanja i zato je možda statistika ovakva. Bojim se, nemamo tih parametara, ja ne bih želio da prejudiciram, da je normalno stanje bilo kakvi bi danas bili podaci. Ili da nismo ukazali u usvojili ovaj moratorij, kakvi bi bili podaci za naredna tri mjeseca. To je pitanje, to je suština zašto se moratorij uveo. Zato što se vrši zloupotreba, zato što se godinama i kroz izborni ciklus svaki rade lažna obećanja na koje nažalost građani nasjedaju a u principu njih 1% od obećanog bude zaposleno u tom javnom sektoru. Tužno je da mi imamo sistem gdje nam je javni sektor najbolji poslodavac umjesto da

radimo svi zajedno na racionalizaciji javnog sektora, kako bi oslobodili i ojačali privredu i tržište i ideje mladih ljudi i inovacije podršku njima dali i usmjerili kako bi taj sektor nadjačao javni i da ljudi u budućnosti se više žele zaposliti u privatni sektor nego u javni. Na žalost, tako je kako jeste, ja se nadam da će se promijeniti. Ja sam zagovornik moratorija koji će biti djelimični, koji će biti non stop na snazi dok se ovo stanje u sistemu ne sredi. Naravno, podložan revidiranju u zavisnosti od realne potrebe. Toliko hvala, i ja se nadam da ćemo određenim korekcijama eliminisati ove neke prepreke koje postoje, koje su realne ali da moratorij sigurno nisam za to da se povuče. Toliko hvala predsjedavajući.

Predsjedavajući:

Zahvaljujem uvaženi zastupniče Vreto. Evo i ja ću iskoristiti poslovničku odredbu ispravku krivog navoda. Pa evo podsjetiti ću vas da ste vi tada bili član političke partije koja je zaposlila nekoliko ljudi pa između ostalog bliskog rođaka ili sestru ili brata u KJKP RAD pa smo čuli od ministra tadašnjeg da je provedena konkursna procedura, da je sve u skladu sa zakonom i na kraju da je to magistar ekonomskih nauka. A sloboda za zapošljavanje kaže, i vi ste se dotakli toga, zar mislite da nema u Kantonu još magistara nauka koji su vrhunski koji nisu mogli biti primljeni na to radno mjesto? Bojim se zaista da ova diskusija, vaša i svih ostalih prethodnika vodi tamo gdje ne bi trebalo zaista. Ako imamo egzaktno podatke koje je pribavila Vlada do danas, napominjem do danas, da je nešto o čemu trebamo razgovarati a ne baviti se populizmom. Kolega Suljeviću ja vam se zaista izvinjavam nismo vidjeli da ste imali odgovor na repliku uvaženom zastupniku Deviću, stoga dajem riječ uvaženom zastupniku Suljeviću, replika Deviću.

Poslanik/zastupnik Samir Suljević:

Hvala predsjedavajući. Puno je ovo otišlo u jednom krivom smjeru, ali sam imao potrebu da gospodinu Deviću repliciram. I ovo što danas radimo je s jedne strane ružno.

Predsjedavajući:

Ja se izvinjavam uvaženi zastupniče Suljeviću, imamo ispravku krivog navoda, po Poslovniku ja moram dati uvaženoj zastupnici Bešliji riječ. A kolega Vreto vama ne mogu dati riječ zato što na ispravku krivog navoda ne možete replicirati. Možete samo koristiti poslovničku odredbu ili ispravku krivog navoda ili poslovničku intervenciju. Kolegica Vildana Bešlija, ispravka krivog navoda Čelik.

Poslanik/zastupnik Vildana Bešlija:

Tako je predsjedavajući. Upravo ste rekli jednu neistinu. Ono na šta sam ja upozoravala u svojoj diskusiji a to je da su ovo malo frizirani podaci. Znači vi ste rekli da imamo podatke zaključno s današnjim danom. To je apsolutno netačno, mi čak nemamo ni septembar ovdje. Mi imamo podatke onako kako je to vama odgovaralo, bez zaposlenih nastavnika i svih ostalih koji imaju produženje ugovora u septembru. Znači nemamo realnu situaciju. Ovo što ste pokušali da podmetnete ne ide vam. Nije tačno. Zato sam se javila. Nemamo podatke koji su relevantni i koji odgovaraju trenutnoj situaciji. Hvala vam.

Predsjedavajući:

O tome će Vlada odgovarati ako nije dostavila. Sada imamo repliku uvaženog Suljevića da nastavi kolegi Deviću. Ja se izvinjavam ponovo kolega Suljeviću vama imate riječ.

Poslanik/zastupnik Samir Suljević:

Hvala predsjedavajući. Pa pošao sam da kažem da je ovo otišlo u krivom smjeru. Šta će jedan

građanin Sarajeva ili gledalac koji gleda ovu našu diskusiju pomisliti, vidi oko čega se oni svađaju, ko je koga više zaposlio i ko je više kršio Zakon. Ja stvarno želim da kažem i pozivam svakoga, evo i kolegu Devića ako smatra da nešto ima, Samir Suljević nikoga nije zaposlio i nije učestvovao u bilo kakvim aktivnostima vezano oko zapošljavanja. Ali me boli i moram da odgovorim danas o ovom moratoriju četvorke o kojem je riječ, kolega Dević isto kao da ima permutaciju fraza. Stalno govori kako su to neke protivustavne, da nije u skladu s pravnim procedurama i sve krupne izraze a onaj moratorij koji je u istom fonu bio kao i ovaj, naziva da su to neke slabosti. Ja bih sada samo zamolio gospodina Devića da mi odgovori da li je moratorij iz trećeg mjeseca, koji je gospođa Bišćević-Tokić predložila, a vi usvojili, da li njega smatra protuustavnim i da nije u skladu s pravnim procedurama? Ništa više. I neću se više javljati po ovoj temi. Hvala.

Predsjedavajući:

Zahvaljujem uvaženi zastupniče Suljeviću. Imate odgovor na repliku. Također poslije replike vama, kolega Dević ima repliku zastupniku Vreti. Izvolite kolega Deviću.

Poslanik/zastupnik Mahir Dević:

Zahvaljujem predsjedavajući. Znači ovdje se ne radi uopće o moratoriju na zapošljavanje. Ovdje se radi o blokadi cijelog sistema i ustavno pravnog poretka u Kantonu Sarajevo. Mi ovdje govorimo o upravljačkim strukturama preduzeća, govorimo o direktorima KJKP koje vi ovim zaključkom stavljate 90 dana u najboljem slučaju u probleme. Znači gospodo, mi kada smo donosili taj zaključak, on je otprilike na snazi bio nekih sedmicu, do 10 dana čini mi se. Pitajte Fortu kako mu je izgledalo tih 7 do 10 dana te vlasti. Znači ako imate ruke i u stanju ste da promijenite Vladu Kantona Sarajevo uradite to bez ikakvih problema u jednoj demokratskoj proceduri kako se to radi, dovedite novu Vladu, novog premijera i nastavite raditi. Ovo na ovakav način napraviti će pravni haos u Kantonu Sarajevo. Znači to je ono što cijelo vrijeme vam se pokušava objasniti. Zaključke koje smo mi tada predložili nisu bili sjajni ali nisu bili ni ovako rigorozni kako ste ih vi predložili. I vjerovatno bi se moglo kazati da nisu bili na neki način usklađeni i sa zakonskim propisima ali se trudilo, gdje god se moglo da čak i one zaključke koji su bili zakomplikovani da se poprave kroz Vladu Kantona Sarajevo da se ne bi napravila šteta. I prenešeno vam je to iskustvo i rečeno da to nije dobro a vi pravite još gore. I to pokušavate da spinujete i pravdate nekim masovnim zapošljavanjem a onda kolegici Vildani Bešliji treba objasniti zašto nema podataka za septembar. Jedino ako ste vi ranije platu dobili kolegice za septembar, pa vam se treba objasniti kada bude plata za septembar a ona bude poslije 10 u mjesecu da ćete imati te podatke. Evo ja vam najavljujem sigurno da će vam ti podaci biti daleko gori. Daleko gori će vam biti dok vam dođu ostale institucije. Ako sam dobro razumio došlo je oko 90 institucija. U ovim drugim kada vam dođe bit će vam stanje još gore od ovog sada kako izgleda. I vi uporno pravite cijeli dan zamjenu teza. Znači ne radi se uopće o moratoriju eventualnog prekomjernog zapošljavanja. Ovdje se radi o problemu da dovedite cijeli sistem u blokadu: Ministarstva, organe uprave, preduzeća, KJKP, itd. Vi treba da budete svjesni da na nezakonit način ćete napraviti pravni haos u Kantonu Sarajevo. To je ono na šta vas upozoravamo. I ne može biti važnije 18 nezakonitih ruku od Zakona trenutno važe u FBiH. Hvala.

Predsjedavajući:

Zahvaljujem. Imamo ispravku krivog navoda kolega Vreto. Nakon kolege Vrete imamo ispravku krivog navoda kolegica Bešlija Deviću. Poslije toga imamo poslije ispravki krivih navoda imamo repliku uvažene zastupnice Bišćević Vreti. Kolega Vreto izvolite, imate riječ, ispravka krivog navoda.

Poslanik/zastupnik Elvis Vreto:

Hvala predsjedavajući. Ja se bojim da se nismo razumjeli ili se nismo slušali. Ja sam u svojoj diskusiji bio vrlo precizan i jasan rekao sam stvari, kao što sam i rekao da određene stvari kroz ove zaključke u ovom moratoriju treba ispraviti onako, one koji su neophodne da sistem ne bi trpio. I to je jedino što imam da vam kažem. Mislim da ste slušali moju diskusiju da ste se posvetili, sve ovo što ste i naveli kao primjedbu bi jasno mogli iščitati.

Predsjedavajući:

Kolegica Bešlija Vildana. Izvolite kolegice.

Poslanik/zastupnik Vildana Bešlija:

Hvala predsjedavajući. Ispravka krivog navoda se odnosi, a to me možda kolega Dević nije stigao da pročita s obzirom kada smo dobili materijale, a kao što rekoh Vlada se nastojala na neki način potruditi da izanalizira iz ugla koji njima odgovora. Znači nije tačno da sam se vodila samo tim podatkom i nema to veze s primanjem plate na kraju septembra ili ne. Ako i to sigurna sam da su dostavljeni već spiskovi. Ali nema veze s tim. Vi imate ovdje na jednoj stranici vrlo pregledne uporedne zbirne podatke gdje kaže trenutni saziv Vlade pa kaže ovako prethodni saziv Vlade a pa ispod tabela ima ukupno datih saglasnosti, ukupno realizovanih saglasnosti i ukupno penzionisanih lica. Znači plata je nešto je realizovano ako i to ste htjeli na to da aludirate, a ono što je data saglasnost je nešto za šta se očekuje, nije do kraja realizovano. Znači ja opet tvrdim da ovo nisu potpuni podaci i da se na ovakav način ne može raditi analiza. Ako smo trebali da imamo prave podatke, ako ste htjeli da uradite pravu analizu onda ste trebali uraditi s tog aspekta a da ne pričam o čitavim sektorima koji su zapušteni tokom vaše vladavine. Posebno sam naglasila kulturu koja je zaista, tu se tiče preko 1000 imate ugovora, vi ste skromnih 153 sklopili. Zaista sramno. Hvala vam.

Predsjedavajući:

Ispravka krivog navoda Dević. Izvolite imate riječ.

Poslanik/zastupnik Mahir Dević:

Kolegice ja i vi se slažemo da ovi podaci nisu potpuni. Ali ono gdje se ne slažemo je sljedeće: ja mislim da će vam ti podaci u konačnici biti još gori od ovoga što vam je sada prezentirano. Jer vam je premijer lijepo rekao, odnosno ministrica pravde, čini mi se da je 90 ustanova to dostavili, još 30 – 40 nije dostavilo. Znači to stanje može biti samo gore, po Vladu vašeg premijera Forte. To je pod 1 a pod 2 ne znam kako da vam objasnim da podatak za septembar možete dobiti tek kada bude septembarska plata. Septembarska plata će biti u oktobru, pa sam vas zato pitao da niste ranije vi platu dobili. Zato ste dobili podatke iz augusta, mislim, ne znam kako da vam to objasnim. Znači o tome se radi. Ali će vam ti podaci sigurno biti još gori, ne mogu nikako biti bolji jer fali 30-40 institucija koje nisu dostavile te podatke.

Predsjedavajući:

Ispravka krivog navoda kolegica Bešlija Deviću.

Poslanik/zastupnik Vildana Bešlija:

Znači upravo je kolega Dević sam sebi replicirao i sam sebe ispravio. Izostavio je jedan bitan segment zbog kog sam se ja i javila. Mi se ne slažemo kolega Deviću. Ne slažemo se. I ne vjerujem uopšte da e možemo u nekim situacijama složiti. Znači vi ste svjesno rekli, vi ste to rekli da to ima veze, sada kažete da to nema veze s tim da se mi slažemo u nečemu. Ne slažemo se, nije uopšte tačno. Znači ima razdvojeno kao što sam i rekla. Ukupno datih saglasnosti, ima

realizovane saglasnosti. I vaše paušalne ocjene da li će to biti gore ili lošije, nikako nisu zasnovane na činjenicama o kojima ja govorim. Hvala vam.

Predsjedavajući:

Kolega Dević ispravka krivog navoda kolegici Bešliji. Izvolite, kolega Deviću imate riječ.

Poslanik/zastupnik Mahir Dević:

Evo pokušavam da budem učtiv, ma nije uopće važno na kraju krajeva kolegice da li se ja i vi slažemo ko neke stvari. Ovdje su podaci egzaktni i neumoljivi. Ja ponovo, vrlo odgovorno kažem da će vam ti podaci biti daleko gori i pokušao sam da vam objasnim jer stalno ponavljate zašto je to za osmi mjesec a nije za deveti. Pa vam kažem da es to radi analiza u Ministarstvu finansija na osnovu plata ali ne mogu da vam to objasnim. Eto ako se zbog toga ne slažemo, OK je. Ali evo ja vam opet tvrdim, ti podaci će vam biti gori. A ja ću prvi insistirati da se ta analiza napravi do kraja.

Predsjedavajući:

Imamo repliku kolege Jasmina Bišćević-Tokić – Vreti.

Poslanik/zastupnik Jasmina Bišćević-Tokić:

Zahvaljujem predsjedavajući. Pa evo kolega Vreto me u nekoj svojoj diskusiji me ponukao da nešto kažem, on će se sjetiti jer je tada bio u Klubu Naše stranke. Dopredsjedavajući Vibor Handžić na jednoj od Skupština donio zaključak, odnosno predložio zaključak da ga Skupština usvoji da svaki mjesec Vlada Kantona Sarajevo nas obavještava o datim saglasnostima na ugovore na određeno, neodređeno ili ugovore o djelima. Do dan danas nikada odgovorno tvrdim nisam dobila ni jednu informaciju koliko je Fortina Vlada zapošljavala, koliko je dala saglasnosti na određeno. Ja se zahvaljujem ovoj Vladi gdje smo napokon vidjeli u suštini prava zaposlenja koja su se desila za vrijeme Fortine Vlade, jer iskrena da budem nisam znala da se radi o ovako velikom broju i masovnom zaposlenju u toku Fortine Vlade. Znala sam da se mijenjaju u Toplanama pravilnik o sistematizaciji, koji se i danas ne može regulisati. Znala sam da je ministar saobraćaja dao 4,8 miliona za nabavljajući neku opremu za neka stajališta, evo građani Kantona Sarajevo mogu posvjedočiti da uopšte ne postoje tramvajska stajališta na Otoci. I svaki dan imamo više povreda zato što imamo nabavljenu avansno opremu od 4,4 miliona. Tako da kolega Vreto ja se s vama ne bih složila u vašoj diskusiji. I Fortina Vlada je imala obavezu da svaki mjesec nas obavještava a niti za jedan mjesec do dan danas nisam dobila. Zahvaljujem.

Predsjedavajući:

Zahvaljujem. Uvaženi zastupnik, odnosno dopredsjedavajući Handžić je odustao od replike. Ali ima zato riječ kroz diskusiju. Izvolite kolega. Kolegice Bešlija jeste li vi tražili ispravku krivog navoda Deviću ja se izvinjavam. Evo možete se javiti ako jeste. Izvinite kolegice. Kolegica Bešlija ima ispravku krivog navoda a poslije toga ćemo dati riječ dopredsjedavajućem. Izvolite kolegice.

Poslanik/zastupnik Vildana Bešlija:

aznači još jednom samo da ukažem na ono što pokušava kolega Dević i neću se zaista više javljati. Da bi neko primio platu, ono što vi pokušavate da zabacujete kao neku udicu, jednostavno vam ne uspijeva. Da bi neko primio platu mora imati već potpisan ugovor. Znači jutros smo, kada smo dobili ove podatke, to se moralo naći u ovoj izvještaju. Ako nastavite dalje da se javljate, ja predlažem onda da uvedemo neki novi sistem gdje će sam sebi neko moći da

ispravlja navod ili da radi sebi repliku, jer ovo što radi kolega Dević zaista više nema smisla. S ovim završavam i neću se više javljati. Hvala vam.

Predsjedavajući:

Kolegice i vi ste iskoristili pravo na ispravku krivog navoda, s tim u vezi ja moram dati i ostalim zastupnicima koji traže poslovničku odredbu ispravku krivog navoda. Kolega Dević izvolite, imate ispravku krivog navoda.

Poslanik/zastupnik Vildana Bešlija:

Zahvaljujem predsjedavajući. Kolegica je u nekoliko navrata u svojoj diskusiji spominjala zašto je Vlada uzela podatke iz augusta a ne iz septembra. E sada ja njoj pokušavam da objasni da joj podaci iz septembra nisu dostupni jer još nije septembarska plata isplaćena. Ako ona to razumije OK. Ako ne razumije evo odustajem od tih ispravki znači ako je to nejasno.

Predsjedavajući:

Kolega dopredsjedavajući Handžić. Možete nastaviti vašu diskusiju izvolite.

Dopredsjedavajući Vibor Handžić:

Zahvaljujem predsjedavajući. Ne mogu nastaviti tek evo sada sam prvi put dobio riječ. Strpljivo čekam već sat vremena diskusiju. Razmišljam da napravim sindikat zastupnika koji ovoliko čekaju na diskusije. Dakle nisam evo upravo da ne bih radio ovo što kritikujem odustao sam od replike kolegici Bišćević-Tokić ali ću je samo napomenuti da taj moj zaključak ona je potpuno u pravu, ja ga nisam nikada predložio da se stavi van snage, tako da on još uvijek važi, a evo n i u mandatu ove Vlade nikada nismo dobili nikakve podatke vezano za upošljavanje. Dakle diskusija zaista neće biti duga. Ponovo se nalazimo na jednoj tački dnevnog reda koju ja zovem uzalud vam trud svirači, znači gdje se umjesto neke argumentirane rasprave kojom bi se zastupnici zaista pokušali ubijediti zašto je potrebno ove zaključke staviti van snage, potrošili smo 90% vremena tačke na neke političke performanse od kojih u propagandnom smislu neće biti ništa od onoga što je zamišljeno u startu ove tačke dnevnog reda prije nego što je ona delegirana. Dakle sve smo mi ovdje odgovore dobili na postavljena pitanja ali smo nekako najblaži odgovor dobili na činjenicu da je Ured za borbu protiv korupcije upozorio na zapošljavanja nova zapošljavanja u ovom periodu. Isti onaj Ured na ko ji se svi pozivamo kada nam to treba za naše diskusije, koji je prethodna Vlada jako puno kapacitirali i s njim saradivala. A i sam premijer Nenadić je to isto najavio dodatno prilikom izlaganja vlastitog Ekspozea. E sada moram reći napominjem kao neko ko je potpuno dosljedan u postupcima u oba slučaja, kada smo glasali za ove moratorije i neko ko nije pisao nikakve statuse po Fejsbuku, da sam se baš onako slatko smijao određenim diskusijama, naravno ugasio sam ton da ne ometam rad sjednice. Smijao sam se najviše ovim pozivanjem na mišljenje i stav Zakonodavno-pravna komisija baš kao da tu sjede neke bivši predsjednici Vrhovnog suda Amerike a ne predstavnici delegirani od strane partija parlamentarne odnosno skupštinske većine ili možemo sada reći bivše skupštinske većine. Dakle posebno mi je smiješno bilo jer predsjedničko mjesto u toj komisiji zauzima moja kolegica Bišćević-Tokić koja je potpisala zaključke Zakonodavno-pravna komisija a koja je istovremeno i predlagatelj moratorija. I ispraviti ću kolegu Devića, taj moratorij iz februara nije blaži, on je puno radikalniji od ovoga, pa smo mi zbog toga morali donijeti dopunski zaključak da izuzmemo određene kategorije vezano za upošljavanje. I svi smo ga tada podržali uključujući i vas koji ste ga branili. Ja ne znam jeste li vi u međuvremenu doživjeli neko pravno prosvjetljenje, da li ste išli da meditirate na Tibet, pojma nemam, ali zbog ovih neprincipijelnosti i činjenica neprincipijelnih koje iznosite sve vrijeme, ja vama ne vjerujem apsolutno. Smiješno mi je bilo i to što premijer Nenadić stalno ističe i hvali se smanjenim brojem zaposlenih u duplo kraćem vremenskom periodu za razliku od bivše Vlade i činjenice da je u jednom vremenskom periodu za razliku od bivše Vlade i činjenice da je u jedno periodu bio

potpuni lock down zbog pandemije i da određeni broj ustanova nije ni radio samim tim nije se ni moglo vršiti zapošljavanje. A onda njegovi ministri, ne svi, pojedini, mole da stavimo zaključak van snage kako bi mogli uposliti dodatne ljude za određene aktivnosti. Dakle premijeru, moram vas ispraviti vi jeste pravili reakciju na osnovu Fejsbuk statusa pojedinih zastupnika, čak ste i na Fejsbuk stranici Vlade reagovali na osnovu statusa na Fejsbuku pojedinih zastupnika. Pogledajte ponovo vašu reakciju. Ali moram vam reći da se vaš i naš odnos gradi na povjerenju i uvažavanju ali nakon što je jedan od vaših ministara uradio to što je uradio na prethodnoj tački dnevnog reda, vjerujte mi ja vama više ne vjerujem ni kada kažete dobar dan, na žalost. I ovo se što je govorila moja kolegica Bešlija, s kojom se potpuno slažem, dakle smiješno je da se izađe i kaže da je ova Vlada uposlila ovoliko, a da je vaša kako vi govorite za bivšu Vladu uposlila ovoliko, a da je recimo premijerova stranka bila u obje ove Vlade i zamislite onom što je govorila moja kolegica Bešlija, preko 1000 ugovora u kulturi. I treba ja to podržavam ali gdje je ministar bio njegov stranački kolega od uvaženog premijera. I dalje kao što je moja kolegica Bešlija govorila ovo je u potpunosti jedan polovičan dokument, niti ima uporednih podataka za jednak vremenski period što se tiče dvije Vlade, niti se apsolutno ulazi dublje u materiju pa da vidimo važnost radnih mjesta, za koje je davana saglasnost. Da zaključim, osim ovih određenih ispravnih korekcija koje su napominjali i prethodni zastupnici sve se ostalo svodi ja bih to nazvao, patetičnu dramaturgiju, od koje se čovjek koji koji je potpuno neupućen u ove stvari, možda može učiniti da je ovo neka apokalipsa i da će se sve raspasti da će se sve raspasti ako se ovi zaključci ne stave van snage u potpunosti. A pošto je veliki broj zastupnika i ljudi izvan Skupštine je i te kako upućujem i zna s čim imamo posla, znamo mi da nije to tako. I zaista ove neke najprizemnije emotivne ucjene, na nivou evolucije čovječje ribice, da se kaže da neko ima ovdje nešto protiv ugroženih kategorija stanovništva e pa zaista to više nigdje ne pije vode. Zahvaljujem.

Predsjedavajući:

Zahvaljujem uvaženi zastupniče dopredsjedavajući Handžić. Ja ću iskoristiti također poslovničku odredbu ispravka krivog navoda, ova Vlada nije bivša i napominjem vas da ne koristite taj termin. Kada bude bivša onda možete kazati ova je Vlada u sazivu kojem jeste a ako bude primjene znate i sami kako se to radi. Ispravka krivog navoda dopredsjedavajući Handžić.

Dopredsjedavajući:

Nisam ja to predsjedavajući ni rekao, i u tom kontekstu ispravka krivog navoda, kada sam govorio bivša, mislio sam na Vladu premijera Forte a sadašnju naravno govorim za ovu koja jeste sadašnja. Zahvaljujem.

Predsjedavajući.

Replika kolega Dević dopredsjedavajućem Handžiću. Kolega Deviću imate riječ.

Poslanik/zastupnik Mahir Dević.

Zahvaljujem. Ja ću probati kolega Handžiću da za razliku od vas da vodim računa o dignitetu zastupnika i da vas pozovem da se i vi tako ponašate. Te neke, ti neki pokušaji poluprizemnih diskusija koji su vam vjerovatno prešli od NIP-a od kada ste postali njihov koalicioni privjesak vam ne stoji. Vi ste se nekada ponašali kao jedan fin momak u Skupštini Kantona Sarajevo. Tačno se ta evolucija na vama vidi u tom momentu kada ste počeli kada ste ušli u Skupštinu Kantona Sarajevo u odnosu na danas, tako da ta određena doza, da je pod navodnim znacima nazovem bezobrazluka neće se tolerisati svaki put. Ja često puta naravno te stvari prešutim ali neću vam dozvoliti da tako prizemno diskutirate sa mnom. Ja sam govorio vrlo argumentirano i rekao sam vam lijepo da vaši zaključci su rigorozniji od onih koje smo mi predložili u smislu blokade imenovanja upravljačkih struktura KJKP u Kantonu Sarajevo koji mogu dovesti do

kolapsa sistema. Ako vi to ne znate, uzmite i jedne i druge zaključke uporedite ih. Naravno da smo i mi vršili izuzimanja iz tih zaključaka jer smo vidjeli svu slabost tih zaključaka. Ali vas ja upozoravam još jednom da su ti zaključci na snazi bili svega nekoliko dana kolega Handžiću. Vašem premijeru i porazgovarajte s njim malo na tu temu, ako imate komunikaciju, pa će vam i on reći da oni prave ogromne probleme. Ja o tome govorim, ja ovdje nisam govorio o moratoriju na zapošljavanje. i još jednom zaista neću vam tolerisati takvu vrstu ponašanja, pozivam vas stvarno da sa jednom vrstom digniteta i dostojanstva govorite. Ti pokušaju prizemni diskreditacija vam zaista ne stoji.

Predsjedavajući.

Odgovor na repliku, kolega dopredsjedavajući Handžić Deviću.

Dopredsjedavajući Vibor Handžić:

Ma samo kratko predsjedavajući. Dakle mene ova replika gospodina Devića apsolutno sekunde jedne nije uzбудila. Simptomatično mi je da se u mojoj diskusiji on lično prepoznao. Ako mislite da ćete mene uvrijedi kao što ste se vi uvrijedili na moju diskusiju tim nekim kategorizacijama da sam ja privjesak NIP-a itd, možete slobodno nastaviti s tim, meni je to apsolutno ne vrijeđa. I samo da kažem da ne možete vi meni zabraniti da ja diskutujem bilo šta. Možete i replicirati, puštati me argumentirano ubijediti u suprotno. Zahvaljujem.

Predsjedavajući:

Zahvaljujem. Kolegica Kerla Bibija ima riječ kolegica da li ste spremni za vašu diskusiju. Kolegice Kerla da li ste spremni?

Poslanik/zastupnik Bibija Kerla:

Jel se čujemo? E ovako, ja želim samo da vas pitam nešto, hoćemo li mi još četiri sata provesti diskutujući o ovome što danas diskutujemo ili ćemo konačno privesti ovu tačku kraju? Jesmo li mi ovdje danas da pokazujemo našim gledaocima ko ima bolju umjetničku sliku iznad glave ili smo tu da pokažemo ljudima šta imamo u našim glavama. Zna li vi uopšte koliko ljudi danas nije ručalo zato što nema šta da jede, a oni moraju da nas slušaju pet sati samo zbog toga što nemamo drugo šta da radimo nego jednostavno da optužujemo jedni druge. Ja vas molim, ko boga dragoga, dajte da konačno završimo ovu diskusiju u vezi ovoga. Dajte bilo kakve zaključke, ili jednostavno da ih poništimo i da jednostavno krenemo dalje. Hvala lijepo.

Predsjedavajući:

Zahvaljujem. Kolegica Duraković ima riječ. Izvolite.

Poslanik/zastupnik Jasna Duraković:

Zahvaljujem predsjedavajući jel se čujemo?

Predsjedavajući:

Mi vas odlično čujemo.imate riječ izvolite.

Poslanik/zastupnik Jasna Duraković:

Evo javila sam se za diskusiju i željela bih da predložim dopunu zaključaka koje smo predlagali na redovnoj sjednici 28.09.2020.godine. Ako mi dozvolite voljela bih da u cijelosti pročitam i te zaključke i te dopune koje smo usaglasili i voljela bih naravno da to ide na izjašnjavanje Skupštini na kraju ove tačke da konačno privedemo kraju ovu pravnu farsu, koju kaže kolega Dević da smo prouzrokovali. Apsolutno se ne slažem. Evo da olakšam stanje da dovedemo do

kraja ovo kako treba.

Dakle u ime Kluba zastupnika NiP-a, Kluba zastupnika Naša stranka, Kluba zastupnika SDP BiH i Kluba zastupnika NBL – samostalni zastupnici,

Na osnovu člana 117. i 120. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15 i 48/16) predlažemo da Skupština Kantona Sarajevo na 11. Hitnoj sjednici, 05.10.2020. godine, donese sljedeće

ZAKLJUČKE

1. Zabranjuje se Vladi Kantona Sarajevo i resornim ministarstvima davanje saglasnosti za prijem u radni odnos uposlenika na određeno i neodređeno vrijeme, za zaključivanje ugovora o djelu i ugovora o privremenim i povremenim poslovima u organima uprave Kantona Sarajevo, zavodima, direkcijama, agencijama, upravnim organizacijama, pravnim licima sa javnim ovlaštenjima na teritoriji Kantona Sarajevo, javnim preduzećima i javnim ustanovama čiji je osnivač Kanton, budžetskim i vanbudžetskim fondovima, te u privrednim subjektima u kojima Kanton učestvuje sa najmanje 50% ukupnog kapitala. Dodatak ovdje: Ovo se ne odnosi na uposlenike koji već po ugovoru na određeno vrijeme obavljaju poslove za koje su angažovani, a kojima se ugovor obnavlja, bez kojih se proizvodni proces/ radna djelatnost može ugroziti. Za navedene je moguće produžiti ugovore, a o čemu će Vlada Kantona Sarajevo informisati Skupštinu Kantona Sarajevo.
2. Nalaže se svim subjektima iz tačke 1. Zaključaka da obustave sve aktivnosti na izmjenama i dopunama osnivačkih akata i pravilnika o organizaciji i sistematizaciji radnih mjesta. Također se nalaže obustavljanje internih premještanja zaposlenika unutar ustanova, preduzeća, organa uprave i ministarstava.
3. Iz tačke 1. Zaključaka izuzimaju se odgojno – obrazovne, visokoškolske ustanove, zdravstveni radnici, dodatak je ovdje: psihoterapeuti i psiholozi u zdravstvenim ustanovama, Uprava policije, Ured za borbu protiv korupcije i upravljanjem kvalitetom Kantona Sarajevo za hitna i opravdana zapošljavanja uz obaveznu prethodnu saglasnost Vlade Kantona Sarajevo. Izuzima se i zapošljavanje preko programa Službe za zapošljavanje KS.
4. Iz tačke 1. Zaključaka izuzimaju se subjekti koji su već dobili saglasnost Vlade za prijem uposlenika na određeno vrijeme gdje postoji opasnost da bi zbog započelih poslova u procesu rada isticanjem ili prekidom ugovora na određeno vrijeme mogle nastupiti veće štete za predmetnog subjekta.
5. Subjekti navedeni u tački 1. Zaključaka obavezuju se da odmah i bez odlaganja ponište javne konkurse za prijem u radni odnos koji su u toku, kao i da obustave prijem u radni odnos bez javnog konkursa, a sve prema ranije dobivenim saglasnostima nadležnog organa.
6. Obavezuje se Vlada Kantona Sarajevo, nadzorni i upravni odbori, ovisno o nadležnosti, da ponište pokrenute konkursne procedure i obustave sve dalje postupke razriješenja, izbora i imenovanja direktora i članova Uprava, Upravnih i Nadzornih odbora javnih subjekata iz tačke 1. Zaključaka. Ovaj član se ne odnosi na imenovanje školskih odbora čija imenovanja se nesmetano odvijaju.
7. Zaključci stupaju na snagu danom donošenja i primjenjivat će se 90 dana, ukoliko Skupština drugačije ne odluči.
8. Obavezuje se Vlada Kantona Sarajevo da putem resornih ministarstava odmah pristupi realizaciji prethodno navedenih zaključaka i da o tome obavijesti Skupštinu Kantona Sarajevo.

I tačka devet kao dodatak:

9. Izuzimaju se pravosudne institucije Kantona Sarajevo od zaključka donesenog 28.09.2020. godine.

Evo toliko. Ja sam poslala ovaj zaključak na mail skupštine i želim da se svi zastupnici i zastupnice skupštine Kantona Sarajevo o istom izjasne.

Predsjedavajući:

Zahvaljujem uvažena zastupnice Duraković ali ja to neću dati na glasanje dokle god ne budem imao stava Zakonodavno-pravna komisija jer je bila jutros sjednica. Bez Zakonodavno-pravna komisija i mišljenja taj zaključak neće sigurno doći na glasanje. Imamo diskusiju kolega Dević.

Poslanik/zastupnik Mahir Dević:

Zahvaljujem predsjedavajući. Evo jako dugo vremena smo potrošili vezano za ovu diskusiju ovdje. Ja sam u svojoj prvoj diskusiji naveo šta se sve navedenim zaključcima prekršilo, od Ustava Kantona Sarajevo, svih ovih zakonskih akata i ove dvije Uredbe Vlade koju je usvojila Vlada Kantona Sarajevo i naravno pozivam nas sve na poštivanje odredbi Poslovnika i da ne miješamo nadležnosti zakonodavne vlasti u Kantonu Sarajevo i izvršne vlasti u Kantonu Sarajevo. Ovi zaključci, pa i ove izmjene zaključaka, koje vidim da uopšte nisu suštinske, one nigdje ne tretiraju ponovo ni UO ni NO koji trebaju da osiguraju nesmetan rad preduzeća, su potpuno nezakoniti, to ponavljam ponovo kao i prethodni put š to sam kazao i pozivam Skupštinu Kantona Sarajevo da ne usvaja bezakonite zaključke koji će napraviti pravni haos u funkcionisanju uprave u Kantonu Sarajevo. Zahvaljujem predsjedavajući.

Predsjedavajući:

Zahvaljujem kolega Deviću. Evo poslovnička intervencija. Kolega Deviću ne morate ponovo vi upozoravati Skupštinu. Ja kao predsjedavajući neću dopustiti da se zaključak da na glasanje bez stava Zakonodavno-pravna komisija. Kada Zakonodavno-pravna komisija dostavi mišljenje, bilo to pozitivno ili negativno, o zaključcima zaista ne mogu da ja komentarišem, imamo naše komisije skupštinske koje mene obavezuju i ja ću se tako i ponašati. Znači dok ne budem imao stava Zakonodavno-pravna komisije ja dopunu zaključka neću dati na glasanje. Konaković druga diskusija, izvolite.

Poslanik/zastupnik Elmedin Konaković:

Zahvaljujem predsjedavajući. Užitek vas je danas gledati i slušati. Užitek, užitek. Sjećate se prošli put koliko sam se puta zezao s vama kada sam rekao predsjedavajući hoćete li ovo dati na glasanje bez stava ZKP zato što ni na jednom aktu niste tražili i samo što ste sada u minskom polju. Nekoliko važnih stvari. Postoji nešto što se zove politika osnivača. To je ono što kreira ova Skupština. I to je ono što je uputa svima koji rukovode institucijama koji je osnovao ovaj organ, dakle Skupština Kantona Sarajevo. Nikakva Vlada. I oni koji ne slijede politiku osnivača, mogu biti smijenjeni automatski. To je jedna važna stvar. Druga stvar, lupanja koja smo danas čuli o sukobu s nekim zakonima, uredbama koje su na snazi, su tako sterilni pokušaj spinovanja, da je to zaista zdrav razum nekako ne shvata, ne prihvata. Ova Vlada bila dužna ako je potrebno čak i uredbe prilagoditi politici osnivača. Organa koji ih je birao. Zamislite frke sada kako kolega Dević govori. Ne mogu se imenovati UO, NO. Znamo mi da je to vama sporno i da vam je to vrlo važno. Al ne mogu jer je to ova Skupština zabranila. I sada imate dvije stvari, jedna je da otkočite zbog svih ljudi za koje smo svjesni da imaju problem, pa i boračkih populacija, kultura i svi ostali, odličnim korekcijama koje je kolegica Duraković predložila ili da to ne uradite. Preuzmite odgovornost, uradite predsjedavajući šta god hoćete, nama je svejedno. Imate na snazi moratorij, jedino ako naravno imate većinu da se on povuče. To drastično mijenja sliku. Ići ćete tom hronologijom. Prvo ćete glasati o prijedlogu Vlade, ako ona dobije potrebnu većinu,

super je. Ako ne dobiju, imate drugi zaključka, kojeg vi ne date na izjašnjavanje. Kolega Čelik ne bih vam ja bio u koži. Dakle imate na sebi težak posao radite, na sebi odgovornost, dozvolite da ljudi koji rade u javnom sektoru, treba da im se produže ugovori, da im se ugovori produže. I naravno za to Vlada da saglasnost i o tome bude informisana Skupština. Ko to zaustavi pod plaštom ponovnog grubog kršenja Poslovnika, jer zakonodavno pravna komisija ne treba davati svoj stav po ovom materijalu, radite šta mislite da treba, sutra će vam press konferenciju održati druga udruženja, adresirat će to na vas. Dakle bio vas je užitak danas slušati. Samo jedna digresija o nemedicinskom kadru koliko se danas za njega borite. A koliko smo puta slušali o omjeru medicinskog i nemedicinskog kadra u zdravstvenim ustanovama. I kako ćete pogledati u oči zdravstvenim radnicima kojima ste nakrcali nemedicinskog kadra ustanove da ste im ugrozili plate, i danas je to zamislite ako nemedicinski kadar ne bude nanovo primljen, propast će sistem. Vi ste jedna divna pozicija. Kao opoziciji užitak je nadmetati se s vama. Mi skoro da ništa ne moramo(nerazumljivo). Hvala vam.

Predsjedavajući:

Zahvaljujem uvaženi zastupniče Konakoviću. Imamo li još prijavljenih. Ukoliko nemamo prijavljenih ja zaključujem raspravu. Prije nego što dam raspravu koju je kolega Stojanović tražio ja ću dati na glasanje prijedlog zaključka uvažene zastupnice Segmedine Srne Bajramović. Molim sekretara da napravi anketu a ja ću pročitati i kažem, onda ponovo niste u vašem prijedlogu dostavili u kojem će se razmatrati Zakon o visokom obrazovanju. Ako je hitna sjednica ne mora značiti da će se razmatrati u hitnom postupku, ali evo ja ću pročitati izvorno kako ste i napisali.

- 1. Zadužuje se Kolegij Skupštine Kantona Sarajevo da održi hitnu sjednicu i zakaže novu hitnu sjednicu Skupštine Kantona Sarajevo, u roku od 48 sati, na čijem dnevnom redu će se naći Prijedlog zakona o izmjeni i dopunama Zakona o visokom obrazovanju.*
- 2. Obavezuje se Ministarstvo za obrazovanje, nauku i mlade Kantona Sarajevo da pripremi Prijedlog zakona o izmjeni i dopunama Zakona o visokom obrazovanju koji će biti usaglašen sa zainteresovanim zastupnicima, akademskom zajednicom i svim zainteresovanim stranama bez mogućnosti da Ministarstvo ili Vlada Kantona Sarajevo predloži skraćeni postupak suprotno zaključku broj 1.*

Molim sekretara da pusti anketu a zastupnike da glasaju. Znači s ovim zaključkom možemo obavezati Vladu da donese nacrt Zakona, tako da evo otvaram glasanje. Izvolite glasati. Zaključujem glasanje.

ZA JE GLASALO 21 ZASTUPNIK, PROTIV NIKO I SUZDRŽANIH 6.

KONSTATUJEM DA SMO USVOJILI PRIJEDLOG ZAKLJUČKA UVAŽENE ZASTUPNICE SEGMEDINE SRNE BAJRAMOVIĆ.

Hoćete li sada pauzu ili? Ja bih vas lijepo molio da se izjasnite da li tražite. Kolega Stojanoviću imate riječ, poslovnička intervencija ima prednost. Kolega Dević poslovnička intervencija, traži pojedinačno glasanje. Pretpostavljam.

Poslanik/zastupnik Mahir Dević:

Predsjedavajući poslovnička intervencija pojedinačno izjašnjavanje.

Predsjedavajući:

e zahvaljujem kolega Deviću. Dat ćemo riječ uvaženom sekretaru Skupštine, pa pojedinačno glasanje.

Sekretar Aida Zeković:

Dobar dan svima. Molim da se izjasnite.

Aljović Hamed	ODSUTAN
Bešlija Vildana	ZA
Bišćević-Tokić Jasmina	SUZDRŽANA
Čampara Aljoša	ZA
Čelik Mirza	SUZDRŽAN
Ćosović-Hajdarević Samra	ODSUTNA
Delalić Sabahudin	SUZDRŽAN
Dević Mahir	SUZDRŽAN
Dizdarević Neira	ZA
Duraković Jasna	ZA
Handžić Vibor	ZA
Hasagić Amra	SUZDRŽANA
Hasanović Senad	ZA
Hodžić Admela	ODSUTNA
Jakupović Vedran	ZA
Junuzović-Kaljić Amra	ZA
Kerla Bibija	ZA
Konaković Elmedin	ZA
Krstić Danijela	ZA
Marić Zvonko	ODSUTAN
Marjanović Damir	ZA
Mekić Amel	ZA
Memić Arijana	ODSUTNA
Milavica Sead	OPRAVDANO ODSUTAN
Nikšić Damir	ZA
Okerić Elvedin	ZA
Pecikoza Fahrudin	ODSUTAN
Pleho Haris	ODSUTAN
Poturak Dževad	ODSUTAN
Srna- Bajramović Segmedina	ZA
Stojanović Igor	ZA
Suljević Samir	ZA
Šahman Bilsena	ZA
Viteškić Smiljana	SUZDRŽANA
Vreto Elvis	ZA

Hvala.

Predsjedavajući:

Evo samo da sekretar provjeri rezultate glasanja.
ZA JE GLASALO 20 ZASTUPNIKA, PROTIV NIKO, SUZDRŽANIH 6.
KONSTATUJEM DA SMO USVOJILI PRIJEDLOG ZAKLJUČKA UVAŽENE ZASTUPNICE
SEGMEDE SRNE BAJRAMOVIĆ.

Prelazimo na izjašnjavanje zaključka od strane Vlade. Molim sekretara da napravi anketu. A ja ću pročitati prijedlog zaključka Vlade. Na anketi će pisati zaključak Vlade.

Da se Zaključci Skupštine Kantona Sarajevo broj:01-04-35283-3/20 od 28.09.2020.godine, stave van snage, a da kao mehanizam kontrole procesa zapošljavanja bude i dalje Zaključak Vlade Kantona Sarajevo broj: 02-04-9455-3.2/20 od 06.04.2020.godine, koji je u prilogu ovoj informaciji.

Otvaram glasanje i molim zastupnike da glasaju. Zaključujem glasanje.

ZA JE GLASALO 12 ZASTUPNIKA, PROTIV 18, SUZDRŽAN NIKO.

Poslovnička intervencija uvaženog zastupnika Devića. Traži pojedinačno izjašnjavanje. Kolegica sekretar Skupštine će ponovo prozvati.

Sekretar Aida Zeković:

Aljović Hamed	ODSUTAN
Bešlija Vildana	PROTIV
Bišćević-Tokić Jasmina	ZA
Čampara Aljoša	PROTIV
Čelik Mirza	ZA
Ćosović-Hajdarević Samra	ZA
Delalić Sabahudin	ZA
Dević Mahir	ZA
Dizdarević Neira	PROTIV
Duraković Jasna	PROTIV
Handžić Vibor	PROTIV
Hasagić Amra	ZA
Hasanović Senad	ZA
Hodžić Admela	ZA
Jakupović Vedran	PROTIV
Junuzović-Kaljić Amra	PROTIV
Kerla Bibija	ZA
Konaković Elmedin	PROTIV
Krstić Danijela	PROTIV
Marić Zvonko	ODSUTAN
Marjanović Damir	PROTIV
Mekić Amel	PROTIV
Memić Arijana	ODSUTNA
Milavica Sead	OPRAVDANO ODSUTAN
Nikšić Damir	PROTIV
Okerić Elvedin	PROTIV
Pecikoza Fahrudin	ZA
Pleho Haris	ZA
Poturak Dževad	ODSUTAN
Srna- Bajramović Segmedina	PROTIV
Stojanović Igor	PROTIV

Suljević Samir
Šahman Bilsena
Viteškić Smiljana
Vreto Elvis

PROTIV
ZA
ZA
PROTIV

Predsjedavajući:

ZA JE GLASALO 13 ZASTUPNIKA PROTIV 17
KONSTATUJEM DA NIJE USVOJEN ZAKLJUČAK VLADE KANTONA SARAJEVO.

Molim zastupnike da isključe mikrofone. Pošto smo iscrpili dnevni red sjednice Hitne te zaključujem rad na istoj.

Poslanik/zastupnik Elmedin Konaković.

Vidjeli ste poslovničku intervenciju, sekretarko i provjerite vrijeme. Prije nego.

Predsjedavajući:

poslovnička intervencija Konaković. Izvolite kolega Konaković.

Poslanik/zastupnik Elmedin Konaković:

Evo molim vas da provjerite da li možda niste pogledali u grupu, pogledajte vrijeme , odmah sam prije nego što ste uzeli riječ tražio poslovničku intervenciju da vas upozorim kolega Čelik. Imate poslovničku obavezu da zaključak zastupnika date na glasanje. Napraviti ćete štetu Kantonu, ugroziti ćete kategorije, pa boračku pa i šehidsku, ukoliko ne dozvolite da se onim ljudima koji rade u sistemu a kojima je potrebno produžiti ugovor ne odobri izmijenim zaključkom. Vi danas radite jednu lošu stvar, preuzimate to na sebe, moratorij ostaje na snazi. Ugroziti ćete sve one populacije o kojima je vaš (nerazumljivo) cijeli dan govorio. Kršite Poslovnik, poslovničko je pravo zastupnika da se o njegovom prijedlogu zaključka glasa. Kolegici Duraković grubo oduzimate pravo. Podsjećam vas na desetine akata koji nemaju stavove Zakonodavno-pravna komisija kao i ovaj, jer nisu potrebni. Dakle kolega Čelik mnogo je ljudi u VIK-u, RAD-u, u PARK-u u drugim preduzećima (nerazumljivo) ugovore o djelu, određene poslove kojima se, imate školske odbore koje iz nekog razloga Vlada ne želi imenovati. Vi danas prekidanjem sjednice ugrožavate kompletan ovaj sistem a vi radite kako mislite da treba.

Predsjedavajući:

Zahvaljujem uvaženi zastupniče Konaković. Ja sam već zaključio sjednicu Skupštine Kantona Sarajevo Hitnu.